

LIST OF MEMBERS OF FOURTH MIZORAM LEGISLATIVE ASSEMBLY, 2001.

Sl. No.	Name of Constituency	Name of Members	Address
1.	Tuipang	K.T.Rokhaw	Hunthar Veng, Aizawl.
2.	Saiha	Zakhu Hlychho	Chaltlang, Aizawl.
3.	Sangau	H.Rammawi	Tuikual 'A' Aizawl.
4.	Lawngtlai	C.Thanghluna	Assembly Hostel.
5.	Chawngte	Nirupam Chakma	Assembly Hostel.
6.	Tlabung	Nihar Kanti Chakma	Assembly Hostel.
7.	Buarpu	Lalrinzuala	Zohnuai Lunglei.
8.	Lunglei 'S'	J.Lawmzuala	Assembly Hostel.
9.	Lunglei 'N'	Dr.R.Lalthangliana	Kanan Veng, Aizawl.
10.	Tawipui	Z.H.Ropua	Salem Veng, Lunglei.
11.	Vanva	C.Lalrinsanga	Bazar Veng, Lunglei.
12.	Hnahthial	F.Lal Thanzuala	Zohnuai, Lunglei.
13.	N.Vanlaiphai	R.Lalawia	Tuikhuahtlang, Aizawl.
14.	Khawbung	K.Vanlalaiva	Venghlui, Aizawl.
15.	Champhai	Zoramthanga	Tuikhuahtlang, Aizawl.
16.	Khawhai	K.L.Lianchia	Electric Veng, Aizawl.
17.	Saitual	R.Lalziriiana	Armed Veng 'N' Aizawl.
18.	Khawzawl	Aichinga	Babutlang, Aizawl.
19.	Ngopa	P.B.Rosanga	Kanan Veng, Aizawl.
20.	Suangpuilawn	H.Laltanpuia	Venghlui, Aizawl.
21.	Ratu	Lalthan Kunga	Tuikhuahtlang, Aizawl.
22.	Kawnpui	Sanghmingthanga	Chhinga Veng, Aizawl.
		H.Pautu	
23.	Kolasib	Rualchhina	Luangmual, Aizawl.
24.	Bilkhawthlir	Lalchamliana	Electric Veng, Aizawl.
25.	Lokicherra	Tawnluia	Kanan Veng, Aizawl.
26.	Kawrthah	K.Sangthuama	Electric Veng, Aizawl.
27.	Mamit	Brig.T.Sailo	Kanan Veng, Aizawl.
28.	Phuldungsei	J.Lalthangliana	Republic Veng, Aizawl.
29.	Sateek	B.Lalthangliana	Bethlehem Veng, Aizawl.
30.	Serchhip	Er.K.Thangzuala	Chan-mary Veng, Aizawl.
31.	Lungpho	Vanlahlana	Venghlui, Aizawl.
32.	Tlungvel	L.N.Tluanga	Electric Veng, Aizawl.
33.	Aizawl 'N' I	Dr.Lalzama	Chaltlang Lily Veng.
34.	Aizawl 'N' II	F.Malsawma	Chaltlang, Aizawl.
35.	Aizawl 'E' I	Lalhmingthanga	Khatla, Aizawl.
36.	Aizawl 'E' II	H.Vanlalaiva	Chhinga Veng, Aizawl.
37.	Aizawl 'W' I	Col.Lalchungnunga	Zarkawt, Aizawl.
38.	Aizawl 'W' II	Lalrinchharia	Tuikual 'A' Aizawl.
39.	Aizawl 'S' I	R.Tlanghmingthanga	Venghlui, Aizawl.
40.	Aizawl 'S' II	C.Sangzuala	Chaltlang, Aizawl.

...///...

(ii)

MINISTERS HNA CHANPUALTE

1. PU ZORAMTHANGA  
CHIEF MINISTER = 1. Finance and planning.  
2. power and Electricity.  
3. Agriculture.  
4. Horticulture.  
5. G.A.D.
2. PU TAWNLUIA  
MINISTER = 1. Home Department.  
2. Public Health & Engineering  
Department.  
3. Health Services.  
4. Department of personnel &  
Administrative Reforms.
3. PU R.TLANGHMINGTHANGA  
MINISTER = 1. Public works Department.  
2. Social Welfare Department.  
3. Co-operation Department.
4. PU LALRINCHHANA  
MINISTER = 1. Revenue Department.  
2. A.H. & Vety Department.  
3. Relief & Rehabilitation.
5. PU RUALCHHINA  
MINISTER = 1. Environment & Forest Department.  
2. Printing & Stationery Department.  
3. Soil & Water Conservation  
Department.
6. PU AICHHINGA  
MINISTER = 1. Food & Civil Supplies.  
2. Art & Culture Department.  
3. Trade & Commerce Department.
7. Dr. R. LALTHANGLIANA  
MINISTER = 1. Rural. Development Department.  
2. Secretariat Administration  
Department.  
3. Information & public Relations  
Department.
8. PU F.MALSAWMA  
MINISTER = 1. School Education Department.  
2. Tourism Department.  
3. Law & parliamentary Affairs.
9. PU H.VANLALAUVA  
MINISTER = 1. Local Administration Department.  
2. Fishery Department.  
3. District Council Affairs.
10. PU B.LALTHLENGLIANA  
MINISTER = 1. Higher & Technical Education.  
2. Sports & Youth Services.  
3. prison Department.
11. PU K.VANLALAUVA  
MINISTER OF STATE = 1. Social Welfare (Not Independent).  
2. Excise Department.
12. PU K.SANGTHUAMA  
MINISTER OF STATE = 1. Transport Department.  
2. Labour and Employment.
13. Er. K. THANGZUALLA  
MINISTER OF STATE = 1. Industry Department.  
2. Sericulture Department.  
3. Information Technology.
14. PU LALCHAMLIANA  
MINISTER OF STATE = 1. Health Services (Not Independent)  
2. Finance (Not Independent).  
3. Taxation Department.
15. PU C.LALRINSANGA  
MINISTER OF STATE = 1. Agriculture (Not Independent).  
2. Horticulture (Not Independent).

.....

(iii)

ZAWN AWL NA

	<u>Pages</u>
1. <u>Thutkhawm Vawi - 1-na ( 17.10.2001 )</u>	
1) List of Business	1 - 2
2) Obituary	3 - 9
3) Zawhna leh chhanna	9 - 20
4) Presentation of Reports	20 - 21
5) Laying of Papers	21 - 22
6) Introduction of Bills	23 - 26
7) Consideration of Bill	26 - 77
2. <u>Thutkhawm Vawi - 2-na ( 18.10.2001 )</u>	
1) List of Business	78
2) Zawhna leh chhanna	79 - 96
3) Laying of Papers	96
4) Presentation of Reports	96 - 97
5) Official Resolution	97 - 100
6) Consideration of Bill	100 - 134
3. <u>Thutkhawm Vawi - 3-na ( 19.10.2001 )</u>	
1) Zawhna leh chhanna	135 - 153
2) Discussion of Private Members' Resolution	154 - 209
4. <u>Thutkhawm Vawi - 4-na ( 22.10.2001 )</u>	
1) Zawhna leh chhanna	210 - 229
2) Announcement	230
3) Laying of Papers	230 - 231
4) Presentation of Reports	232
5) Discussion of Official Resolution	233 - 245
6) Consideration of Bill	245 - 262
5. <u>Thutkhawm Vawi - 5-na ( 23.10.2001 )</u>	
1) List of Business	263
2) Zawhna leh chhanna	264 - 279
3) Announcement	279 - 280
4) Presentation & Adoption of Report	280 - 281
5) Consideration of Bill	281 - 326
6) Announcement by Hon'ble Speaker	326 - 328

...///...

**S P E A K E R** : pathian chu roreltu fel tak a ni, nitin misualte chunga lungnihlohna nei pathian a ni. Mi a hawikir loh zawngin a ni chuan a khandaih a tat hriam ang; A thal ngul chu a kua i a, a pelh ta.

Sam 7:11-12

Tunah chuan kan Session hmasa leh tun inkara min boral san ta pu Vanlalnghaka, ram leh hnam tana kan rawngbawlpui thin chu sunna kan hmang hmasa anga. A sunna thu sawi turin House Leader pu Zoramthanga i lo sawm ang.

**PU ZORAMTHANGA  
CHIEF MINISTER** : pu Speaker, kan rawngbawlpui leh kan Ex-Minister, he House a hun rei tak kan lo thawhpui tawh pu Vanlalnghaka, hun lo taka min boral san tak paw i kan tihna thu tukinah hian sawi a lo ngai ta a. pu Vanlalnghaka hi 23rd July 2001 tlai dar 4:15 khan Aizawl Civil Hospital-ah a boral a. Kum 54 a upa a ni a.

pu Vanlalnghaka hi pu Mikunga leh pi Lalkhawmi te fapa a ni a, 1st February, 1947 khan Thingsai khuaah a piang a, unau 11 zinga a upa ber a ni a. Zirna lamah chuan pawl 9 thleng Thingsai-ah a zir a, pawl 10 chu Aizawl-ah pu R.L.Lalrema hnenah awmin St. Paul's High School atangin a pass a, 1977-ah pachhunga College atangin tha takin B.A. a zo a. pu Vanlalnghaka hi Mathematics thiam deuh mai a ni a. Synod High School Aizawl-ah kum 4 lai Mathematics zirtirtu hna a thawk a. College-a a kal lai kum 1973-77 khan Students Union zingah a tel tluan zak a, 1975-77-ah National Students Union of India Mizoramah thlantlin a ni nghe nghe a ni. pu Vanlalnghaka hian PUC a zawh hnuin Indian National Congress a zawm a, 1979-ah General Secretary, Mizo Youth Congress I hna a vuan a, 1981-ah Congress I Executive Member, Mizoramah thlan tlin a, General Secretary-ah ruat nghal a ni. 1978 Assembly General Election-ah Congress I ticket-in Hnahthial Constituency-ah a in candidate-a, mahse, a tling zo ta lova. 1984-ah Hnahthial atang vekin a in candidate leh a, thlan tlin a ni a. 1984-86 chhungin Apex Bank Chairman a ni nghe nghe a ni.

Tin, pu Nghaka hi 1987 leh 1989-ah Hnahthial bial atang bawkin MLA-ah thlan tlin a ni leh a. 1989-ah Minister of State, Printing & Stationery, P.H.E. te Soil and Water Conservation-te, Vety-te enkawl tura mawhpurhna pek a ni. A tette atangin sakhaw ngaih-sak mi tak a ni a. Ramhnuai a awm lai pawhin Mire hnam zingah Evangelist atan ruat a ni a, chhandamna puang turin theihtawpin chutah pawh thawktu a ni.

...4/-

1973-ah Mission Veng pastor bial huapa Male Voice bul tumtu leh Chairman pawh ni reng thin a ni nghe nghe a ni. June ni 30, kum 2001 khan thiin a luak avangin Durtlang presbyterian Hospital-ah dah a ni a. July 1, 2001 khan a pumpui zai nghal a ni a. Durtlang Hospital a a awm lai hian pathian-ah harhtharna a chang a, Pathianin ama hnena kirna hun min pe hi ka lawmna ber a ni tih hi a thupui a ni. pu Nghaka chu that lam a pan theih loh avangin Civil Hospital-ah dah a ni leh a. July 20, 2001 zan atangin a chau zual ta a, Doctor leh Nurse ten a nunna chhan tuma an beih lain July 23, 2001 tlai dar 5:15 ah a Nu leh pa, a Nupui leh chhungte dawm chungin a Chatuan ram a pan ta a ni. Vawinah keini House-a Member zahawm tak te hian hun rei tak kan lo thawhpui, mimal pawha kan thian tha, kan kawm ngeih. em em, pu Nghaka hetiangka kan lo chan ta hi he House hian a chan ropui a, Mizoram pawhin a chan a, sun leh chawimawi tlak a ni reng a ni tih hi kan sawi duh a ni e. pu Speaker, ka lawm e.

S P E A K E R : Member-te atangin sawi duh nei kan awm chuan i sawm ang. pu Lahmingthanga sawm ang.

P U L A H M I N G T H A N G A : pu Speaker, ka lawm e. Hei vawina kan Session-a kan hna (Business) hmasaber obituary hi thil tih nuamlo tak leh vanduaithlak tak a ni tih kan hre theuh anga. pu Vanlalnghaka, he rorelnaah kan thian, helai Assembly chhung mai nilo, pawn lamah Ram leh Hnam tana a nunna, a hun tam zawk hmang thin, kan chan tak thu hi sawi a ngai ta a. pu Vanlalnghaka hi kan House Leader-in a sawi tawh ang khan Thingsai khuaa lo piang a ni a. Thingsai khua hi Mizoramah chuan khaw hmingthang tak leh khaw hming tha, Mizo hnam zinga mitangkai leh hmingthangte an lo pian chhuahna hmun a ni a. Chutiang ang boruaka lo piang a, lo seilian a, ram leh hnam, a tleirawl lai atanga a th~~in~~lunga vei tak mi a ni a. Kan hriat tak ang khan, Ram leh Hnam hmangaih avangin pathian thua tui tak chungin Ramnuai lamah pawh kal chhuakin chutah pawh chuan Evangelist hna thawkin hun engemaw chen a hmang a ni a. Tin, amah hi keimah mimal nen phei chuan a tleirawl chhuah lai atanga inhre tak kan ni a, piantharna kawngah pawh kan ram leh hnamah hmahruaitu zingah a tel phain kei chuan ka ngai a ni. Chhungkaw harsa ve tak atangin a lo seilian a, a unaute an thahnem a, tin, a Nu leh pa te thingtlang hnathawk ve mai a ni a, mahse, amahin a tum hrim hrim avangin B.A. thlengin mahni kutkawihah an enkawl seilianin entawn tlak takin zirnaah hma a hruaiin B.A. pawh a rawn passed chho a ni a.

1978 chho atanga Aizawla a khawsak dan phei kha chuan inhnaitlang takin party khatah awmlo mah ila, thil kan ti ho tlang thin a, zirtirtu a nih mai baka Mathematics avanga Matric pass hleitheilo te a vei em em thin a. Vawi tam tak a vei zia chungchang chu mimal pawhin kan ti ti dan thin a ni. Tichuan, ka fate zing ami pawh hi coaching a lak te zingah chuan an tel a. Zirtirtu anih bakah extra-coaching hi Sikulpuikawn Middle School Class Room-ah khan a buatsaih thin a, chuta tang chuan naupang Mathematics avanga Matric pass hleitheilote tan a inpek-na leh a zirtirna atangin tam takin Matric an passed nghe nghe a, chu chu mit ngei a ka hmuh a, ka hriatoui a ni.

A hnathawhna lamah hian mihring inpumpek tak leh entawntlak taka thawk thin a ni a, 1978 a Hnahthial biala a rawn din tum atang khan candidate-a a a din tum hrang hrangah 1984 chhoah te 1987, 1989 chhoah te kan inhmu thin a, pawl hrangah awm ni mah ila, ti ti nasa takin kan sawi tlang thin a, thianghlim taka thil ti a, a candidate anihnaah te pawh tawngkam fimkhur tak hmanga a campaign leh a thil tihah entawn tlak taka thil ti thin mi a ni a. Tin, amah hi Mizopa rilru dik-tak pu, Mizo tlawngaihna nena a nun keng chho a ni a. Mission Venga a awm lai khan kawng hrang hrangah zirtir-na lam kan sawi takte Y.M.A. lamahte leh khawtlang nunah a hmahruaitu leh entawn tlak tak a ni zel bawk a ni. Chutiang chuan politics-a hmalakna leh rorelna chhunga hnuhma a lo neihte leh Minister nihna dinmun chelh a hnuhma a lo neih tawhna piah lamah pawh ama mimal nunah khan khawtlangah leh Society-ah ram leh hnam hmangaiha mite tana inpekna thuk tak nungchang leh thinlung nei mi a ni a. Tin, Minister hna a thawh chhungte pawh khan a theih ang tawk a a Department chante chu hma tisawn tur leh ram tana tangkai tura hnathawk mi a ni.

Tichuan, vawinah hian hetiang anga mitangkai tak mai, kan ram leh hnam hmangaihtu, mahse, a kum thute kan ngaihtuaha la upa lo tak ni si kan lo chan ta leh vawinah helai hmunah amah uina thu rorelna sang berah sawi a lo tul ta hi a pawl tak zet a, a kalsan tak a nu leh pate leh a unaute tuna Thingsai a la khawsa mek te leh hmun dang danga khawsate, tin, a bik takin a nupui fanau, Mission Vengthlanga khawsa mekte kan tuarpui tak zet a, kan tuarpuina thu vawiinniah hian kan sawichhuakin an hnenah kan hlan a ni.

Tin, hetiang pu Nghaka'n khawvel a lo chhuahsan ta hi he rorelna hian a chan nasa em em a, mi ropui tak a chan a, Mizoram hian miropui tak leh mi tangkai tak a chan a ni tih ka han sawilang ve duh a ni e. Ka lawm e Pu Speaker.

PU ZAKHU HLYCHHO : Pu Speaker, vawiina kan rawng-bawlpui, kan hotute zinga mi pawimawh tak leh kan ram tana mi tangkai tak leh ram hruaitu tling Pu Vanlalngghaka kan ui thu he House-a sawi ngai ta hi a pawika ti takzet a. Kei leh ka thawhquite chuan kan ui thu hi tawngkam thiamna mai a han sawi theih plah lam a ni tih ka han sawi duh hmasa a ni.

Pu Nghaka kha politics-a ka lo hriat ve na a rei viau va, amah kha mi tlang tak, tin, lehlamah chuan mi thliarhranna nei miah lo niin ka hre thin a. A bik takin keini chhim lam District Council area mipuite chuan min enhranna leh thlei bikna nei miah lova mi a lo biak thinna leh nelawm taka kan pan theih anih avangin Sorkara Minister-a a awm lai te khan kan nelin a lakah hian kan pangchang thei em em thin a. Chu chauh pawh ni lovin, amah pawh khan chhim lam tan hmasawna nasatakin tan min lakpui a, ama Sorkara Ministry hnuai-ah khan vawiina Lunglei leh Saiha tea Vety Department hmasawnnate saw nichina kan House Leader-in a sawi ang khan Sorkara Minister-a a thut lai Vety a enkawlha a zar-ah chhim lamah nasa taka hmasawna hmuh theihin a awm a ni. Chu chu amah pu Nghaka hnathawh rah a ni tih kha ka han sawi duh a.

Congress Party-ah pheii chuan sulhnu a nei tam khawp a, kan House Leader-in a sawi ang khan NSUI President hmasaber mai ni lovin, Mizoram Branch ah chuan NSUI dintute zingah a tel a ni. Congress Party a rawn zawm hian thalala General Secretary-in an la nghal a, tichuan, Congress Ticket-in MLA kha vawi 3 a tling a ni, a boral ni thleng khan Congress MDCC-ah Executive Member niin min boral san a ni. Kan thawhpui chhungin a quality tha tak a neih te, mithiam thei tak anihna te, kha kan chhawr em em thin a. Chutianga miropui leh mi tha kan chan ta mai hi a uiawm kan tiin hei hi keimahni channa mai ni lovin, Zoram pum tan channa a tling a, kha-tiang mi kha an vang viau a ni tih vawinah hian ka han sawilang duh a. Chuvangin, kei leh ka thawhquite chuan Pu Nghaka, a chhungte, a nu leh a pa te, a nupui leh a fate kan tuarpui takzet a ni tih kha he House zahawm takeh hian ka han sawilang a ni e. Ka lawm e.

PU SANGHMINGTHANGA H PAUTU : Pu Speaker, ka lawm e. Hei vawinah vanduaithlak takin kan Member thin Pu Vanlalngghaka sunna han sawi a ngai ta mai a. Holalaiah hian sawi lo thei lo niin ka inhria a. A chhan chu College-a kal lai khan ka zirlai naupang zinga pakhat a ni ve a, Thil hriat hi a tum hle thin a. Politics lam zirtirtu ka ni a. Chungah chuan a hriat lohte Inah te emaw, kawngah emaw, class room-ah te zawh a hrat em em mai a, thil hriat kha a tum hle a ni tih pawh ka hria a.

A bik takin Minister anih hnu thleng khan mahni zirtirtu hlui nena inlaichinna chungchangah te entawn tlak a tling in ka hria a. pu Nghaka hi ka rinai daihin i lo fel mai te ka ti thin a, amah pawh a nui koh koh thin a.

Ka'n sawilan duh chu, pu Nghaka nungchangah mihringin tlinlohna kan nei theuh va, amah-erawhchu chung kan chaklohna chu thudangah dah ila. pu Nghaka ka ngaihsanna em em chu a hlim thei a kha a ni. Keini Mizote hi kan hlim mawh viau mai a. Han in hmuh ni khua pawh hian kan tum deuh bur vek a. Amaherawh chu, pu Nghaka kha hlim hmel tak mai hian mi a be thei deuh reng mai a. Han inhmuh ni khua pawh hian biak hmasak ka tum pawh hian ka be hmasa hman ngailo va, mi a chibai hmasa ziah mai a. Chu chu ropui ka ti a. Tin, hlim tak mai a engkim mai a sawi thei reng mai a kha, party-ah te ngaihndan in an loh chang te awm thin bawk mahselangin, chulaiah chuan ropui ka ti a. Khami quality a nei kha kan zir tur awmin ka hre tlat a ni. Hlim hmel, hlim thei nihna nei hi vanneihna niin ka hria a. Chumiah chuan amah kha chawimawi tlakin ka hria a. Tin, heni thil a han tih reng rengah hmaa mite sawi ang khan ka hmuh theih ve chinah chuan ama han thawh tur chin hi chu hlen talh tum mi, tihhlawhtlin ngei tum mi a niin ka hmu a. Amah pawhin a sawi thin a, thil eng engah emaw te party khat kan nih loh avangin kan zu hre Chiang lo naa, amaherawhchu, a thil han tih reng rengah theihtawpa hna thawk mi a kha malsawmna dawng tlak niin ka hria a. Thil kan tih reng rengnaah kan entawn atan leh entawn ngei pawh thain ka hria a, chu chu ka'n sawi lang duh a. Chumi avang chuan a sulhnute kan sawi zel a ni ta mai a. Chutah chuan a nu leh a pa te, a nupui fanau hmun hrang hranga awnte hnenah pawh kan tuarpui tak zet a ni tih thu ka sawilang duh tel a. He House zahawm takah hian chung chu ka han sawilang duh a ni e. Chu chu ka sawi theih chhun a ni e, ka lawm e, pu Speaker.

PU R. LALZIRLIANA : pu Speaker, pu Vanlalnghaka hi ka thianpa a ni a, a hun hmasaah pathian rawngbawlin Kohhran lamah te theihtawp chhuah thin a ni a. Kan hotute thusawi kan ngaihthlak atang khan ramhnuai a awmlai pawhin pathian rawngbawla, tihtakzeta sakhuanate ti thin a ni a.

Tunhnu deuhah khan mihringin chaklohna hrang hrang kan nei a, chutiangah chuan heng hi i chhunzawm tur a ni a, hei hi chu i pah tur a ni tiin ngam takin thiante kan inti thin a, kan aia fing leh u deuh mah ni selangin, khatianga thusawi kha a hrethiam em em a, "min hmangaihtu tak tak i ni" tiin min chhang thin a, ka thinlungah hian a thi thei lo a ni. Amaherawhchu, khatianga khan a hun kha a lo tawp ta a ni.

...8/-



Thian kawm thiam, mi hlim thei leh dawh thei tak a ni.  
Mirethei ngaihsakna lamah a nun hi zirtlak hlein ka hria  
a, a nun hi a inphahhniam tak zet zet a ni.

Tin, a thilphal em em mai a,  
a thilphal ang chiah khan mite hnena va ei ve mai pawh  
kha a hnial lo a ni. Mirilru tha tak lo chuan mi thil  
va ei maite hi kan hreh viau a ni, a rilru khata tang  
khan a lang Chiang hlein ka hria a, kan zir atan a tha,  
keimah atan a lang Chiang em em a chu a bialte nena  
an inpawhna kha a ni a. Hnahthial bialah a ding a, a  
din atangin bial dang melh hauh lovin a tih theih ang  
zawng zawng chu a bialte nen ngaihtuah tlangin leh  
ti tlangin a awm a. Inthlan dawn chauha tlinna atana  
bialte tilawm ni lovin a tawp thlengin a bialte tan hmun  
dang melh hauh lovin a awm a ni. Hei hi vawiinnia awmte  
pawh hian inthlan lain kan in sawi thiamin kan tha viau  
a, thlantlin kan nih hnu hian pu Vanlalngbaka ang hian  
bialte tana thawk tur kan niin ka hria a, amahah hian  
zir tur tam tak kan nei, chungkua, unau rual tak an ni  
a, nu leh pa zah thiam tak, nu leh pa ko rip tur, unau  
duhsaka, a mahah mawhpurhna inbela, a mah kha chungkua  
ang pawh a inpui bera an neih a ni. Tiang mi, ropui leh  
zaidam, nunnem tak kan hnena awm ta lo mai hi channa  
ropui tak a ni tih hi kan sawi ve duh a ni e. Ka lawm e.

PU C.SANGZUALA : Pu Speaker, ka lawm e. Hei  
Pu Nghaka hi ka bial South-II  
huamchung ani anihna hrim  
hrimah pawh tlem tal chu sawi  
ve ngei turah ka inngai a. Tin, politics thuah hun rei  
tak in hria nilo mah ila, personal taka lo inkawmgeih  
ve deuh mai kan ni a, chuvangin sawi tur ka neih ve nual  
zinga thenkhat tal ka bial chungga mi a nihna hrim hrim  
ah pawh baah ka in ngai a, phu pawhin ka hre bawka ni.  
Pu Vanlalngbaka hi Aizawl South II huamchungah a tawh  
deuh bera. Tunhma lamte khan rawngbawlina lam kawnga in-  
hria kan ni a, tuna Member zahawm tak pu Zira sawi ang  
khan, ka han hriat tannaah chuan mi tana a inphalna hi  
ngaihsanawm ka ti. Khawmpui nikhuaahte kan chaw lamna  
tak meuh meuh a ni a, khawmpui chung zawngin a ina ei  
hi a phal em em a ni. Tin, a ina chaw han ei nikhuaah  
pawh duhsakna hi a uar thei hle a, a neihin a tlin dawn  
em ni tih khawp hian a mikhual, thenrualte tan a inphal  
a, a thilphalna hi ropui ka ti a, ngaihsan awm kati tak  
meuh a ni.

Tin, rawngbawlina kawngah  
ngaihtuahna inang lai te, inmillo laite a awm a, han in-  
hnial nak nak chang te pawh a awm thin a. Chutiangin  
inthurualna te pawh a awm bawka, kan inrel tawn hle  
niin ka hria. Tun hnuah khan politics-ah khati thleng  
thleng kha a lo kal ta a. A awmna nilo, party dang  
atangin a awmna bial ngeiah ka han awm veleh a, hengah  
te pawh hian mi lawmpui a thiam viau mai.

...9/-

Kum lamah an u te daih kan ni a, kan tling lo chung chungin mi a duhsak thiam a, thurawn ilo te pawh mi a pe hrehlo hle. Kan Sorkar kal lai mek thatna, hlawhtlinna te pawh min duhsaktu tak niin ka hria. Tin, amah kha mi hriam tak anih ang bawkin politics thilah pawh duh hmabak kha la nei hlein ka hria a, tih duh te hi a la ngah viau va, han ti ti ho nikhuaah heng hi a hriat theih hle a ni. Chutiang anih lain kum la upa lo tak leh hunlo takah min awmloh san ta thut mai a. Amah tih tur tam tak la awm, la hlenchhuah loh te kha uiawm ka ti hle a. A thihniah te khan rilruah sawi ve duh awm nual mah se, a remchang chiah lova. Hei amah sunna hunah hian remchang a lo awm ta hlauh va, pu Nghaka'n Mizo hnam tana contribution a lo neih tawh te kha ngaihsanawm ka ti a, hmabaka a neih a la tih hman rih lohte hi uiawm ka ti a. Tichuan a zia leh a contribution-te avangin pu Nghaka thi hi channa nasa tak a tlingin ka hria a. Pu Nghaka a ui awm tak meuh a ni. A awmna party leh a chhungte, a nupui fanau leh a nu leh pa leh unaute ka sunpui tak tak a ni tih tawitein kan sawi ve duh a ni. pu Speaker, ka lawm e.

S P E A K E R : Awle, kan ui thu hi kan sawi seng lovanga, kei pawh hian sawi tur tam tak ka nei a. Tlem azawng te chu a thih tuk zing khan ka zuk sawi ve a. Tichuan, amah sun nan ngawi rengin minute 1 i lo ding ang u.

Tunah chuan kan Business dangah kan lut leh tawh anga. Zawhna kan la anga, Starred Question No.1 zawt turin pu Zakhn Hlychho i lo sawm ang. Dar 11:00 chiah a ni e.

P U Z A K H U H L Y C H H O : Pu Speaker, ka lawm e. Ka zawhna hi Unstarred-in ka Quatsaih emaw ka ti a, mahse, Starred-in a kal hlauh mai a. A lawmawm ang reng viau zawk a. Ka zawhna (a) Mizoram Sorkar-in a 2001-2002 chhunga Horticulture Department atanga thlai tiak a sem dan list leh chuni atana sum sen zat min hrih thei em? (b) Horticulture Department in thlai tiak a semte hi an phun nung ngei em tih Sorkar hian a enzui em? (c) Enge Sorkar hmalak dan tlangpui te tih ka zawt e.

S P E A K E R : Awle, chhang turin Minister pu Aichhinga i lo sawm ang.

PU AICHHINGA  
MINISTER

: Pu Speaker, Member zahawm tak  
pu Zakhu zawhna chhanna chu  
hetiang hi a ni. Mizoram  
Sorkarin kum 2001-2002 chhunga

Horticulture Department atanga thlaitiak a sem dan list leh chumi atana sum sen zat min hrilh thei em tih a ni a. A chhanna chu 2001-2002 chhunga Horticulture Department atanga thlaitiak a sem dan leh a sum sente chu hetiang hi a ni. Horticulture Department-in Division 5 kan nei a. Chumi Division wise chuan ka chhang mai anga. min lo hrethiam sela. District wise ti ila, Administrative District ang hian kan kal chiah thei lova. District 8 a awm lain Division 5 chauh kan neih si avangin khatiang zawng khan ka chhang mai dawn a ni. Passion fruit (Sapthei) seedling hi a rate chu pakhat chengkhat zel ang a ni a. Aizawl Division-ah nuaithum semchhuah a ni a. Tin, Khawzawl Division-ah nuairuak semchhuah a ni a. Lunglei Division-ah nuaikhat leh singhnih semchhuah a ni a. Tuidam lamah hian kan pechhuak lova, a chinna boruak nen a inang chiah loh vang a ni a. Saiha Division-ah singkua pekchhuah a ni a. A vaiin nuai 11 leh singkhat a tiak pekchhuah a ni a. Chu chu pakhat Re 1/- zel anih avangin Rs. 11,10,000/- man tihna a ni.

Tin, Arecanut (Kuhva) hei hi kuhva kan tih hi a ni a, hei hi a seed pakhat Rs.4/- zel a ni a. Aizawl Division ah hian 1,65,500 pekchhuah a ni a. Khawzawl Division ah a hmun nen a innil loh avangin a seed pekchhuah ve loh a ni a. Tin, Lunglei Division ah hian 30000 pek a ni a. Tuidam Division ah 148000 pek a ni a. Saiha ah hian 31500 pek ani a, avaiin seed hi 3,75,000 ani a. Chu chu a pawisa in cheng nuai sawmpanga man a ni. Tin, Matkora layer kan ti a, kolom kan tih ang chi hi ani a. Hei hi a rate chu pakhat Rs.25/- ani a. Aizawl Division ah 26,100 pekchhuah ani a. Tuidam Division ah 12,000 pek ani a. Saiha Division ah 3,000 pek ani a. Avaiin seeds 44,100 pek chhuah ani a, chu chu a pawisa in cheng 11,02,500 man a ni. Tin, Grape tiak hi pakhat Rs.6/- zel ani a. A tiak ti ila, a kung tih nun ani ber ang cha, a let bawk ani, rosted an ti a. Chu chu Aizawl Division ah hian 4,500 pekchhuah ani a. Tin, Khawzawl Division ah hian 19,200 pek ani a. Tin, Lunglei ah pek ani lova, Tuidam ah pek ani lova. Saiha ah 4,800 pek a ni a. A vaiin 28,500 ani a. A pawisa in Rs.1,71,000/- man a ni.

Tin, Banana sucker hi pakhat Rs.5/- zel ani a. Aizawl Division ah 6,000 pekchhuah ani a, Khawzawl Division ah 4,000 pekchhuah ani a, Tuidam Division ah 40,000 pekchhuah ani a, Saiha ah 10,000 pekchhuah a ni a. Chu chu Rs.5,00,000 man a ni. Tin, Budded Orange hi orange chi tha chi, kolom ang deuhhlek bawk a ni, pakhat Rs.18/- zel ani a. Aizawl Division ah 10,000 pek a ni a. Khawzawl Division ah 10,000 pek ani a, tin, Lunglei Division ah 7,000 pek ani a. Tuidam ah

pek a ni lova, Saiha ah pek a ni lova, awaiin singhni  
leh sangsarih a tiak pek a ni a. Chu chu nuai li leh  
singriat leh sangruk man a ni a. Tichuan, a pumpuia kan  
pek chhuah a hi cheng nuai sawli leh pariat leh singruk  
leh sangkua leh zanga man a ni. Chu chu zawhna (a) na  
kan han chhanna nisela.

Tin, (b) naah khan Horticulture  
Department in thlai tiak a sem te hi an phun nung ngeiin  
Sorkar hian a hria em tih zawhna kha, hei hi tunah hian  
investigation kan nei reng a, kan thlir reng a, kan phun  
zawh, July thla tawp chinah kha chuan phun kan awih tawh  
lova. Tunah hian August, September, October kal chho mek  
a ni a, helai karah hian hmuntin ah kan Circle Officer  
ten an chinna hmun an en renga, an rawn report zela, ala  
chiang chiah hlei thei lova, a chhan chu tuna thla hmasa  
a thi lo te pawh kha thla lelah chuan alo thi leh palh  
thei ta zela, chumi avang chuan tuna report kan hmuh dan  
mek zelah chuan 70% vel bawr hi chawhrualin a nung a ni  
lawm ni aw kan ti rih a ni. Nakin thal chho leh deuh-  
hlekeh engnge a an ang tih chu report an la rawn pe leh  
zel dawn a ni. Tin, zawhna (c) na ah khan engnge sorkar  
hmalak dan tlangpui te tih a ni a.

Hetah hian hemi kan ram hmang  
tangkai tura hmalak chhoh zel naah hian kawng tam takah  
kan Chief Minister ina min kaihrualina hnuaiah hmalakna  
engeng emaw kan nei chho belh zela, heng thlai kan phun  
hrim-hrim ah pawh hian a bik takin kan thlai chin tura  
te hi a market oriented a kalpui a ngain kan hria a.  
Kan ramah hian engkim hi tha duh hle vek mahsela hralh  
theih tur thlai te anih loh chuan lo ching teuh mah ila,  
a hralhna a awm loh khan a hlawk thin lovin kan hria a,  
chuvangin Crop selection-ah hma kan la a, kan duh urhsun  
viauva, tuna kan chin tam eng engemaw kan chinte pawh hi  
thlakin, a bik takin kuhva te pawh hi kan han ching teuh  
a, amaherawhchu, kan chinna hi lo thar ta vek se hralhna  
tur lamte kan han ngaihtuahin kum thar lehzelah chuan chin  
tam zel chi a ni angem tihte kan ngaihtuah a, chumi rual  
chuan, hei, Avocado an ti a, thei Butter fruit an ti a.  
Chutiang angte pawh chu kan ramah hian kan la ching ve  
lova, khawvel ram tinah hian a market a tha hlein kan  
hria a. Chung te pawh chu kan ramah hian introduce ve  
nise tiin hmalakna tharah hmang ila kan ti a. Chutiangin  
hei, Bird's eye chilli ti a kan chin ve mek hi Bird's eye  
chilli chiah a ni lova, sumdawng hmarcha an tih ang chi  
deuh hi kan ching a. Chuvang chuan a man hi a tha tak  
tak thei lova. Chuvangin Bird's eye chilli tak tak hi  
chin chhuah ni sela, chu chu englai pawha rate chhe theilo  
khawpa tha niin kan hria a. Tichuan, a crop-wise-in a  
market oriented-in chin ni sela, tih hi kan policy thar  
deuh pakhat a ni a. Tin, chumi piahlamah chuan kan thlai  
te hi eng ang pawhin thar tha mah ila, kawngin a pawh si  
loh chuan awmia a nei lovin kan hria a. Chuvangin link  
road kan tih thin kha tunlaiah chuan hmang thar te vuahin  
potential area connectivity tia hmang thar vuahin Central  
lamah pawh an hriatthiam zawng tak a ni dawnin kan hria  
a.

Chu chu tunah hian kan potential area-te kawngin a pawh vek theihna tur hi hmalakna pawimawh niin kan hria a. Tin, chumi piah lamah hei hmalak chhoh zelna kan tum chu mitin ten permanent farming-a an kalpui theihna turin kalpui ni sela, kuminah neih a, nakumah a hranpa a kal leh thin ang ni lovin, permanent farming zawnga mipuite kalpui nise tiin ngaihtuahna kan siam a. Chuti-ang chuan hma kan la chho mek a. Sawi tur tam tak a awm a, kan sawi seng loyanga. Chu chu Sorkarin hma a lak chhoh mek dan tlangpui leh pawimawh zual deuh nia kan hriatte kan chhan theih chu a ni e.

PU ZAKHU HLYCHHO

: Pu Speaker, zawhbelhna, he ka zawhna rawn siamna chhan hi hei Mizoramah hian U.T. lai atangin thlai tiakte

pawh hi kan sem nual tawh a. State kan nih hnuah pawh kan la sem chhonzawm zel a. Kan sem tawhte atanga han ngaihtuah hi chuan kan ramah hian engemaw chen chu thar chbuaah nei ve tawh awm hi kan ni a. Amaherawhchu, vawinni thlengin chulam pangah chuan sawi tur hi a la tam vak lova. Tuna kan hlawhtling anga kan ngaihte pawh hi private-in anmahni sum senga an lo tih hi a ni tlangpuiin, Pu Speaker ka'n hria a. Hemi kawngah hian Sorkarina hma kan laknaah a umzuina lamah hian Sorkar hi a chak taw lo em ni ang? tih te ka rilruah a lian em em thin a. Chuvangin, ka rawn zawh tumna tak pawh a hnuai zawk ami hi Sorkarin engtingge hemiah hian an tinung ngei thei em? Kumin ami anih loh pawhin nikum lamah pawh lo sem tawh ania, he Sorkar hian tunah hian vawit hum a semna tur a ni tawh a. Kum hmasa lama an sem tawh te pawh kha kumin ami chu a la chiangkhang thei lo anih pawhin kum hmasa lam leh hmasa leha an sem tawh atangte khan min hrilh thei em? tih kha ka'n zawt duh a.

Tin, chuloah chuan a thlan danah khan tute nge thlang? A tiak la tur khan a duh duhin an la mai em ni? An in report-a, an la mai nge ni? a thlangtute hi an awm em tib kha ka'n zawt belh duh a. Tin, chulo lehah, a pathumnaah chuan ka'n Sorkar hnathawktute, a bik takin kha lampang enkawltu te khan kuthnathawktuten an thil lak an phunah khan a nun leh nun loh quarterly report an nei em? An pek tir thin em? Tin, an mahni chauh ni lovin, kang a latu ho khua atang khanin, kha kha a nung ngei em tih lo enqutu tur, Village level atangin emaw Division level-ah emaw Committee din a ni em tihte kha ka han zawt tel duh a ni.

PU R.LALZIRLIANA : Pu Speaker, zawhbelhna, kan Horticulture Minister thar, rawn chhanna kha, ka hre kimlo anih chuan, Minister hmasain a ngaih pawimawh em em thin, kan ram tana tha tura ngaih \_\_\_\_\_ tih kha, a hming kha lam a awn ta miah lova, tih pawh a awn si lova, engnge ni, Minister hmasate thiltih kha, a pawimawh ta lo viau em ni ? tih kha kan zawt duh a.

Tin, a pahnihaah chuan, Butter thei, khawvelah a market a tha tiin, kan ching uar viau dawn ni awn tak a ni a. A market tha kha, eng nge a rate tih kha min hrilh thei turah ka ngai a. Chuti anih loh chuan, nakinah a thalo leh palh ang tih kha ka hlau deuh a, a market rate hi min hrilh thei em ?

PU VANLALHLANA : Pu Speaker, ka han zawhbelh duh a chu, kan Minister khan, thei chi 6(ruk) a rawn sawi chhuak a, khang thei chi 6 ah khan Arecanut, Hatkora, Grape, Banana leh Orange te hi Mizorama kan neih, a market buaipui ngai lo a ni a, problems awmlo an ni hlawn a, Amaherawhchu, Passion fruit hi an uar viau a, a tiak ringawt pawh nuai 11 lai sem a ni a. Khawzawl Division-ah nuai 6, Aizawl Division ah nuai 3 ang te in. A market-ah hian problem hi a awm sa deuhin ka hria a, Sorkarin a leisak tawh thin a. Chhingchhipah Industries a awm a, chutah chuan proces-sing-te an nei thin a, a tiak nuai 11 atangin tam tak a thar chhuak dawn niin a hriat a, chutah chuan a lei turin eng ang ruahmanna nge a neih tih lai a kha ka zawt duh a.

Tin, Khawzawl Division-a nuai 6-ah hian tam tak a thar dawn a, Chhingchhip Industry-ah an rawn hralh thei dawn lova, Khawzawl hmunah te leisak dan a ngaihtuah thei angem ? mimal chuan transport-ah te harsatna a awm thei a, khalai a Sorkar ruahmanna kha eng nge tih lai a kha ka han zawt duh a ni.

PU J.LALTHANGLIANA : Pu Speaker, kan Minister hian semchhuah a ti a, ka hriatsual loh chuan a then hi an hralh a, a then hi a thlawnin an pe ni awn tak a ni a. Kei ngei pawhin a then chu ka lei bawk a. Chu chu engtiang percent hi nge a thlawna pek anih a, engtiang percent nge an lei tir tih hi min hrilh thei em ? Nge a thlawna pek vek sem chhuah a tih hi ? tih ka rawn zawt duh a ni.

S P E A K E R : Minister i sawm ang aw, a bak chu darkar chanve kan awm mai ang tih a hlauhawn em mai.

PU AICHHINGA MINISTER : Pu Speaker, zawhbelhna ho a kha, Sorkarin engangin nge hetah hian a uarzui dan, a umzui reng em kan thlai chin te kha a tiak tha leh thalo kum hmasa thleng khan a monitoring a kha a awm em tih lai ang deuh kha zawhna a ni a. Hei hi amah a zawhna neituin a sawi ang khan, kan rama kan supply tawh zawng zawng leh kan chin tawh zawng zawng hi, nung vek chu ni sela chu, kan ramah hian leng tawh lo hial awm khawp hi, U.T. hunlai atang tawh khan kan lo bei chho tawh a. Mahse, tunah hian kan la ti kal zel ta thova. A chhan ber chu ama sawi ang kha a ni tlangpui a, tumah kan indem vang ni lovin, hun kal tawh lamah pawh hemi kan thlai phun a te hi kan enzui vak lo nge ni tih hi ka hmuh dan pawh a ni a. Chuvang chuan, tun kan Sorkar chho atang hi chuan, a theih ang tawh kan thlai phun a te hi a tak tak a thleng em ? a tak tak ram kan thleng em tih engzui hi hna pawimawh ber nia kan ngaih chhoh a ni a, chu chu kan Chief Minister pawhina instruction min pek dan a ni a. Chutiang ang chuan kan kalpui chho dawn a ni a. Chuvang chuan, thla tinin Officer meeting kan nei ziah a, chumi thlatin kan meeting-ah chuan heng kan thlai phun a te hi a nung em ? Nangni bialah engzah nge a nung percent ? in en em ? tiin kan inzawt chhuak zel a. Chutiang ang chuan tunah hi chuan kan han kalpui tan a ni a. Thil tha tak tih-chhuah theih ngei kan beisei a ni.

Tin, hemi thlai tiak hi tuten nge thlang a pek tur beneficiaries ho a hi ? tih a ni a. Hei hi chu Horticulture Division tinte khanin anmahni bial chhunga pek awma an rawn thlan chhuah, a taka thawktu ngei an rawn thlan chhuah a te hnenah pek a ni a. Keini lam chuanin tute nge an pek tih hi a mai te tein kan han sawi thei lova. Amaherawhchu, an Division chhunga pek awma an ngaih an list a kha kan pe mai a ni.

Tin, quarterly report an nei thin em tih a kha, quarterly mai pawh ni lovin, monthly report hi kan Kova, kan dawng reng a ni. Tin, chubakah chuan khawtinah hian Village level-ah Committee te in siam em tih a kha. Tunah hian Sapthei bikah te, thlai chi dang dangah khan Committee siam vek tur tih order kan siam a. Chu chu tunah hian kan kalpui mek a, Division tinin anmahni area theuhah Village level-a Committee thlai hrang hrangah. Tin, chubakah chuan a pumpui ang pawha Committee nei turin khawtinah kan siamtir mek a ni.

Tin, Kiwvi fruit chungchang thu Member zahawm tak pu Lalrinzuala rawn zawhna kha, Kiwvi fruit a hi tunah pawh hian kan kalpui tho a. Kuminah pawh hian engemaw zat a chi lak chhuah turin kan buaipui tir mek a ni. A chin tawh sa pawh kung engemaw zat kan nei tawh a, a rah erawh chu a la rah lo a ni.

Tin, chubakah chuan Butter fruit chungchangah a market a thain kan hria a, engnge a rate chiah tih lai a kha kan kalpui lai a ni. Tuna report kan dawn tlangpuiah chuan Europe ramah te, America ramah te pawh hian an lo ching nasa a. A hralhna hi an tlachham lova, Sourth India-ah pawh khuan an ching a, a hralhna lamah hian problem an neih loh hle thu kan hria a. A rate-ah pawh hian rate tha tak niin an sawi a. Mahse, tha tak a kha engnge a nih kan zuk hre em em bik lova, kan zir mek a ni. Tunah hian chin tumin a chi Burma lam atangin kan ngaihtuah mek a ni.

Tin, chulovah chuan, passion fruit hi engnge ni a market Sorkarin engzatnge a leina tur pawisa te in dah reng em tih a kha. passion fruit hi kuminah hian a la rah tam lova, hralhna chungchang thuah kan la problem rih lovin kan hria a. Tin, chubakah chuan Kolkata lamah te a hralhna tur kan zuk bia a, tunah hian Company thenkhatte nen hralh tumtu mithen-khat ten inremna te an siam a, Kg 1-ah Rs.50/- in Kolkata-ah lo la turin M.O.U. te pawh an sign ni awm tak a ni. Amaherawhchu, rinain a thawn hi a lo buaithlak viau a, chulaiah chuan thlawhna a thawn a lo ngai a, thlawhna man hi a lo sang viau a. A hlep chu a tha em em lo pawh a ni thei e. Tin, chubakah keimahni ram ngei a kan siam ve na khawlah khian kumin a kan mamawh khawp pawh kan la thar lo tlat mai tho a. Chuvang chuan kan Sapthei chin hi a la sim awmlo hle a, hmalakna tlak a ni.

Tin, chubakah chuan sem bakah thlai chite kha tia subsidy a hralh chi a awm em ? Pu Thangliana zawn zawhna kha a ni a. Hei hi nichin khan "In sem ?" tia a rawn zawh avang khan a hralh lama kha ka sawi tel lova, hei kan thlai chite hi Finance Department lam hian engemaw zat chu Revenue chhunglut ve turin min duh a, chuvang chuan thlai tiak thenkhatte hi 50% a hralh chi kan nei a, chu chu hetiang hi kan hralh dan a ni a. Kan hralhna chhana pawh hi mihausa te, miliante lo nei ve tam tak an awm a, a thlawna a chi pek ngawt dawn chuan mihausa leh miliante a thlawna pek ve ngawt hi a rem bawk si lova, mahse, a chi an mamawh ve tho si a, an lei ve theihna tur an hmuh ve theihna turin 50% subsidy an lei theihna tura kha kan ngaihtuah sak a ni deuh ber a. Chu chu hetiang hi a ni. Kuhva chi kha 50% subsidy-in pekchhuah a ni a, chu chu Aizawl Division chhungah hian a chi 1005450 pekchhuah a ni a. Tin, Khawzawl Division-ah hian 5000, Lunglei Division-ah 10000 pekchhuah a ni a, Tuidam leh Saihaah 50% a hralh ang chi kha pekchhuah a ni lova.



Tin, Hatkora layers hi Aizawl Division-ah 8528 pek a ni a, Khawzawlah pek a ni lova, Lungleiah hian 3000 pekchhuah a ni a, Saihaah 2000 pekchhuah a ni.

Tin, Hatkora seedling vethung kha Aizawl Division-ah hian 14285 50% subsidy khan pek a ni a. Hmundangah erawh chuan pek a ni lova. Tin, Assam Lemon root cutting kha a rate Rs.3/- a ni a, chu chu Aizawl Division-ah hian 3000 pekchhuah a ni a. Tin, Lunglei Division-ah 5400 pekchhuah a ni a. Tichuan, a vaia a chi pekchhuah 50% a kan pekchhuah zawng zawng kha 156663 a ni a, chu chu Rs. 9,45,195/- man a ni.

S P E A K E R : Starred question No.2-ah kan kal leh dawn anga. Nichina kan Member zahawm tak pu Zakhuan Unstarred question in ka zawt a a tih kha, Horticulture ami kha chu Starred question-in a zawt a, Agriculture ami hi Unstarred Question-a zawt a ni. A hresual ve palh deuh hlek a ni mai thei.

Tunah chuan Pu J.Lalthangliana, Starred No.2 zawt turin ilo sawm ang.

PU J.LALTHANGLIANA : Pu Speaker, Starred Question No. 2, Home Minister zahawm tak chhan atan hongte hi ka zawhna a ni.

(a) BNLF leh Mizoram Sorkar aiawhte vawi engzatnge an inbiak tawh ? BNLF te thil : phut eng te nge ni ?

(b) Kumin Calendar year chhung hian Mizoram atanga Tripura Bru raltlan engzatnge lokir tawh ? tih a ni e.

S P E A K E R : Chhang turin Pu Tawnluia, Home Minister ilo sawm ang.

PU TAWNLUIA MINISTER : Pu Speaker, Member zahawm tak zawhna (a) chhanna chu, BNLF leh Mizoram Sorkar aiawhte vawikhat September 7, 2001 khan an inbe tawh. BNLF thil phutte chu point 10 a ni a. Pu Speaker, ka han sawi thlich thlich ange. Saptawngin an zick a, amaherawhchu, hei hi Mizo tawngin tawitein kan lachhuak a. BNLF in Mizoram Sorkar a point 10 rawtna an theluhte :-

- (1) Indian Constitution 6th Scheduled hnuaiah Bru mipui tan Autonomous District Council siam ni se.
- (2) Mizoram Legislature-ah seat 5 Assembly Constituency chu Bru tan reserve ni se, Sorkar hna reng reng 10% chu Bru lekhathiam tan reserve ni bawk se.
- (3) Bru vote thlak thei tan vote thlak phalsak ni se, Electoral Roll-a hming paih tawh te pawh dah leh ni se.
- (4) Tripura Refugee Camp paruka Bru raltlante chu Mizoram Sorkarin rang takin Mizoramah la let leh rawh se.
- (5) Bru Refugee lak let leh te chu Sorkarin a hlawn deuhin an mamawh turte tlakchham lohna hmunah awmtir se, Hospital, Educational, etc. te pek nise. Heng hmunah te hian C.R.P.F. deploy nise. Tin, School bakah Technical leh Polytechnic School-te pawh din ni bawk se.
- (6) Bru-te an rawn overground hunah Sorkarin an phu awm tawk hna leh venhinna pe se. Tin, BNLF member nunna lo chan tawh chhungkaw member hnenah hna pe bawk se.
- (7) Aizawl, Delhi leh Shillong-ah te hian Bru zirlai mipa leh hmeichhia tan a hnan ve vein Hostel din nise, Tin, Aizawl-ah Bru Rest House sak nise.
- (8) Bru ho tawng hman'kan Bru' hi Middle standard thleng subject khatah zir nise, hei hi Bru ho awmna area-ah nise. Tin, 'Bru' 'Riang' ah thlak nise, a chhan chu 'Riang' tih hi Bru hnam peng khat anih avang a ni. Scheduled Tribe list of Mizoram No.XXVII-a 'Riang' ti a lang hi 'Bru' ah thlak ni se.
- (9) 1997 a buaina avanga Bru hovin ram an lo luah leh hman thin bakah an thil neih an hlohte kha pek leh nise. Hei hi a harsat chuan zangna dawmna a phu tawk pek nise.
- (10) Case lo register tawh emaw tang mek emaw warrant lo pek tawh Bru-te chungah General Amnesty pek nise. Tin, tang mekte chu intiampkana awm lova chhuah nise.

Hemi point 10 hi Mizoram Sorkar leh BNLF te inbiakna vawikhatnaah khan Sorkar palaitte hnenah BNLF te hian an thehlut a ni.

Tin, (b) na kumin Calendar year chung hian Mizoram atanga Tripura a Bru raltlan engzatnge lo kir tawh tih hi, kumin 2001-a lo lutte hi engzatnge an awm tehreng em tih hi enfiah mek a ni. District Council tin atangin a figure kan la hmu lo.

PU LALRINZUALA : Pu Speaker, zawhbelhna, a confidential loh chuan an thil phut kha lo a ni tih kan ngaitthla a. Sorkar lamin khang kha pek a tum em ?

PU ZAKHU HLYCHHO : Zawhbelhna. Bru raltlante Tripura-a awm mekte enkawnan Tripura Sorkar hman turin Mizoram Sorkar pawisa atanga Motor 2 lei tur tih kha a dik em ?

Pahnihnaah chuan Tripura-a  
Bru raltlante enkawlina tura senso hi Mizoram plan pawisa atanga pek tur tih hi a dik em ? Tin, anni an lo haw huna chhawmdawlina tura ruahmanna hi a awm reng em ?

PU R.LALZIRLXANA : Pu Speaker, Bru-te nen khan tunkum September-ah khan an inbe ta a, 24th July-a Sorkar press release-ah hian Bru raltlan Mizorama an lo kir lehna tur chungchangah an zinga ralthuam keng pawl an tel chhung chuan Bru raltlante lo kir leh hi a remlo a ni tih a awm a. Chumi zawm zelah chuan Mizoram Sorkar chuan Central Sorkar aiawhte tel ve hi Bru lo kir lehte nena inbiaknaah hian a remti lo a ni a ti bawk a. Chu chu ni ta sela, Additional Secretary Home - Dr.P.B.Senoy-te leh Mizoram aiawhte, Tripura aiawhte inbiaknaah hian 6th June 2001 ah khan an inbia a. Chutah chuan helaia Tripartite meeting-a tih hi engnge ni ? Central leh Bru leh Mizoram nge, Bru-te nen tho hian tih kha ka hrechiang duh deuh a.

Tin, cheng nuai 60 lai an thawmhnaw leina tur kha an inbiaknaah hian a tul ang zia zela la release-a ni ang tih a ni a. Hei hi keini Sorkar tum tur em ni ang ?

Tin, Maruti Gypsy vehicle 2 leh Ambassador Car-te Bru raltlan ho enkawlina tur atana Tripura Sorkar pek tur a ni a, a leina tur pek tur a ni a. Chumi chu Mizoram Sorkar tangka atanga nakina la ruh leh tur a ni tih kha a ni bawk a. Tin, nuai 1200 lai mai Bru raltlante enkawlina tur kha Mizoram Plan outlai atanga deduct tur a ni ang tih a ni bawk a. Hetiang anih chuan helai meeting-ah hian thil serious tak a awmin ka hria a. Kan Sorkar aiawh hian Deputy Resident Commissioner a tel a. Hetiang hian hetiang pawisa involve lian hi a lo pawmpui mai thei nge ni a, in dah lal lutuk deuh a ni lo maw tih kha ka han zawt a ni.

PU TAWNLUIA  
MINISTER : Pu Speaker, a zawhna kha a hrang hrang a ni nain a in zawmin ka hria a. Member zahawm tak Saitual bialtuin a rawn sawi meeting minute-te kha a awm a. Mahse, vawihinah hian ka sawi duh chu, Mizoram Sorkar stand dik tak chu, Bru raltlante lakkir leh tur hian BNLF te an silai nena an lo hawn hma chuan engang pawh heng meeting-ah hian minute thin mahse, kan implement dawn lo tih hi a ni. Chu chuan engkim a sawifiahin ka ring.

Heng point 10 te hi inbiaknaah khan BNLFF hruaitute hian kan Sorkar palaite hnenah ziakin an thehlut a, chu chu Mizo-tawnga kan chhiar-chhuah kha a tlangpui a point-te chu a ni e. Kan Delegation-te chuan BNLFF aiawhten an thil duhte point 10 lai an siam te chu Mizoram Sorkarah an thehlut a. Heng an point 10 thlente hi Mizoram Sorkarin uluk takin a lo thlir anga, inbiak leh huna sawiho leh atan tih a ni. Inbiak lehna chu November thla chawhma lamah hian neih leh a ni dawn a ni. An Demand-te kha Sorkarin a ngaihtuah anga, inbiak lehnaah Sorkar ngaihdan chu hriattir anni dawn a ni.

Tin, tuntum inbiaknaah khan kan Sorkar palaite chuan BNLFF te an hrilh chu BNLFF te chuan a bo bang awm lovin an ralthuam te nen nun-phung pangngai rawn zawn hmasa phawt sela, Pahnihna - BNLFF ten an ralthuam daha nunphung pangngai an rawn zawn chuan Tripura refugee camp-a Mizoram Bru dik takte chu Mizorama an lokir lehna turin hmalak nghal theih a ni ang. Pathumna - Hetiangin inbiakna tha humhim zel anih theih nan BNLFF te chuan tharum thawhna leh pawikhawih na chi reng reng an ti lo ang tih kha kan Sorkar palaiten BNLFF palaite an hrilh a ni.

Tin, heng meeting Tripartite meeting tih hi Home Ministry official-te leh Tripura Sorkar official-te leh Mizoram Sorkar official te inhmuhna thin hi Tripartite meeting tih a ni mai thin a. Khutiang chuan kan hriat theuh angin Home Secretary leh kan Chief Secretary te leh Tripura Chief Secretary te nen meeting an nei fo thin a ni. Amaherawhchu, khang meeting zawng zawng kha neih ni thin mahse, kan sawi tawh ang khan BNLFF tena ralthuam an dah loh chuan awmze neiin implement theih a ni lo hrim hrim a ni.

Hetianga meeting-a sawihona ah chuan Bru raltlan, Mizoram mi dik tak, Mizoramah an lo kir theihna hun boruak a awm hunah chuan anmahni rehabilitation leh re-settlement-a sum leh pai senso zawng zawng tur chu Central-in an tum vek ang tih a ni. Chutiang ang chuan eng hunah pawh a lo bhleng theih a, tiin draft scheme-te pawh kan siam reng a ni.

Nichina Gypsy pahnih tih pawh kha ka hria a, amaherawhchu, khang kha implement theih a ni lova, ka sawi ang khan a tak tak tur hi chu kan inbiakna atanga an underground-te an lo hawn hma chuan thildang hi a rel hleih theih loh a ni ber mai tih kha ka sawi duh a.

Pu Speaker, zawnha-a Mizoram Sorkarin Bru refugee camp atan pawisa engzatnge a sen tawh tih hi, Bru refugee camp amite tan Mizoram Sorkarin pawisa pakhatmah a la seng lova, Central-in camp-amite kha a enkawl a ni. 1997 khan Mizoram Sorkar chuan khulama tlanthla ve ta lo te chu Sorkarin sum

tlem tlem a lo pe a, chu chu 1997-ah khan a ni a, a vaiin cheng nuai li singthum sangkhat zariat sawmruk paruk a ni a, Sorkar hmasa khan chhawmdawlina a lo pek a ni a. Tun Sorkarah hi chuan khung raltlante tan khuan pawisa pakhatmah sen a nilo.

**S P E A K E R** : Kan question hour a tawpna a rei tawh khawp mai a, minute 12 velin kan pel tawh a, obituary avangin question hun hi pawhrei theih a ni tlat lova, Parliamentary practise-ah chuvang chuan kan tihpui lui hram hram che u a ni. Tin, tunah chuan kan business dangah i kal tawh ang u. Puan tur pawimawh kan nei nual a, kan Session hmasa a Bill passed Governor-in a assent-te chu 'The Mizoram Appropriation No. 1 Act, 2001 kha Governor-in ni 30.3.2001 khan a assent a ni. Act. No.3 of 2001 a ni ta a ni. Tin, pahnihna, The Mizoram Appropriation Vote on Accounts No. 2 Act, 2001 pawh 30.3.2001 khan a assent a, Act No. 4 of 2001 a ni ta a ni. Tin, Mizoram Appropriation No.3 Act, 2001 kha ni 30.4.2001 khan Governor-in a assent a, Act No. 5 of 2001 a ni ta a ni. The Mizoram Water Tariff Act, 2001 kha ni 30.4.2001 Governor-in a assent a, Act No. 6 of 2001 a ni ta a ni.

Tin, tun kan Session a pannel of Chairman te chu pu C.Sangzuala, Dr.Lalzama, pu F.Lalthanzuala, pu J.Lalthangliana, pu Zakhu Hlychho te an ni. Vawiin hi member absent kan neilo a ni.

Tin, Business Advisory Committee Report hi House-ah hian kan rawn present duh a, tun tum Session programme-a ni a, a copy kha member te hnenah sem nise.

PU K.L.Lianchia, Chairman, public Accounts Committee Report 19-na leh 20-na present turin i lo sawm ang.

**PU K.L.LIANCHIA** : Pu Speaker, ka lawm e. Pu Speaker, i remtihhain public Accounts Committee Report 19-na leh 20-na he House zahawm takah hianin ka han present e, ka lawm e.

**S P E A K E R** : A copy kha sem nisela. Chairman thar kan nei a, May thla atangin hna an tan a, report pahnih lai an rawn thehlut hmanna, a lawmawm hle a ni.

Pu H. Rammawi, Chairman, Estimate Committee 2nd Report present turin i lo sawm velehang.

PU H. RAMMAWI : Pu Speaker, i phalna leh House remtihna in Estimate Committee Report pahniha he House-ah hian ka present e.

S P E A K E R : A copy kha sem ni sela. Pu Lal Thankunga, Deputy Speaker, House Committee Chairman ni baw chu 1st House Committee Report pe turin i lo sawm ang.

PU LAL THANKUNGA ; Pu Speaker, i phalna leh House  
DY SPEAKER remtihna in 1st House Committee Report he House-ah hian ka present e.

S P E A K E R : A copy sem nise. Tuna PAC report kha House pawmpui ngai chi a ni a, khatiang anga PAC report an siamah khan he House hian kan pawmpui thei mai em? Pawmpui thei maw, a lawmawm e. Kan Business dangah kan kal leh anga. Laying of papers.

PU AICHHINGA ; A kawltu tan pawh a buaithlak  
MINISTER a, standard size deuh hlek. hian Committee hrang hrang hi report theih ta se, dahkhawl duh tan pawh dahkhawl hi han en la, a intiati lo sel sul a, a buaithlak riau mai a, hei hi a tih theih dan a awm em?

S P E A K E R : A bu hi a pan deuh thin a, an ti te chu a ni mai a. Chutianga ngenna te a awm chuan Chairman tin khan in report kha member-te duh ang khan han siam theih tum ula, senso pawh a tam chuang lovanga, tiang tur ang chuan i ngai mai ang u. Chairman tin khan report kha kawltu nuam awm deuhin siam tum hram ila. Tunah chuan laying of papers hi kan ti tan anga.

Pu Zoramthanga, House Leader chu A copy of the Department of the Comptroller and Auditor General of India for the year ended 31st March, 2000 in respect of the Government of Mizoram chu lay turin i lo sawm ang.

PU ZORAMTHANGA CHIEF MINISTER : Pu Speaker, i remtihain A copy of the report of the Comptroller and Auditor General of India for the year ending 31st March, 2000 in respect to the Government of Mizoram hi he House dawhkanah hian ka rawn lay e. Ka lawm e.

S P E A K E R : A copy sem nise. Tunah Pu Zoramthanga, House Leader-in A copy of the State Lottery Amendment Rules, 2001 han lay leh turin i sawm ang.

PU ZORAMTHANGA CHIEF MINISTER : Pu Speaker, i remtihain Mizoram State Lottery Amendment Rules, 2001 copy he House dawhkanah hian ka rawn lay e, ka lawm e.

S P E A K E R : A copy kha sem leh nise. Pu Lalrinchhana, Minister-in A copy of Mizoram Regulation of Animal Movement Rules, 2001 han lay ve leh sela.

PU LALRINCHHANA MINISTER : Pu Speaker, i phalnain The Mizoram Regulation of Animal Movement Rules, 2001 copy chu he dawhkanah hian ka rawn lay e.

S P E A K E R : A copy sem nise. Pu F.Mal-sawma, Parliamentary Affairs Minister in Bill, The Mizoram Pension for Member of the Defunct Mizo District Council and of the Defunct Pawi, Lakher Regional Council Amendment Bill, 2001 hi House-ah introduce dil teh se.

PU F.MALSAWMA  
MINISTER : Pu Speaker, i remtihain The Mizoram Pension for Members of the Defunct Mizo District Council and of the Defunct Pawi, Lakher Regional Council Amendment Bill, 2001 hi he House-ah introduce phalna ka dil e.

S P E A K E R : House-in a introduce rem kan ti mai em ? Kan remti maw. Awle, introduce kan remti a. Pu F.Malsawma chu a Bill rawn introduce turin i sawm leh ang.

PU F.MALSAWMA  
MINISTER : Pu Speaker, i remtihna leh he House phalna in The Mizoram Pension for Members of the Defunct Mizo District Council and of the Defunct Pawi, Lakher Regional Council Amendment Bill, 2001 hi ka introduced e.

S P E A K E R : A copy sem vek ani tawh a, hun remchangah kan la ngaihtuah dawn nia. Tunah Pu Lalrinchhana, Revenue Minister in The Mizoram Prevention of Government Land Encroachment Bill, 2001 chu House-ah introduce han dil ve leh sela.



PU LALRINCHHANA  
MINISTER

: Pu Speaker, i remtihna in  
The Mizoram Prevention of  
Government Land Encroach-  
ment Bill, 2001 chu he

House-a Introduce hi ka rawn dil e.

S P E A K E R

: Tunah Pu Lalrinchhana'n  
Bill Introduce a rawn dil  
a, House hian kan remti  
em ? Remti tlang maw. Tunah

Pu Lalrinchhana chu a Bill Introduce turin i lo sawm ang.

PU LALRINCHHANA  
MINISTER

: Pu Speaker, i phalna in  
leh House remtihna in The  
Mizoram Prevention of Govt.  
Land Encroachment Bill,

2001 chu he House ah hian ka rawn introduced e.

S P E A K E R

: Awle, a copy chu nichin ami  
ang bawk khan sem tawh ani  
a, hun remchanga la ngaih-  
tuah tur ani. Pu Lalrin-

chhana, Minister vekin The Mizoram Public Demands Reco-  
very Bill, 2001 chu House ah hian Introduce dil turin  
i lo sawm leh ang.

PU LALRINCHHANA  
MINISTER

: Pu Speaker, i remtihna in,  
The Mizoram Public Demands  
Recovery Bill, 2001 hi he  
House ah Introduce ka rawn  
dil e.

S P E A K E R

: Tuna Pu Lalrinchhana'n a  
Bill a rawn introduced kha  
kan remti tlang em ? Remti  
tlang ani ang, tunah rawn  
Introduce sela a tha awm e.

...25/-

PU LALRINCHHANA  
MINISTER

: Pu Speaker, he House phalna in The Mizoram Public Demands Recovery Bill, 2001 chu he House ah hian ka Introduced e.

S P E A K E R

: Kha pawh kha a copy sem tawh ani a, hun remchanga la ngaihtuah atan. Tunah Pu C. Lalrinsanga, Minister in The Mizoram Co-Operative Societies (Amendment) Bill, 2001 chu House-ah Introduce han dil ve rawh se, i lo sawm ang.

PU C.LALRINSANGA  
MINISTER

: Pu Speaker, i remtihna in The Mizoram Co-Operative Society Amendment Bill, 2001 hi he House zahawm takah hian introduce ka rawn dil e.

S P E A K E R

: Introduce kan remti tlang em? Remtih ani e. A copy pawh sem vek ani e. Pu Lalrinsanga khan han introduce sela. Kan remtih angin.

PU C.LALRINSANGA  
MINISTER

: Pu Speaker, I phalna leh he House zahawm tak remtihna in The Mizoram Co-Operative Society Amendment Bill, 2001 hi ka rawn introduced e.

S P E A K E R

: House remtihna in introduced ani a, a copy pawh kan hmuh vek kha. Tunah Pu Lalchamlana, Minister in The Mizoram Sales of Petroleum and Petroleum Products including Motor Spirit and Lubricants Taxation Act, 1973.

5th Amendment Bill, 2001 chu House ah Introduce rawn dil turin i lo sawm ang.

PU LALCHAMLIANA  
MINISTER

: Pu Speaker, i phalna in The Mizoram Sales of Petroleum and Petroleum Products including Motor Spirit and Lubricants Taxation Act, 1973(5th Amendment) Bill, 2001 chu introduce ka rawn dil e.

S P E A K E R

: Introduce chu kan remtih sak thei em? Remti maw? tunah Introduce sela.

PU LALCHAMLIANA  
MINISTER

: Pu Speaker, I phalna leh he House zahawm tak remtihna in The Mizoram Sales of Petroleum and Petroleum Products including Motor Spirit and Lubricants Taxation Act, 1973 (5th Amendment) Bill, 2001 hi he House zahawm takah hian ka introduced e. Ka lawm e.

S P E A K E R

: Hei hi chu tunah kan ngaihtuah nghal ang a. House ah ngaihtuah phalna han dil sela. Ngaihtuah turin rawn move nghal bawk sela, a tha mai lawm ni?

PU LALCHAMLIANA  
MINISTER

: Pu Speaker, i phalna leh he House zahawm tak remtihna in The Mizoram Sales of Petroleum and Petroleum Products including Motor Spirit and Lubricants Taxation Act 1973 (5th Amendment) Bill, 2001 hi he House zahawm takah min ngaihtuah sak atan ka rawn thlen a, he Amendment Bill hian a tum ber chu The Principal Act kan tih

mai The Mizoram Sales of Petroleum and Petroleum Products including Motor Spirit and Lubricants Taxation Act 1973 a section 3-a clause I siamthatna kha a ni a, he Section hi thenkhat lam danah chuan charging section te pawh an ti a, Tax lakna tur, Petroleum and Petroleum Products a Sales Tax lakna tur leh a rate bitukna Provision a ni. Dan hi englai pawh atana famkim tawh siam hi a lo har em em mai a. He dan Bung 3:1 pawh hi a khat tawka amend reng a ni a. Tunah pawh hian amendment vawi 5 na Bill chu min ngaihtuah sak tura ka rawn thlen a ni.

Hun lo awmdan inthlak zelah hian hetiang hian amendment siam hi a lo ngai thin a. Chuvangin, hei pawh hi ka han pu lut ta a ni. He amend-ment tur hrim hrim hi (rawn sem tawh ang khan) a tawi hle mai a. He Dan dinglai a Bung 3: 1 ah chuan tihian a inziak a - "There shall be levied and collected from every dealer attached on his turn over from sale of the following goods at rates specified against each" a ti a. (i) Motor Spirit except diesel oil and internal combustion oil other than Petrol" a ti a. Chu chu 8 paise in the Rupee a ti a ni. Chu chu a leh lam zanga kan sawi chuan Petrol ah hian 8% zel sales tax lakna a ni. Pa-hnihnaah chuan Lubricants an ti a, hei hi chu Engine oil te leh oil dangte a ni ang chu, chu pawh chu a rate hi 8 paise in the Rupee a ti a.

Tin, pathumnaah chuan Diesel and other combustion oil, other than Petrol a ti bawka, chu chu 5 paise in the Rupee tihna a ni a. Tin, pali-naah chuan crude oil ani a, a rate hi NIL a ni ta a ni. Tin, panganaah chuan Liquefied Petroleum Gas (LPG) kan tih hi a ni a, 10 paise in the Rupee tih a ni. Hemi Bung 3 section 1 hi hetiang hian thlek ni ta sela tiin rawn rawt a ni. Tihian, In the Principal Act for Sub-section 1 of section 3 the following sub-section shall be substituted namely tih a heta 1, 2, 3, 4, 5 na zawn theuh a, a rate siam ai khan There shall be levied and collected from every dealer attached on his turn over from the first stage of sales of Petroleum and Petroleum Products including Motor Spirit and Lubricants and the rate may be prescribed by the State Govt. by Notification in the Official Gazette from time to time tih a ni a. Hetah hian thil inthlak danglam dan awm thei ta chu dan dinglaiah hian neng Petrol te Diesel te Lubricants kan tihte LPG te hi a rate eng ang pawh hi siam danglam, tihsan emaw, tihniyam emaw lo tul dawn ta sela, Assembly ah hian Dan anga passed ziah a ngai thin a. Hei hi a tul thut a awm hian harsatna tamtak a awm thin a. Chutiangin a Act ah hian inziak tawh lovin Sorokerin Notification in ti dang-lam mai se a tha ang e, Official Gazette ah a chhuahin tihna a ni mai a.

Tichuan a rate hi tunah hian Amendment hi he House zahawm tak hian min lo passed sak ta sela. A rate hi a Act ah hian a inziak tawh lo ang a. Chu

chu he Assembly hian Sorkar kha a rate a tul huna tihnam a, tisang turin phalna a pe dawn ta tihna a ni. Tin, Pu Speaker, hetah hian objective te Statement of objective and reason tihte he Amendment Bill rawn siamna chhante Financial Memorandum te pawh rawn thil tel a ni a. Hetah hian kan zavaia kan hriat chian em em tura ka duh chu, he Bill hi lo passed ta mah ila a dan dinglai hi a rate dinglai hi ka tihna, a rate dinglai hi kan tisang ta tihna a ni nghal lo a ni. Amaherawhchu, a rate dinglai hi kan tisang duh emaw kan tihnam duh emaw anih chuan Sorkar ah thuneihna kan pe ta a. Chu chuan Notification in a rate hi a siamtha thei dawn ta tihna a ni. Vawina Amendment kan passed avang hian a rate hi kan siam danglam nghal tihna a ni lo tih kha ka'n sawi tel duh ani.

Chuvangin, Pu Speaker, a tawi bawk a, rei tak pawh sawi lovin min pass sak thei mai lawm ni? tiin he House zahawmtak hi ka'n ngen nghal ani e, ka lawm e.

S P E A K E R : Awle, Minister in-charge in Bill ngaihtuah turin a rawn move ta a, a copy pawh kan nei theuh tawh a, tunah kan sawi ho tan dawn ang a, mipekhat eng angin nge hun kan in pek ang, Member te rawn che u ka duh a, hemi thilah hi chuan.

PU LALRINZUALA : Pu Speaker, nidanga, Bill kan han tih dawn hi chuan 10 minutes denden min pe thin a, kha kha, a tha leh mai lawm ni? sawi tur kan ngah viauin ka hria. A pawimawh khawp mai, hei hi.....

S P E A K E R : Rawtna dang a awm em?

PU TAWNLUIA  
MINISTER : Pu Speaker, kan Minister zahawmtakin a rawn move ang khan a chiang sa

khawp mai a. Helai Dan han thlakthleng deuh kha ani mai a. Vawin ni ah hian kan Member zahawmtak ten an chiang sa vek niin a lang a, in lamah kan zir theuh tawh bawk a. Chawhna a zawh turin group hrang hrang atangin sawi tur bik in siam ta ila, a zawh theih mai lo em ni ? tih ka'n rawt duh a, a har viau in a lang tlat a ni. Hetah hian a rate fixed na Rules lamah awm mai sela tih ang ani mai a. Chuvang chuan, Pu Speaker, Chawhna hian zawh dan tur siamin ruat mai ile tiin ka'n rawt ve duh a ni e.

Col.LALCHUNGNUNGA SAILO : Pu Speaker, dan pangngaia kan tih thin angin, 10 mins. te te a inpek kha a that mai ka ring. Kei chuan, hei, hei hi a tawi viau pawh ani mai thei a, sawi tur a awm mai thei a, Shwangan, dan pangngain tih leh ni ta sela, amaherawhchu, kan lo zawh hma tak leh kan zo hma ni mai sela tih karawn rawt duh ani.

PU H.LALTANPUIA : Pu Speaker, kan Minister leh Home Minister zahawmtak sawi ang deuh hlek khan, a chiang viau mai ani. A chian zia sawi ngain ka'n hria a. Chuvangin, uniform floor rate hman duhna vang ani tih kha a chiang riau mai a, an chiang viau in ka hria. Chuvangin, 10 mins. te te, kan tih dan phung pangngaia kha chu a tha lawm ni ?

Dr.LALZAMA : Pu Speaker, hei nichina kan han ngaihthlak ang khan kan Minister zahawm tak atang khan a rawn introduce a, a sawi ang khan hemi amend tur chauh thil a ni a, hei hi chu thil tlar khat lek tak tak, hei a rate hi tihhniam leh a tul ang huna tihhniam leh tihsan theihna tura Sor- kar ina Notification a chuan mai theihna tura a han amend na mai tur kha a ni a. Chuvangin, Pu Speaker, han sawi teh chiam a ngai hlei nem mawle. Chuvang chuanin, hengte hi chu chawhna hian zawh tum mai zawk ilang a tha lo maw. Khatiang khanin hun tlem deuh kha pe mai la, a tha anga tih kha ka han rawt a ni.

S P E A K E R

: Ngawi lawk rawh u aw, kan Dan 101-na khanin Bill chungchang thu-ah hian Bill kha tha tih leh tih loh kha sawi mai tura ni a. Chipchiar lutuka mahni din-hmun siamthat tum nana thil dang va chham thui zela kha a phal hauh lo mai, kha kha in hriat a tul khawpin ka hria a. Bill a kha in duh leh duh lova kha fiah takin in sawi ang a; mahse, ten chhan tur zawnga eng eng emaw thil dang chipchiar lutuka sawi kha a remti lo ve tlat mai a, chuvang chuan, keini lo ruahman danah chuan minute 5 hi a tawk viau lawm ni ? kan han ti deuh chu ania.

PU K.L.LIANCHIA

: Pu Speaker, hei kan Leader a awm lova, a hun pawh hei chauh hi vawiin atanah a tawp berna a ni maia, tin, kalphung deuh hlek hi kan lo nei tawh a. I sawi kha a dik vek rual hian, hengah hian min an duh loh ve tlat anih chuan an duhloh chhan sawi a ngai ta a, an duhloh chhan chu eng chen nge ka hriatpui hauh lova, min an duh chhan an sawi thei a, an duh chhan tur pawh chu a minute zat kha kan hriat sak thei tak tak lova, chuvang chuan, kan tihdan thin pangngai eia kan kal danglam dawn anih hi chuanin a hma deuh atanga kan hriat loh phei chuan tih ngaihna a awm vek dawn lova.

S P E A K E R

: Ni lo, in hriat pawlh ve deuh a, Bill te Demand te, kha Budget thil dangte, tin, Resolution te kha kha kan hun pek dan kha in hriat pawlh deuh hlek a. Khatiang khan minute sawm kha Dan ang deuhin kan kalpui ngai lemlo a sin.

PU R.LALZIRLIANA

: Pu Speaker, sawi duhlo pawh kha an tam hmela a ngailo tih kha. A ngai tih zawng.....

PU H. RAMMAWI : Pu Speaker, Bill pawimawh tak kan sawi dawn tlat....

S P E A K E R : Chutiang ang taka chu a tha in tih lohna kha in sawi ang a, khatiange chipchiare thil dang kaihnawiha kha kan Dan 101 na ina a phal loh lai tak akha chu a ni ve tlat a ni.

PU R. LALZIRLIANA : Pu Speaker, thil reng reng hi hei chu a tha hei chu a tha lo ti ngawtin ti zel ila, a harsa anga, a tha kan tihloh lai a chhana kha chu kan rawn sawi lang ve ang chu. Khalaiah khan minute 10 kna ti mai rawh. I tih thin kha.

S P E A K E R : He lam ka dinglama mite hian engzah nge an rawt ve reng reng ?

PU R. LALZIRLIANA : Pu Speaker, hetiang thil tha sawi tur chuan 15 an rawt zawk ani lawm ni ?

PU H. RAMMAWI : Pu Speaker, a sei zawnga thil kan explain dawn chuan minute 15 pawh tawi kan tih viau ka ring a. Minute 20 pawh hi kan kham lo mai thei a. A subject bak kan zuk thuai tel tam lutuk chuan i sawi ang kha a tha dawn hauh lova. Chuvang chuan a subject a chiang bawh a, minute 5 a tawh angreng viau a ni.



S P E A K E R : Anih leh keiman, in ngaihdan a in ang si lova, decision ka siam mai ang. Minute 8 i ti ang. Opposition lam hi i duhsak deuh ang. A laia then aia tha hretin i dah ang. Chutiang chuan, minute 8 i ti ang aw. Duh tawk hi a awm tak tak thei lova, member ho pawhin in hrietthiam ka beisei a. Tiang chuanin minute 8 ah sawi zawh ngei ngei tum ila. A hma minute 6-ah warning bell emaw kan rawn hmet ri ang a, chutiang chuanin anih leh Member a sawi duh apiangin han sawi teh ule.

PU LALRINZUALA : Pu Speaker, hei vawiin niah hian thil pawimawh tak mai, ram kalphung, kan future nasa taka khawih thei thil kan sawi dawn a ni a. Chuvang chuan, minute 10 kan han dil ngar ngar a. Amarawhchu, a tha titu lamin a thatna sawi tur a tlem a ni ang e. Minute 5 an ti a, lai in la a, i zahawm a. I tih ang kha zawm kan tum ang a; kan leng lo hle dawn a, pawl ka ti khawp mai a.

Tuna kan Dan, kan amend tur ah hian, hun ka neih rei loh avang khan kan lut ang a, khang motor spirit hemi Dan min rawn pekah khan petrol man hi Sale Tax kan lak tur hi uniform floor rate-in kan la ang a tih a ni a. Chuta an rawn ziah lan chieng takah chuan tuna 8% zel kan lakneah hian za a Rs.20/- kan la dawn a ni tih a ni a.

Tin, diesel oil ah hian tuna kan hman lai 5% kan lakneah hian 12% kan la dawn a ti a. Tin, Lubricant oil ah hian tuna kan hman aia sang daihah 8% in kan chho len dawn ani a ti a. Pu Speaker, hei hi a hlauhawm a, a tna lova, a pawl em em in ka hria. Tunah hian petrol hi litre khat Rs.25.50 in kan lei a. Tun a an han proposed ah hian Rs.28.27 a lo ni dawn ta a, a punna hi Rs.2.77 a ni dawn a. Tin, diesel oil ah tuna kan hman mek lai hi Rs.15.47 a ni a, rate thar ah Rs.16.48 a ni ang a, Rs.1.01 in a to dawn a ni. Hei hi nimanah Taxation Department ah kan zawt a, hei hi an chhut chhuah dan a ni a, hei hian a nghawng tur chu lubricant oil, Petrol, Diesel oil, break oil etc. he-tiang a a lo pun chuan, a nghawng tur chu, tuman kan hai hauh lova. Chu chuan, khualzinte leh mi retheite hnena thil phurh man nasa taka chawi thinte hnenah hian, nasa takin phurrit a belhchhah dawn a ni. Chu chu, vawiin niah hian, a pawl lai tak chu a ni. Hei hi a nep thei tlat lo. A pawl leitak chu a ni ta a ni. Kan ngaihtuah leh hriet atan ka duh chu, ka thin-lung a rawn thangkhawk, kan Chief Minister zahawm tak

helama thu a, Opposition Leader anih laia a thusawi thin a chu, Zoram mipui rethei lutuk, sawrfu tur awm tawh chuang lo atih thin ram ka thinglungin a zuk fang thin a. Sawrfu leh chuan tur awm tawn lo, kan tih, sawrfu leh chuan tur awm tawh lo, sawrfu leh kan tum hian, a thinglung nat thlak em em a ni.

Pu Speaker, ngun taka Bill hi kan ngaihtuah chuan, a chhen an rawn ziak a. Objects & Reasons ah hian. A chhan a rawn ziak hi, kan revenue hi kan tihpun a ngai a ni. Kan tihpun a ngaih avangin, he Bill hi rawn tih a ngai a ni, ngaihtuah a ngai a ni, a ti a, mipuite hnena chhiah kan lak hi tihpun a ngai a, kan mamawh a ni a rawn ti a.

Kan hun kal tawh kan han ngaihtuah a, i dinglama mite helama an thut lai a, an thil sawi thin kha, bengah hian a la cham reng a, proceeding hluite kan han en thin a, a lunglen thlak tlat. An sawi thin a chu, keini kan Sor- kar ve hunah chuan, Centralah hian pawisa hi a dilin kan dil dawn lova, leiba hi kan thing dawn a ni.

Chuvang chuan, helaia kan harsatna (Khatiang i sawi dawn chuan, kan Dan 101-na i kalh tlat mai a maw, chuan, khatiang kual vel khanin i hun i hmang zo mai mai dawn a, a bill a tak i duh leh duh loh zawk a kha sawi teh : SPEAKER) ka duh lohna chhan ka rawn sawi dawn alawm, (Khatiang anga mi thusawi sawichhawn leh i sawh ang chi kha chu kan Dan in a phal lo a ni, Dan lo engin kan kal thei lo a ni, chu chu in hriat a ngai a ni. Khatialaia a bill taka kha sawi rawh u :SPEAKER) min lo tawng thlamuanna thina kha, wawiinni ah hian a tul a ni an rawn ti leh ta si a hi, chu tak chu alawm kan sawia chu, chu taka chu a pawit thin a ni. Zoram mipuiin wawiinnia min beisei dan a hi, hemite an sorkar chuan kan sorkar thar ah chuan phurrit min chhawk ang tih kan beisei laia phurrit dang inbel inbel mai tura hi, em ni dawn ? Nem muka sawi muk a liam zawih zawih kan in- tiam laia kan neihsa ipite zen chung a mipui tawrhna tur, wawiinnia hetia Amendment Bill rawn putluh a hi, chu chu a lawm a tha lo kan tihna chhan a chu.

Chuvang chuan, wawiah hian, he Bill hi Bill sakei a ni Zoram mipuite tan a sakei em em ani. Kan pass chuan wawiah nia khualzin thin ate hi, harsa taka chaw lo ei ve hram hram thin ate, an chawman, an hmanraw phurh man zawng zawng a to vek dawn a, chu chu wawiah nia retheite tan hian kan tlin tawh lo a ni. Chuvangin, kan Treasury bench lam- pang leh kan Bill neitu kha tlawngai sela, he Bill a hi chu tilo hram ila a va han tha em, tih ka sawi duh a. Chumi anih loh chuan, wawiah hian kan han pass ang a, a vague em em len nghal a, an duh hun hunah hman atena han tih ringawt akha, kan hmang dawn mai lo ani. Hman dawn mai loh kha putluh a tul lo. Hman mai kan tum zawk avanga pulut kan engin ka hria a. Chuvang chuan, hei hi chu a tha lo ani, kan insawi tawhna leh

Zoram mipui kan lo thlamuan thinna zawng zawng akha , mi-in an la theihngilh si lo. Chuvang chuan, vawiinah hian Zoram mipui tan, he rorelna Inan hian mi retheite va hrem leh zual tur. Dan pass tur hianin engati nge maw ni, ngaihtuahna hi kan sen le ? Chuvang chuan hei hi chu a rapthlak tlat ani. A jump hi a thui lutuk a, Petrol ah khan Rs.2.77p a vawilekhata jump thut chu tuna mi pawh hi a dik tak chuan kan State Transport Bus han kal chhuak te reng reng pawh hi khualzin phurh tur pawh nei zo thei tawh lo khawp a ram rethei kan lo nih tawh hi. Chuvang chuan, hetiang ang man kan tih san leh si chuan a consequence tura kha a awm a ni. Chumiin a rawn hrin tur chu petrol mante Diesel mante a to chuan a chuanna man kha a to ngei ngei dawn. Chumi a chuan man petu tur te chu heti laia mipui kha an ni tlat a ni. Chuvangin, he Bill hi khawngaihtakin a neitu khan la kir leh thei sela, ka duh khawp mai. Pu Speaker, ka lawm e.

PU ZAKHU HLYCHHO : Pu Speaker, ka lawm e. Vawiina kan Sorkar in Amendment tur an rawn putluh hi ka han chhiar thin a, sentence khat chiah a ni a, a thui lo khawp mai a. Amaherawhchu, kan Minister ina a rawn introduce dan kha chu a dik tawk lova, he House ah hian a dik lovin a introduce a ni tih kha kan Minister kha ka han sawi duh a. A chhan chu tawngkama a sawina ah Financial involvement awm lo turin a sawi a, mahse financial memorandum ah erawh chuan he bill introduce avanga kumkhat a additional revenue kan hmuh tur chu vaibelchhe hnih a ni a ti si a. Financial memorandum ah hian hemi bill introduce avanga additional revenue chu vaibelchhe hnih kumkhatan kan la dawn a ni tih a ni a. Engahnge a dik lova a introduce, chuvangin, a introduce dan kha a dik lo hrim hrim a, thil zeh ruk a awm ani sih ka sawi hmasa duh a ni.

Tin, chulovah chuan heta statement of objection and reasons tihah hian uniform floor rate a Dt.1.1.2000 atanga hmang tan tura tih a ni vek tawh a. Mizoram ah hian engemaw avangin kan hmang thei lo mai a ni, a ti a. Chumi anih chuan tunah hian hman turin a rawn introduce tihna a ni tlat a ni. Tin, chubakah a hnuaia (a)(b)(c) tihah hian uniform floor rate a lak dan tur a rawn ziak tel vek hawk si a. Nichina kan MLA zahawm takin a sawi ang khan an lakna tur kan zawt ve a, vawiina an introduce tawh hnu hi chuan an la dawn a ni tih chu a chiang a ni. Chuvangin, ka han sawi duh chu he sentence khat te ah hian, "Zoram mipui thihna leh damna", hi a telin ka hre tlat a, pass chi a nilo a ni. He sorkar kum hnih lek thla sawm a upa sorkarah hian tax chi hrang hrang an lo tipung tawh a.

Taxi chuan man an tipung tawh a, Bus chuan man phei chu vawihnih he sorkar ah hian an tipung hman tawh a. Mizoram House hrang hranga thlen man an tipung tawh a, parking fee an la tawh a, Mizoram House a thleng damlo ten a an Bus chuanna Bus fare thlengin an la tawh a, tin, chubakah sales tax ah vawiinah hian sabawn te, tooth brush te, perek te leh hmeichhe hren thlengin sales tax kan la fai vek tawh a. Chumi hnuah tuna mi hi an la ti leh dawn chu ani a. Pu Speaker, "Em em a", ka ti a ni. He sorkar kum hnih leh thla sawm tih atan chuan an ti lutuk a ni lo maw ? ka ti a ni. Mizoram mipui hi kan rethei lutuk tawh a, chhiah lakna tlak pawh kan ni ta love. Vawiina he Resolution lo chhuahna chhan hi ka rin thu leh ka hriat dan tlem azawng sawi ta ila. Kum 1999 a Finance Minister Conference kan Chief Minister, House Leader zahawm tak a zuk telna ah khan a zuk in surrender leh a ni mai lo maw ka ti a ni. Kha Conference ah khan uniform floor rate a kum 2000 Jan. ni khat atanga la tur hian a zuk in sawi ba a ni mai lo maw ? ka ti a ni. An Committee chu ka hre lova, "a decision was made", a tih avang hian. Chuvangin, engahnge kan hotute, he kan sorkar hetute, heti em ema an dawihzep tak mai aw! ka ti. Anih leh sum hi kan sorkar hian a nei ngang lova, pawisa hman tur hi a nei ngang lo anih chuan kan hotupa ber thu kha kan Session a a thusawi kha ka la theihngihlh lo. Kan Session hmasa ber, i hova he House a kan thut laia "Delhi drip khai lova nun dan ka hria", a tih kha vawiinah hian chu chu hman a tul tawh a ni lawm ni ? Khulam drip khai lova nun dan a hria anih chuan vawiinah Zoram mipui hnenah chhiah tipung vak vak lo hian a nundan hriat chu min hrih mai loh ? Engahnge a seki-buhchhuak chu a hman mai loh ? Pu Speaker, anih loh leh a tuikhur hual te kha mawle, midang thal ve theih loh tui-khur te kha vawiinah hian i thal ang u hmiang. Mipui poc-ket atanga thal tum ai hi chuan, engahnge maw kha tuikhur kha kan thal ve mai loh le ? Hetiang em hi chu a zahthlak ka ti a ni. He House ah hian vawi tam tak ka phak tawh a i veilama ka thut atanga vawiinni thlenga ka sawi ve fo chu kan rawngbawl sak mipui an ni a, tunah hi chuan Sorkar hian an rawng kan bawl lova, a rawk in kan rawk zawk a ni. Chuvangin, he sorkar hi heti tur hi a nilo. Kum 2000 January ni 1 atanga vawiinni thleng a hetia kan kal theih si chuan hemi tel lo pawh hian kan kal theih ka ring tlac a ni.

Pu Speaker, heti hian ka ngaih-tuah, sorkar hian pawisa kan indaih lo anih chuan engahnge khalama thu te khan nitin an Office man, an Sunday Sikul kai man te an cut mai loh ? Nitin Rs.350/- an lak kha engahnge an cut mai loh ? Mipui hnen atanga lak ai chuan. Khami avang ringawt khan kumkhatah hian he sorkar hian eng-zatnge a sen ? Nuai 30 chuang a seng ziah asin. Chuvangin Pu Speaker, he Bill hi a tawi tehluul nen sentence khat chauh ani na hian a hlauhawm lutuk a, vawiinah hian pass chi ani lo tih hi he House zahawm takah hian ka sawi duh a. Engpawhnisela, ka request duh zawka chu kan Minister zahawm tak hian he Bill hi Zoram mipui hmangaihna avang leh a

a rawngbawl saka te hmangaihna avangin leh amah thlang tling tute hmangaihna avangin in withdraw hram rawh se, ka rawn ti a ni.

Ka lawm e.

PU VANLALHLANA : Pu Speaker, ka lawm e. Hei vawinniah hian Mizoram Sales of Petroleum and Petroleum Product including Motor Spirit and Lubricant Taxation Amendment Bill, 2001 Minister in sentence khat lek a rawn sawi ang te kha chuan pass mai tur chi a ni. Amaherawhchu, he Bill hian sawn a pai a, chuvangin, sawi zau deuhhlekk pawh ngaiin ka hria a.

Tunhma chuan a man bithliah dawn apiangin amendment siam a ngai a. Tuna amendment proposed ah hi chuan sorkarin notification siamin a man a bithliah anga, amendment siam a ngai tawh lovang tiin a a rawn sawi a, a dik chiah a ni. Khatiang chiah kha anih dan tur ang anih chuan a sawi anga petrol man a to phah dawn ho anih chuan sawi pawlh ngai lovin pass mai awm tak ani a. Amaherawhchu, Pu Speaker chutiang chu ani tlat lo a ni. Statement of Object and reason ah hian chiang takin uniform floor rate avanga amendment siam ngai a nih thu a lo lang ta a ni. Chumi avang chuan motor spirit hi 20% tax lak a ngai a. Diesel ah 15% Lubricant ah 8% heng avang hian a rate tihsan a lo ngai ta a. Chuvangin, he Amendment Bill hi a lo lut ta a ni. Hemi avang hian sawi zauh a ngai a. Uniform rate a lo awm avanga he amendment bill lo luta ni tih chiang takin a hriat theih a ni.

He Uniform rate hi kan ram tan a tha em ? Eng angin nge kan sorkarin a ngaih tihte pawh hriatchian a tha hlein ka hria a. Vawin nia Bill in chiang taka a kawh chu Petrol man a pung dawn, Diesel man a pung dawn a ni. Kan sawi ang khan Petrol man litre khat Rs.23.50 ni thin chu Rs.28.27, Diesel litre khat Rs.16.48 ah a pung dawn. Hei hian nasa takin mipui a nghawng dawn a ni. Motor chuan man bungraw phurh man a lo to anga, nasa takin bungraw man a lo pung dawn a ni. Mipui tam zawk Motor a chuang lo thei lo, bungrua engkim mamawh ve kan ni si a. Sorkar hnathawk lo, pawisa luang vel pawh dawng pha ve lo LAD Step rem chu sawi loh EAS hnuaia inhlawhfakna pawh chang pha ve mang lo, sawhthing hralhna pawh dawng baww silo, Mizo mipui rethei tak tak sawr fu leh na a ni.

MNF hi Party anih na ang pawhin Mizo mipui ten Mizo mipui rethei tak tak te thlavang hauh thin, tawngkam mawi taka sawrfu tlak kan awm tawh lo ti a mipui thlavang hauh thintu a ni a. An lakah pawh beiseina

sang tak pawh kan nei thin. Amaherawhchu, wawiinniah chuan thil man a sang a, wawiinniah Petrol man tihsanna turte, Diesel man tih tamna turte, an rawn tih leh tak avang hian kan dova. Mirethei thlavang hauh ngam kan nei dawn emaw kan tih lain, sawrfu tlak kan awm tawh lo ti-tute hian wawiinni hian min sawrfu leh dawn a ni a, thawm-hnaw pawh sawrfu tur awm tawh lo kan sawr luh anih chuan a tet chhe vek mai a. Chuvangin, sorkarin mipui min han sawr leh dawn a ni a. Kan chhe vek ang, mipuite min ti piangsual zo dawn a ni. A bul ber chu uniform floor rate hi a ni tih hi a chiang a. Kan Chief Minister pawh hian mawh a phur thuiin ka hria. 16th No. 1999-ah chuan Chief Minister Conference ah ngaihtuah a ni a. Uniform floor rate hi remtih a ni. Kan Chief Minister pawh a tel a, rem a ti a ni. An meeting minute ah pawh concensus-a remtih tawh angin tih a ni zel a ni.

Mizo mipuite hi India ram amite nen hian uniform in kan awm em ? inang tlangin kan awm em ? thil man rate inang tlangte hi pawm thei kan ni em tih hi ngun taka kan ngaihtuah a tha in ka hria. State thenkhat chu hnam puitling leh fing an ni. Sumdawna khawvelah kum 200 aia tam lo tel tawhte an ni. Thenkhat phei chu sumdawng hnam tia koh ngam tawhte an ni, eizawna ah pawh an ngelnghet em em. Chutih lain State thenkhat chu nau-pang em em leh tlem em em, sumdawna khawvela kum 20/30 pawh la chuangkai lote kan ni a. Thenkhat chu hnam mawl leh tlem zawk, hnam fing zawk leh tam zawk tena eizawna leh sumdawna a an chimral mai theih lohna atana British ho pawh ina Dan hmanga min lo hungtawhte kan ni a, thenkhat chu chutiang chuan kan la awm ta reng a. Rethei leh thawhchhuah neih loh avanga Central Sorkarina Special category a a enkawl ang te kan ni a. Kan changkang lo em a, midangte kan tluk ve thei lo em a. Chuvangin concession pek an ngai a ni tih a job reservation te pawh min siam sak a, Schedule Tribe a vuahte kan ni a.

Khawvela eizawna zawng zawnga changkang lo ber leh hmanlai ber shifting cultivation mipui tam zawkte eizawna a la innghat tlat kan ni. Chuvangin, hnam dang puitling zawkte nena khaikhin theih leh in angtlang, uniform floor rate hi Mizo mipuite hian engti kawng manin kan pawm thei lo a. Kan House Leader in Chief Minister Conference a uniform floor rate a pawm mai hi pawi ka ti khawp mai. Heng dinhmunah hian Mizoram hi hnam dang, changkang zawkte anga pen thei kan la ni love, tiin a hnial ngam tur ani. Political Party leh Mizo mipui zawng zawngin, NGO zawng zawng pawhin kan thlawp vek ang. Min hriattir ve rawh se. Marawhchu, he Chief Minister Conference ah hian a in commit tlat tawh a, chutiang chuan, tunah hian an rawn ti a ni. Kan dinhmun in kan la phak lo ani tih ti chiang em em tu chu he Chief Minister Conference 1999 Nov. 16 ah Uniform floor rate of

du

Sales Tax lak an remti tawh a. Chu, 1st Jan. 2000 atanga tan tur a ni. Mahse, vawiin ni thleng hian kan hmang thei lo tih a chiang a. Chuvangin, kumin kum bul atanga tan tur vawiin thleng pawha engmah kan la ti lova. Central atangin kan C.S te kan Commissioner ten lehkha an hmu mawlh mawlh a. Mahse, a practical in kan Economic leh sum leh pai dinhmun hian a phak loh avangin a takin kan la hmang thei lo ani tih hi kan hmu a lawm mawle. Chuvangin, he thil hi Mizote tan pawm thei kan ni lo. Tunah kan C.M hian commit tawh mahse, kan pawm thei lova, vawiin thleng hian hetiang hian kan la awm ani tih a lang. Chuvangin, he thilah hian Mizo pmipuite kan tan rual a ngai a. Political issue ani. Party inbeihna tur pawh ani lova. Kan C.M hian ngaihtuahna tharte pawh hmang leh se. He uniform floor rate avanga loh theih loh avanga chhungril lamah hreh em ema kan Minister ina hetiang a Bill a rawn Introduced tate hi a khawngaihthlak ka ti a. A lainatawm tak meuh a ni. Chuvangin, a tobul zawka chu he Uniform Floor Rate anga Sales Tax lak a lo tul tak avangin a ni. Kan duhlohna thu kan sawite hi a ngai a. Vawina Bill lo lut Minister rawn putluh pawh hi a withdraw leh thei hram lawm ni tiin ngenna kan siam a ni. Ka lawm e.

PU H.LALTANPUIA : Pu Speaker, ka lawm e. He Bill Amendment Bill sawihona kan han nei hi kei a lungchhiat thlak tak meuhin ka hria a.

A Bill puluttu kan Taxation Minister zahawmtak pawh hi loh theihlohna avangin turna Central Sawrkar atangin loh theihlohna avangin a rawn ti aniin ka hriatpuia. A lainatawm tak meuhin ka hria a.

Tin, Tax hrim hrima hi lak loh hi kan tih tur ani lova. Kan la tur ani tih hi chu ka pawm thlap a ni, citizen kan nihna angin. Mahse, kan Ruling Bench lama thute, kan Minister thenkhatte thusawite ka ngaithla ve thin a. Hmanni faina hapta kharnaah pawh khan kan LAD Minister zahawm tak khan a sawi a. State puitling kan ni ve tawh a. Chuvangin, puitling nih kan zir tur ani a ti a. A dik a ni. Mahse, hemi Financial chungchangah kher kher hi chuan kan Economics dinhmunte han thlir hian State dangte nena khaikhin phak loh khawp hian kan hniam nasa em em ani tih a hretute kan ni.

Pu Speaker, he C.M Conference a kan C.M pawh hi nasa takin a tang nasa ve tho ang tih chu ka ring. Mahse, a tang zo lo ni berin ka hria. Infra-

Structure Development min siam, pakhatmah min siam lo a ni. Min siam awmchhun chu Bangla ramlaitui, Bung Banga-low, Tawitaw Bungalow tih bak kha British Sorkarin min hnutchhiah an nei lo a ni.

Chumi piahah Independent kan nih tawh hnu ah pawh Assam hnuahia kan awm lain Infra-Structure thil pakhat mah Mizoramah hian min siamsak lo ani. Chutiang ang a kan backward a, chumi kan lungawi loh na avang chuan hnam movement pawh a lo chhuah phah ta a. India lakah kan lungawi lova, min enkawl danah kan lungawi lo em em a. Hnam movement a lo chhuak ta a, MNF movement, India sipai kan kap ta anih kha. Khami kan hnufualna avang khan, chutiang khawpa hnufual kan ni a. India Sorkar nen kan indo ta a, kum 20 chhung development kal hleithei lovin kan awm bawk a. Chumi hnu lehah U.T atangin State puitling kan nih hnu ah vawiin thlengin Infrastructure development lian tham tak hi kan la nei lo a ni. Chuvangin State dangte nena Uniform tur chuan Pu Speaker, kan la tlin ngang lo ani tih hi vawiina House zahawm takah hian ka sawi duh a. Hemi thil pawh hi kan C.M zahawm tak pawh hi tlawngai lovin, hemi an lo intiam tawhna remtihna hi a zahawm rualin helai Mizoram rorelna khawlsang ber hian kan C.M in a lo tih tawh hi a pawm leh lo a ni, ngaihtuah that leh atan an dah ani tih hi Central Sorkar ah hian nawr tha leh ila kei ka duh nghe nghe a ni. Chutiang anih loh chuan he thil hi nichina ka sawi tak ang khan kan ram hmelma kan ram tana sakei, min eihlumtu ten assimilation zawng zawngah te pawh min assimilate tu anih tlat avangin, Pu Speaker, hemi chungchangah hian ngun leh zuala kan ngaihtuah a ngaiin ka hria a.

Tin, Pu Speaker, ka han sawi leh duh chu nichina ka hma amite sawi ang khan Motor Spirit ahte hei, vawiin niah chuan Uniform Floor Rate kan hmang tawh a, hmun tam takah chuan cosmetics te, building material chungchangahte, tin, packed biscuit tih velahte uniform floor rate kan hmang ve tawh a, hei pawh hi a na em em tawh ani. Amaherawhchu, chutiang kan hman mek rual chuanin loh theih lohna avangin Petrol chungchangah chuan, petroleum chungchangah amendment siam a ngaih avangin kan la hmang lo chauh zawk a. Chuvang chuan, petrol a lo to a, diesel te a lo to a, mirethei ipite zen zawng Pu Speaker, he mendment Bill hi kan siam ani hi objection vision ah hian a Chiang mai a, chuvang chuan he Bill a hi a puluttu zahawm tak hian khawngaih takin tlawmah la lo sela, tun atan hrih chuan a man a sawi angin kan tihnam ang nge kan ti sang ang tih pawh kan la ngaihtuah lova. Hemi hian a tih ang khan a la hun lo deuh a ni lo maw? chuvang chuan, nakinah a tulte anih leh loh theih loh a tih hunah chuan kan hnante an thang ve deuh hlek ila, Infrastructure te han nei ve deuh hlek ila chutih hunah chuan han introduce, han move ta zawk se, tih hi ka'n ngen duh a, khawngaih takin kan Minister zahawmtak khanin



he amendemnt Bill a hi inhnukdawk thei hram se, tih kha ka ngen a, Mizo mipuite hian kan tlin thlawt lo a ni e, mirethei thingrem mawnga pawisa haitet zawng leh, chhuak zawng hi chuan Bill hi i siam tawh lo ang u, tax hi la tawh lo ang u, tih hi ka'n sawi duh a ni e. Ka lawm e.

PU P.B.ROSANGA

: Pu Speaker, vawina kan Bill ngaihtuah tura hi engtizia ngeni ka hrethiam vak lova, i sawi ang chiah khan a Bill lai hi han sawi ka tum a. Amendment Bill anih hi chuan kan Amend tur section-a kha hmuh theih tur hian an tarlang fo thin niin ka hria a. Bill ah reng reng chuan kan khaikhin theihna turin, a principal act a hi kan kawlsi lova, hetah hian a amend na tur chauh an rawn tarlang a, engtin nge maw kan khaikhin theih ang le, chuvangin, khawngaih takin a Original section kha min chhiar chhuak sak leh turin kan Minister zahawm tak kha ka'n ngen leh teh ang. Khawngaih takin i phal chuan min chhiar chhuah sak leh selangin ka compare duh tlat a ni. A thlak tur laia kha a Original Act a kha min chhiar chhuah sak thei em, khawngaih takin, min chhiar sak thei lo anih pheichuan a zanthlakin ka hria a nei hi, min chhiar chhuah sak teh se khawngaih takin, thil sual ani lova, Dan ding-lai ani a, chu chu hetah hian a awm si lova, ka hmu si lova, a rawn sawinaah khan tawite in a sawi a, hetah hian compare turin a original Act a section a hi dah sela, a hnuaiiah hian a substitute na tur kha dah se a sawi theih a, engpawh nise a chhiar thei lo anih pawhin ka sawi mai anga, a zanthlakin ka hria a bei hi.

PU LALCHAMLIANA  
MINISTER

: Pu Speaker, heng kan Act te kan Rules te hi kan Assembly Library ah hian copy tam tak a awm a, Legislator te hi chu free access kan neiin ka hria. Mahse, i phalna in kan chhiar leh ang a. The Mizoram Sales of Petroleum and Petroleum Products including Motor Spirit and Lubricants Taxation Act 1973, vawiin ni a kan Amendment in a thlak a tum a chu, Bung 3 Chang 1 a ni a. Chu chu tihian a inziak a ni. There shall be levies and collected from every dealers a tax on his turn over from the sales of the following rules at the rate specified against each other (i) Motor Spirit except diesel oil and internal combustion oil other than petrol, 8% in the

say in the Rupee. (ii) Lubricants 8 paise in the Rupee. (iii) Diesel oil and other internal combustion oil other than petrol 5 paise in the Rupee. (iv) Crude oil - NIL (v) Liquefied petroleum gas 10 paise in the Rupee. Kha kha tikhan replace nisela.

PU P.B.ROSANGA : Pu Speaker, Ka lawm e. Khati chin kha kan Dan siamtu hmasate hi an lo fimkhur ngawt mai, he Act siamtu te hi an lo fimkhur a, heng item te hi kan life-line tak tak ani a, hemi rate a zir hian kan market te a danglam duai duai theih avangin petroleum products ah hian fimkhur takin Dan an lo siam a, Danah ngei rate bithliah pawh an lo siam thliah thliah a.

Chuvangin, uluk taka Sorkarin tah hian Policy mumal tak a nein kumkhua a tulin ka hria a, vawiina amendment tura an propose a hi Dan dawizep, thuhruk nei, tlanche chung dan siam niin a lang a. A chhan chu, a hrim hrimin, a principle pawhin a that lohna chu, thuneihna a pekah kha Government ah Official order-in rate thar chu an duh hun hunah an bithliah ang a, an tih Chhiah akha a hlahawm lai ber No.1 chu niin ka hria a. A chhan chu, nichina ka sawi tawh angin Dan lo siamtu te hian Petroleum leh petroleum products hi a pawimawh em avangin Tax lak tur rate pawh hi House ngei ina Dan pass a, a lo tih zel hi tul niin an hriat avangin chung ang chuan an lo kalpui thin a ni tih a chiang a. Vawiina hemi propose amendment ang hian kal ta ila an duh duhin rate kha an rawn fixed tawh ang a. House atangin tih danglam theih a ni tawh lo ang. Keimahni phalna in kan Dan siam ngeiin an kal dawn a ni. Mahse, nakina a nghawng turah chu mipuih harsatna nasa tak a thleh thei a. Vawiin ah hetiang rate in rawn ziah chhuah loh nachhan hi awmin ka ring a, ka hma a sawitu ten an sawi tawh ang khan he uniform floor rate ah hian, hetah hian petroleum leh aviation spirit chu 20% lak turin kan House Leader hian a lo zu pawmpui tawh tih an sawi a. Govt. of India atanga chu chu thil awm a ni. Chu chu kan ti dawn anih pawhin rawn ziak chhuak law law sela, a zahawmin ka hria a. Khalam tarlang ngam si lova, Dan zahawm tak miin uluk taka kan economic dinhmunte ngaihtuah zela he thil hi chu siam chi ani tih hria in Dan ah a rate tur pawh an lo zuk khung tel te te hi chhan leh vang a awm ani tih House hian kan hriat a pawimawhin ka hria.

Chuvangin, vawin niah pawh chutiang chuan a hmaa mi ang bawh hian khang item chi hrang hrang pali, panga ah khan rate an lak turte rawn

bithliah ve sela, chu chu House in a pass chuan siam dang- lam a ngaih pawnin House vekah lo chuan siam theih a ni lovanga. Tichuan, hemi Petroleum leh Petroleum products ho a hi engkima kan engkim hmanrua anihna ang takin mipui a nghawng nat lohna turin mamal takin sorkarin a veng thei ang. Onumi venna dan chu pah a, vawin nia hetiang rawtna a lo lut hi a lungchhiatthlakin ka hria a. Hnam a chiang sorkar hian engati nge ni kan chian loh leh viau thin. Heng thil te hian mipui, mirethei min nghawng theih dan tura kha a hriat sa theih vek a. Tin, a belai te hi chu House-a kan khermei na lai tur tak pawh a ni. Kan hriat ve hi a tha, kan hmaa dan siamtu ten an lo siam phung atang pawh hian vawin niah keiniho hian zirtur kan nei a. An tih ang zia hi rate kan tisang duh anih pawnin kan tisang ve anga. Department-in an duh ang anga Tax te an rawn siam ringawt lohna turin, he dan hi kan pass chuan Taxation Department hian an duh hun hunah heng thil pawimawh lutukah hian chhiah bi an rawn thliah tawh anga. He House pawh hian kan sawisel thei tawh lovanga, thu ka pe tlat alawm hetah hian Pu Speaker. Hei hi tha i ti tak tak em ni ? Chuvangin dan lo siam hmasa tute pawh an zahawmin ka hria.

Vawin niah hian chumi humhalhna hrim hrim atan he amendment hi chu tlanglo sela, tlawngaih ah la lovin, kan Minister in-charge hian withdraw sela. A hmaa mite tihdan ang bawk hian mamal takin chhiah thar lak a tum dan te pawh rawn bithliahin he House hian rem kan ti anih chuan pass sak ila. Tichuan, kan ram a him ang. Chu chu Pu Speaker, kan sawi duh a ni, ka lawm e.

S P E A K E R : Minute 4 emaw chauh kan nei tawh a, a laklawh tawh viau mai a, chawl mai ila, hun puitling a hman theih dawn tawh lova. Anih leh dar 2:00 ah kan tan leh mai dawn nia.

Meeting Adjourned, at 1:00P.M.

S P E A K E R

: Kan chhonzawm leh nghal mai ang a, tunge han sawi leh ang. Pu C. Sangzuala maw, i lo sawm ang.

PU C. SANGZUALA

: Pu Speaker, ka lawm e, Kan unau te an la tui zel dawn emaw kan ti a, a tira an tui hmel teh-lul nen, an zuih ral deuh dawn

a ang ta a, khawhar hnem te pawh a ni ang chu, tlem ka'n sawi ve ang e.

He kan dan Amendment ngaihtuah hi sawi thui tur awm lo hlein ka hria a, kan unau te khan an han ti chiam chiam taka, a buk theih an theih vek emaw, ka ti a, an mitte an siai ngun teh lul nen. Thui pawh ka sawi lovanga. Dan hi Act-ah hian e tlangpuiin a dante sep, a note neih tur atan ti thiangu atan provision eng engemaw te dah thin a ni a. He Dan siamtu hmasate an fimkhur hle mai tihte kan ngaihtua a, Dan diam hmasatute an fimkhur anih pawhin a tha a, mahse hmang la hriat loh lai leh mawl lai thil a ang deuh mang e. Kan dan ding mek hi a preventive deuh a, siam that chu a ngai tawh anih hi maw tih chu ka rilru a ka hmah dan deuh chu a ni a.

Danpui ah dan te sep a lo awm theih dan turte ruahmanna han dah den den te hi tih dan tlangpui niin a lang a, rate chipchiar te te han dahte hi chu danpui kalhmang tlangpui ah hman loh a ni deuh lawm ni? He-tiang siam theihna tura ruahmanna provision dah erawh hi chu Danpui kalhmang ni deuh chuan ka hria a. Vawlinniah hian Minister zahawm tak, hemi rawn thehtu hian chu lai mai te chu a rawn thehin a rawn ngen ni maiin ka hria a. Hlahuh teh vak tur pawh awm loin min theh sak a, hei hian Dan dinglai mek a kan rate hmante a tidanglam ang ti danglam lovang tih a sawi hauh lova. Rate chipchiarte te chungchang Session-a rorel pawlin a han pass leh thin tur pumpelhna atan kalhmang tlangpui hi i simplify ang u, tih rawtna a ni mai a. Hlahuh-awm tur pawh awmin ka hre lova, policy/principle thil a ni berin ka hria a, han chai vak teh ang, ti lam pawhin sawi tur an hre vak lo bawka, an han sawi pawhin a pialham te a hrul te, a sir te an sawi a ni maimai a, a tak an la hit lo ni berin ka hria a. A tum tak chu he Dan hi dante sep siam theihna tur-in heti zawng hian i ziak tha ang u, tih mai hi niin ka hria Sawi kual thui lovin heta rawt ang hian kan pass mai hi a tha tawh lawm ni Pu Speaker, ka lawm e.

PU C. THANGHLUNA

: Pu Speaker, hei kan Amendment Bill kan Minister zahawm takin a rawn put luh hi consultative Committee ah pawh khan sawiho

a ni tawh a. Chutah pawh chuan Petroleum ah uniform floor rate ang hi chu hman loh hram nisela, a chhan chu tuna kan leina rate a hi a sang em em tawh mai a, hei aia a san leh hi chuan a nghewng turah hi miretheite, mipui tak tak a

nghawng dawn a ni a, Sorkar tan chuan sum leh paia harsatna ah chuan mipui atanga Tax leh chhiah lak theihna tur ang ang chhiah te hian Sale Tax lak mai a hi chu thil hahdam thlak tak pawh nisela, mipuite dinhmun han en hian hetiang a duhthawh lutuka mipuite hnen atanga chhiah lak hi a tha lo ang e, tiin nasa takin ka tang a. Rorelna reng rengah a majority thuin a tlu lo thei lova. Kan hnial hneh ta lo a ni.

Wawiinniah pawh hian he Amendment Bill hi a tir atang khan sawiho lem lova pass maia kha Ruling lamte khan an duh atang khan mak tihna riau ka nei a, engah nge hei hi sawi mang lova pass mai an duhna chhan ni ang tia ka han ngaihtuahin, mipuite hriata han sawiho hi an ngam chiah lo niin a lang. Mipuite hian tha lo an ti dawn si a, mipuite hriat lem lova an bill hi pass mai an duh vang a ni. Helai hi chu thil pawimawh tak a ni a, kan sawi tam deuh pawh hi a tha hle lawmni aw tih hi kei chu ka ngaihdan a ni a. He Amendment Bill a hi kan pass chuan thil pahnh nghawng tur a ni a, a Sorkar dinglai lam tan chuan pawisa indaih lohna kha nasa takin a puhhruk ang a, kum khatah he chhiah pung avang hian crores hnih lain Revenue Receipt a pung dawn a ni tih pawh kha helaihan khan an rawn tarlang a. Sorkar tan chuan a tha hle a ni, 2 crore laia han pung tur a chu. Amaherawhchu, lehlamah kan ngaihtuah tur a te, kan Sorkar sak a te, kan mipuite chan lam a kha kan ngaihtuah leh en ve fo hi a tha lawm ni? Kan mipuite chan lamah khan engnge a nghawng tur? Petroleum thil reng reng lo to ta lutuk tur khan Bus chuan man te, kan nitin mamawh leh kan mamawh tinreng man kha tun ai hian lo to ang a, a lo pung ta ang a, chumi vang chuan em ni tih theih tur khan hmanni lawkah khan Bus neitute tan khan an dil ni hauh si lovin; Bus chuan man te kha an han tipung nghal ringawt a. Helai chhiah tihpun avanga Bus chuan man han pun thar vak kha inthiam vak silovin an lo tihpun khalh ta ni nghe nghe pawhin a lang a. Chuvangin uniform floor rate anga Petrol te, Diesel te, Petroleum product reng reng hralh turin Centralin min phut a ni tih hi, keini pawh Mizoramah chuan thil a harsa a, kan ram hian a zir love, kawng pawhin a zir love, kan nitin thil lei kan mamawh thil reng reng hi Delhi leh Kolkatta amiten a an lei aia to vek hian kan lei a. Amaherawhchu, "Delhi leh Kolkatta amite leina uniform ratein min leitir rawh u", kan ti hranpa lo.

Ram dinhmun in anglo lutuk te hi in ang tlanga hrutrual tum kher hi keini ram ang road transport ringawta in nghat tan chuan kan la tlin lo a ni. Sale Tax reng reng uniform floor rate angin i ti ve ang u, han tih a hi chu mirethei zawkte hmakhua lohna leh Sorkar tan a sum leh pai duhthawhna lian lutuk hi a paw ka ti em em a. He Amendment Bill hi hun awm se chu sawi tur tam tak a awm ang. Mipui, mimir min nghawng a, mirethei zawkte tan thil a harsa tial tial a. Bus chuan man kha mirethei ten tunhma a an pek aia sang pek a lo ngai ang a, lehlamah mirethei te tan tunhma aia sum leh pai an sen tamna tur puhhruk sakna tur Budget siam sakna a awm chuang si lova. Chuvangin mipui mimir tan hian hei hi chu a thalo a ni. Petrol litre khat Rs. 28/- hiela lei a lo ngaih chuan Petrol litre khat man pawh a sang ta lutuk a. Diesel man te pawh a lo sang lutuk dawn ta a. Chu chuan nasa takin nghawng a nei

dawn a. Chuvangin hei hi chu Mizo mipuite a mimir khawih thei thil anih avangin kan Sorkar lam pawh hian mipuite hmangaihna leh khawngaihna avang chauh hian Sorkar tana hlawkna zawk tur leh awlsamna zawk tur pawh nise in hnuk-hniam thei hram sela. He Bill hi chu hnuklet thei sela, passed lo hram ila tih hi kan ram mipui tana thil tul ni tlatin ka hria a. Sorkarna chelhtu nih tak avanga mipui hmakhua ngai lek lova ban tamna hmanga passed hrim hrim chi niin ka hre lova, chuvangin withdraw hram turin ka han ngen leh duh a ni. Pu Speaker, ka lawm e.

PU NIRUPAM CHAKMA

: Pu Speaker, ka lawm e. First of all I would like to point out that at this stage of introduction of this Bill by the Hon'ble Minister. He has stated that this Amendment of section 3 sub section 1 of the original Act, that is "Mizoram Sales of Petroleum and product including Motor Spirit and Lubricant Taxation 1973" will not effect increase in the rate. This is a clear statement from the Hon'ble Minister at the time of introduction. Mr. Speaker Sir, I am utterly disappointed by the statement of the Hon'ble Minister, because the Bill he has circulated to us clearly state purpose of this Amendment. The requirement of this Amendment which is clearly stated in the statement of objects and reasons.

Mr. Speaker, Sir, in the last paragraph of the objects and reasons it is written like this- "With a view to mobilising the additional Revenue, Revision of Rates of Taxes considered is necessary. Thereby, requiring suitable amendment in the existing Act". And if we look in the Financial Memorandum, the target to review the mobilise in expected to be two hundred lakhs. That is why, Mr. Speaker, Sir, it is unfortunate that the Minister is misleading the statement of the House for introduction of the Bill. It is the violation of the Rules, because of these reasons. Mr. Speaker, Sir, I think the Hon'ble Minister should clarify what is the real intention of introducing this Amendment, what is the real purpose, because we have contradictory reasons. The oral statement given by the Hon'ble Minister, says clearly that this Amendment will not affect the increasing rates of the taxes. Petroleum and other items as clearly stated. But the objects and Reasons of the Bill supplying to us is different. I think, unless this matter is clearly clarified, there is no reason to go further for discussion, because unless the Hon'ble Members are very much clear on the subject, what is the intention? It will be difficult to express the Amendment purpose and what is our view. I think, we should assist the Hon'ble Minister even at this stage. Let him clarify his real intention and as far as my view is concerned, I opposed this Amendment, because this will give a blank set to the Government to increase the rates whenever without the scrutiny of the Legislature. This kind of proposal cannot be brought out in the House considering the people of the state. Mr. Speaker Sir I

...46/-

shall not be a party to agree by imposing additional taxes, we are already overburden various kind of taxes has been increase and I am not going to be a party. We impose more taxes on the people. Me. Speaker, Sir, that is why I oppose the bill, I still demand the Minister should clarify the real objects and reasons of this Amendment.

PU K. VANLALAUVA  
MINISTER

: Pu Speaker, ka lawm e. Vawiin a kan Amendment Bill hi a pawimawh hle a, kan thian thenkhat tena minute 10 lai sawi an

rawtte pawh kha a awmna chen a awm a. Tuna kan sawi duh lai tak chu, Mizoram hian tunhma deuh atangin kan kal ngai kal kan lo ching viau a, thil that leh ram thar zuan tur chuanin a hlauhin kan hiau thin a, kan ram a mamawh tawh a ni tih hre reng chungin politician tam tak te kan lo pen ngam tawh lo fo thin a.

India ram leh khawvel a danglam zel a, chu chuan Mizoram pawh hi min rawn chim chho zel a, he kan bill chawma lama concerned Minister ina siamthat ngai a tih a rawn chhian chhuah, a siam that dan tur thlenga a rawn tarlan kha ngun zawka zir tan chuan leh, Mizoram mipui leh Mizoram dinmun ngaihtuatu tan chuan, a awm lo tih chi niin ka hre lo. Amaherawhchu, sawisel hrim hrim duh tan chuanin sawisel bo chu a ni lovang a, Bible ah meuh pawh tum. Itah tan chuan sawisel tur tam tak a awm thei awm e. Amaherawhchu, a thu thlungpui a kal ruah mai a, chumi chu kan ring mai a ni. A ring pawl chuan; a ringlo pawl chuan an ring lo mai bawk a. Vawiina kan Amendment bill erawh hi chu a pawimawh dan chu Pu Speaker, Assembly Session te hi duh hun huna koh mai theih a ni lova. Thlaruk a kar te an tlak phawt te an ngai a, thlaruk ral hma tala koh an ngai a, chutiange chu anih avangin, chumi kar lakah chuan State Sorkarin hmatar mipuite tena mamawh tur State dang thlir zelin tih tur tam tak a nei a. Assembly in a pass kher zel ngai lova. Hman theih loh chi dan neih hi kan tur dinmunah hi chuan thil fing ber a tling ta lo tlat a ni.

He House hi a pawimawh love tihna lam ni lovin a pawimawh lo pawh ti dawn ila, a pawimawh kumkhua dawn, khawvel awm chung chuan. Amaherawhchu, State Sorkarin ke a penna thinah hian a tih tur, vawiinnia mamawh tawh ti mai thei lova, a kut kan phuar hi chu a thain a lang lo. Chuvangin he Amendment bill hi he House hian kan pass hi a loh theih loh dinmunah Mizoram hi ding ta zawkin ka hria a ni. Ngaihdan thenkhat chuan hetianga kan pass vaih chuan an duh hun huna an tihniang a, an tisang vak vak ang a, tih ngaihdan te pawh apiang a ni mai thei. Chutiang politician leh Sorkar chu Mizoram hian a ding ngai lovang tih hi rin ngamah ka ngai a ni. Atulnain a den chhoh chin zat zatah chauh tih a ni thin dawn a. Chutiang chu anih avangin duh hun huna tihniama tihsan tih mai mai te kha chu thil awm thei a ni lo. Chuvangin Pu Speaker, he dan hi Sorkar rintawkna nen mipui hmangaihna nena kal chi anih avangin Mizoram in vawiinniah amamawh tawh a ni. A mamawhin a mamawh a. Vawiina kan pass ngei ngei a tulin ka hria a. Ka rawn support a ni. Ka lawm e.

PU Z.H.ROFUIA

: Pu Speaker, ka lawm e. Hei vawiinnia Amendment tur chungchangah hian, nie, kan han sawi nual tawh a. Amaherawh chu, tawite han sawi ve tulin ka hria a. Sawi ngai em emah pawh ka lo ngai lova, a tul viau niin a lang a. Kan dan hman leh kalphung hrim hrim kha khatianga a pawisa zat han fix ang chia dan han kalpui kha a hawihhai vak lohna lai awm theiin ka hria a. Tin, chu bakah mi ramin an tih tehchiam lon dan kalphung deuh niin a lang a. Chuvang chuan he a kalphung hrim hrim hi Amendment a tul hrim hrim niin a lang a. Tichuan, han en ila, kha State hrang hrangte Tax lak dante pawh en ila, uniform floor rate an lo hmang vek tawh mai a, keini hian kan la hman ve loh avangin, engemaw chenah, Central lamah te, meeting han neih chang hian, a zahthlak lek lek thin a ni. Hei kan lo hmuh-sit lek lek Arunachal Pradesh te pawh Motor Spirit Diesel etc ah chhiah an lo la sang viau a, Nagaland te phei chuan an lo la sang viau a ni awm e.

Hman deuh tawhah, Mizoram a Petrol litre khat Rs.10/- tih vel anih lai khan Guwahati ah kan kal a, Guwahati ah chuan Rs. 16/- vel a lo ni daih mai a, a rei tawh nain, helai leh khulai inthlah dan ka rawn sawi duh mai a nia. Assam chuan an ramah ngei Oil an lai chhuak a, Mizoram chuan kan laichhuak ve lova, a laichhuak lo zawkin aman kan titem viau mai hi, kan ram hmangaih dan hi, a khawngkhawbai deuh a ni mai lo maw? tihte min ngaihtuah tir a. An ram chhunga an dehchhuah ngeite pawh, an ram hmasawna kalpui zel dan turah chhiah tam zawk lak hi, tha an ti a, chuvangin an la a ni. Chuvangin, keini, kan rama laichhuak ve lo pawhin uniform floor rate tulin, chhiah cam zawk lak hi, kan ram tan tha zawkah ka ngai a ni.

Ka hriat sual loh chuan, tuna PMGSY Scheme tuna lokal pawh hi, diesel chhiah an lakkhawn atanga Centralin rawn nei an ni a, hei kan ramah pawh, theih-tawp chhuahin haib kan tum a, helai kan dan han siam that chungchanga kan ip leh viau thin hi chu a thalo riauin ka hria a, tunah chuan thahnem kan ngaihtlan a hunin ka hria. Mizo upain "Lak aiin pekin lukhawng a nei zawk", an tih hi changthlan ila, i veilam a thute pawh khan, Hmalakna hrang hrang rah hi kan tel let ngei dawn a ni tih kan rin ngam a tul a, chu chu kan tel mek bawk a. Chutiang zel khan.

Hei a kalphung hrim hrima hi, khawvel eng kan hmuh ve tawh a ngai a, Dan siamtu hmasate kha an fakawm hle chungin, an ngaihtuah viauva, an ngaihtuahna pawh an hmang a. Nichina, Member zahawm tak Aizawl South-II in, a sawi ang deuh khan, tlem chuan a preventive deuh hlekna lai a awm a. Tunlai Computer khawvel tawhah hi chuan. Dan a kha amend a ngai tawh niin a lang a ni.

Chuvangin, vawiinniah pawh hian, ngaihtuahna zau tak a awl leh a zawmthaw zawng hlir ngawt ni lova, ram hmasawn tur hian a thawh a kan thawh a mipuite pawhin theihtawpa kan thawh a ngai a. A tuate pawh mimirin kan ram a ni tih hria a, kan zavaia ta a ni, kan thawkhawm a ni, kan din a ni tih rilru kan put theihna



turin heng hi kan amend a tulin ka hria. Sawitur vak chu an nei lo nachungin, Pu Speaker, i veilam amite khan, han tih kualkawi ve hrim hrim, an ti laklawh ve tawhah ka ngai mai a, an rilru tak pawhin hei hi awm an ti tawh niin ka ring a. Chuvangin, a tawpna siama han pharho kha a tha lawmni tih kha ka han sawi tel duh a ni. Ka lawm e.

Col. LALCHUNGNUNGA SAILO : Pu Speaker, he bill pawimawh tak mai, kan han sawi chhoh dan hi, i veilam amite sawi dan atang chuan a lungchhiat thlak hlein ka hria a. Hetiang ang thil pawimawh leh kan hnam leh ram tana thil tul ngawih ngawih kan sawi laia, sawi tur teh-chiam an hriat loh a sawi talh an tumte kha dikin ka hre lova.

Hei, kan hriat theuh angin, Petrol ce, Diesel te kan state tana tangkai leh tulziate kan hre vek a, hemi man atova mi a nghawng dan tur te pawh kan hre vek a ni. Amaherawhchu, helaiiah hian, Amendment an han tihah hian, i veilama thu tena an sawi tawh ang tlang-puiin, he billah hian thil dik lo tak awm a chu Sorkarin a rate an duh duh a tih danglam theih tura thil tih a hi. Helaiiah tak mai hian heng petrol product reng reng a hi item dang ang a ni lova, kan economy khawih tak tak thil anih avangin. Hetianga House ah ngei sawi hi a tul zia vawiinni ah hian a lang hlein ka hria. Hengte hi kan sawi chhuak lo anih chuan Mizoram mipuite tana beidawn thlak hlein ka hria. Dan siamtute hmanlai mi an ni a thil an hre tawh lo a ni. Chutiang khatiang an tih a kha chu a dik vek loin ka hria a. Kan ngaihtuah chiang lo zawk a ni lo maw keimahnian hian, in ngaihtuah chiang ang u. Engvangin nge heng petroleum product ah hian thil ngaihtuah ngai a an lo dahna thin hi, kan sawi chhuah tawh ang khan a awm a ni. Avang chu kan economic a khawih a, mitin hi min khawih dawn tlat avangin. Hei hi ngun taka ngaihtuah ngai a ni. Chutianga ngun taka ngaihtuah ngai chi a chu hetah House ah ngei hian sawi a ngai a ni tih a kha kan admit tur a ni. Chutiang anih loh chuan Sorkar hnathawk ten an duh duh a an pass thei anih si chuan engnge mipui tan keini hi kan tangkaina awm? Chuvang chuan sawi hi a ngai em em a. Chumi avang chuan he an han zlak amend danah te pawh hian, amendment atang hi chuan engnge a awm dan tura hi a hriat theih reng reng loh a ni. A awmdan tura hi a hriat theih reng reng lova, an duh duh an tisang a ni ringawt mai a. Heta tang hian eng angin nge an tihsan dawn tih pawh kan sawi thei lo.

Amaherawhchu, helaiiah hian object and reason ah hian an rawn sawi chhuak ta chauh a ni a. Tichuan, hei hi chiang taka a han sawi chu implementation of uniform floor rates ti a, uniform floor rate a kan kal a tul avangin hei hi reason pakhat a ziah a ni a. Tin, pakhat leh chu additional revenue kan hmuh thei dawn avangin. Additional revenue hmuh chu a dik a ni mai thei e. Mahse, hemi uniform floor rate kan han sawi tak chiah mai a hi sawi ngai vein ka hria a. Nagaland in an ti, midangin an ti tih mai mai

a kha kan tih ve chhan te anih phei chuan a zahthlak lutuk ang. Helaiiah rorelin kan awm a, mipui thlanin thil nihdan leh a awmdan hretute kan ni a. Kan mipuite leh kan ramin a tuar dan tur te sawi chhuak ngam lo helaiia kan awm anih chuan thil dik lo a ni. Chuvang chuan heng uniform floor rate tih te hi engtingge kan pawm theih ang. Hemi pawm thei lo kan nih a, chubakah chuan hemi hi sawi ngam lo te kan nih chuan keini state hi chuan kan tive thei lo. Avang chu keini revenue awmdan hi chu Transport ah engkim hi a in nghat a, Rel te, Thlawhtheihna te kan nei ve tak tak lova, State dang angin.

Tin, chubakah chuan engnge ni Lui dung tha leh Sea Port te kan nei si lova, heng kan neih loh vang tak hian hemi Motor Spirits te, heng Lubricants te hi kan tan hian a pawimawh bik zual a, uniform floor rate hi kan pawm thei lo a ni tih hi kan sawi chhuak ngam lo tlat alawm. Kan sawi tawh ang khan November, 1999 ah khan a sawina hun tha tak Chief Minister Conference a awm a, khatah khan anih engatinge huai takin mipui tana kan sawi ngam loh? mipuite engatinge kan chhan ngam loh?

Tin, ni 5 July, 2001 ah khan sawi leh tur a ni a. Khatah khan a sawitu tur Minister te an kal ngam lo a ni lawm ni? Chuvang chuan engvangin nge hetiang a uniform floor rate pawm lo thei lo dinhmun ah hian kan ding ta a ni mai. Kan Chief Minister ngei ina kan zu intifel vek tawh a, tan ngaihna a awm tawh lo a ni. Hei hi a thaloin a dik lo a ni. Mipuite tan hna i thawk ang u. Tin, anihna takah chuan tunah hian han zawt chiah ila, i dinglam amite ngei pawh kha Petrol emaw Diesel man tihsan chu an duh bik lovang. Mahse, kan House Leader a in commit tlat tawh a, chumi avang chuan a hrasat phah ta a ni. Mahse, tunah chuan hetiang a sawi chhuahna a lo awm tak siah chuan kan sawi tawh ang khan hei hi chu a pawm theih loh ani. Mizo mipui tan harsatna namen lo min siam dawn avangin he thil hi chu tunah chuan a pawm theih hrih lo a ni. Chuvangin hmana Dan siamtuten ngun taka an siam thin ang khan vawinah pawh ngaihtuah leh ilangin. Khata tang khan kan ngaihtuahnaah a kal phawt chuanin hetiang a Petroleum products te hi chu a hrang a ngaihtuah chi a ni a. House ngeiah hian sawi a ngai a ni tih hi a Chiang em em a. Chuvang chuan he Amendment hian awmia a nei tlat lo. Awmze nei tura kan siam dawn anih chuan Chiang takin kan tih dan tura hi tarlan nisela, khatiang te tea kan tih loh chuan harsatna kan la tawh ang. Chu harsatna chu tuna kan sawi atang hian, a Chiang reng a. A hranga ngaihtuah leh House a sawi ho hi Petroleum products hian a phu a ni.

Chuvangin, he kan amendment hi tunah chuan a la hun rih loh a ni. Tin, hei dan tesepti te in mi thenkhat khan an han sawi nual a. Hei hi dan tesepti a ni lo, a chhan chu he thil hian mipuite leh ram hi a nghawng dawn avangin leh thil man te a lo to dawn ta a, chuta tang chuan harsatna kan tawh dawn avangin he bill hi a pawimawh takzet a. Chutiang chuan he kan Bill Amendment tum a hi amend a tul lo hrih a ni. Ka han sawilan duh a chu he bill hi amend a tul hrih lova, anih dan ang ang la kal se tih hi ka han rawt a ni. Pu Speaker ka lawm e.

PU K.T.ROKHAW

: Pu Speaker, ka lawm e. Nichin a kan Minister zahawm takin he Bill alo introduce dan kha ka lo ngaithla ngun khawp mai a. He Bill hi lo passed ta ila, Petrol te Diesel te hi aman a sang ang tihna ani kher love a ti a. Khalai kha kan Minister khan he House hi thudiklo a hrilh a ni. A chhan chu he min pekah hian Chiang takin a ziaak lang a. Hetiang hian Diesel te, Petrol te heta a ziaak dan ah chuan Motor spirit hi 20% liquified Petroleum Gas 8% Diesel Oil 12% Lubricant 8% tih a ni a. Hetah hian Chiang takin a ziaak lang a. Hetah hian 'Decision was made for implementation was meet from floor rate of Sale Tax' tih a ni a. Hei hi Decision siam tawh sa a ni a, a hnuaiah pawh hian he implement na turin additional revenue kan hmuh theihna turin ngaihtuah a ngai a ni tih hetah hian Chiang takin a ziaak a ni. He Bill hi kan pass avanga petrol thil reng reng hi aman kan ti sang ang tihna ani love tih hi, he House hi dawt a hrilh a ni.

Chuvangin kan Minister khan nakinah a wind-up na ah kha kha sawifiah se a thain ka hria a. Tin, a pahnihnaah chuan ka lo hlauhthawn em em chu he bill hi min pass sak ula chuan he Bill hi min pass sak ang a, chuan, aman tihsan emaw tihhniam emaw chu Official te kutah anni ina an thu thu a an tihsan theih leh an tihhniam theih a dah turin a tihna a niin ka hria a. Khalai chiaah kha, anih leh lo pass ta ngawt ta ila, Official te hian an duh tawkin lo tisang ta sela, he House hian kan sawisel thei tawh dawn lo a ni. Chumi avang chuan he Bill hi pass chiaah ka ngai lova. Tin, Pu Speaker, vawinah hian MNF Sorkar hi kum hnih leh achawve kum thum erh awrh hi a la kal a. Tax uniform floor rate in kan la ang an ti a. tun thla October, 1st atangin an la vek ta a. Miretheite Mizorama an retheihzia hi kan rilingho hian an hnu Chiang lo emaw ni chu aw ka ti a. An rethei em em a ni. Development a hmaa Congress a Sorkar laia Land Use Policy te, Rangva semt e, SDS Scheme te, SASU te tunah hian an titawp fai vek a, engmah an siam baw silova. Chuvangin a thlawna mirethei te te ten an dawn thin kha vawinah hian dawn tur pakhat mah an nei tawh lova. Chumi an neih tawh loh hnu chuan Tax chitnreng uniform floor rate in an la fai vek a. Vawina Petrol te, Diesel te leh zel Tax tihsan leh an tum hi chu mirethei rahbehna leh miretheite engahmah ngaih lohna a ni, Pu Speaker. Chuvangin vawinah hian kan ruling kan Minister te leh kan ruling MLA te chuan lehlamah chuan kan ngaihtuah a anni chuan Sorkar pawisa an hmang thei a. Petrol leh Diesel te an lei thei. Vawinah hian pawl an tilo. Mahse miretheite dinhmun hi an thlirve a ngai a ni. Hemi hian mi rethei ho a effect dan tur chu vawinah hian Petrol rate hi Rs.25/- per litre petrol hi 1 litre Rs. 25.50/- a ni a. Hemi Bill hi pass a nih a, a man an tisang ngei dawn a, an tihsan dan tur chu Rs. 28.27/- in ka chhut a. A then pheih chuan hei aini a sang an ti a. Diesel hi Rs. 15.45 1 litre a nih lain he Bill pass hnuaah hi chuan Rs. 16.46 ah a chho dawn ta a ni. Chuti anih chuan Pu Speaker, Bus chuan man a sang dawn a, Taxi chuan man a sang dawn bawka, Motor hire man a sang vek dawn tihna a ni.

...51/-

Hetiang taka Mizo mipuite an retheih laia hemi lehzel tihsan hi chu a rem thlawt lo a ni. A dik tak chuan he House ah hian tuna i ding lama thute Op- position a an awm lai khan he House a 'Keini chuan Central ah pawisa kan zu dil dawn lo, ba kan zu thing dawn a ni' an ti a. Kan Chief Minister hoin ba an zu thing ta ngei a, Central hian ba a lo thing let ta em ni ? Uniform floor rate in Central in ba a lo thing ta a ni, 'Lo la tawh rawh u' an ti ta a ni. Chu chu hnial ngam loin, mipui tan ngam loin an yes thlap a. Mipui rethei te te te Tax pe turin min nawr ta a ni. Chuvangin Pu Speaker, kan Sorkar leh i ding lama thute hian in ngaihtuah chiang rawh se. Mirethei te te te vote atange he House rorelna sang ber ah hian thu thei an ni. Chuvangin, Mizo mipui rethei te te te hi zah ve rawh se. Chuvangin, kan Minister zahawm tak hian he a Bill hi in withdraw hram sela tih ka ngen a ni. Ka lawm e.

PU H.RAMMAWI

: Pu Speaker, ka lawm e. Kan Bill hi member kan nihna anga mahni chhia leh tha hriatna hmanga kan sawi hi a tha awm mang e aw ka ti a. Dan reng reng hi figure nena dah thlip thlep a that viau lain figure tel lova a thua dah hi a him zawkna hi tam tak a awm a. Chumi ngaihtuahna nen chuan tunah hian he Amendment Bill hi a lo kal a. Nichinah khan kan Minister te kha dawl sawi ang hrime he H use a dawl hrilh ang hrime sawinate a awm a. Mahse, kan Minister thusawi kha a dikzia fiah pahin tlem sawi ve ka duh chu kum 1972 ah U.T. kan ni a. 1973 a he dan pass anih laia Member kha vawinah hian kan awm lovin ka hria. Ka hresualin ka ring lo. An lo ngaihtuah thuk vuai a ni ka ti. He dan siamtute Dan siam ang khan vawinniah hianin Tax kan laknate pawh hi a ni ta a. 1972 ah U.T. kan ni a. 1987 ah State kan ni a. State kan nih hnuah kum 14 kan kal tawh. U.T. atangin kum 30 hmel kan hmu tep tawh a. Kum 28 kal ta a dan an pass kha vawin thleng- in Tax ah hian kan la hmang a ni. An pass hunlaih chuan a sang viau a ni tih kan hriatthiam theih nan thil pakhat kan sawi ang e. 1973 velah chuan Secretariat UDC kha hlawh tam ber an ni a. An hlawh pui Rs. 150/- a ni. Avain Rs. 401/- a ni. Vawinniah chuan kan UDC te hian an hlawhpui 5000/- a ni.

Hun adanglam zia chu ngaihtuah ta ila. Khang lai khan he Rate hi an lo pass anih ngat chuan an ngaihtuah thui hle. Mizoram Sorkar hi a neitu kan ni a. Kan ta a ni a, tih kha an ngaihtuah thui viau a ni.

Pu Speaker, vawinah pawh hian fakawm ka ti. Kum 28 a liam hnu ah 1973 a naupang piang kha vawinah nupui fanau nen an awm vek tawh. Chumi hnu vawin- ah hian a to, a sang kan la ti amaw, kha kha kan ngaihtuah ngun a ngain ka hria. Chutiang zawnga kan ngaihtuah chu a ngai. Mizoram Sorkar mipui alawh a thlankhawm hian a neitu nih kan in hriat lohin tu hian nge neitu nih in hria ang le. Chutiang zawng chuan ngaihtuahna kan hman thain ka hria.

Vawiinah Gallery lam hawia sawi vak vak hi kan ram leh hnam tan hian a tha ber em tih kan rilru ah awm sela tih ka duh a ni. Chhiah tihpun hlek hi kan sawisel duh viau a, a lehlamah chuan hlawh pawh a lo danglam ve tawh alawm, khang hun laia 150 hlawhpui kha 5000 a ni tawh asin. Bazarah Maian tel man pawh a to asin, Maite man pawh a to asin, Mautuai man pawh a to daih tawh tih kha kan rilru ah awm sela, chungpawh chu kan ngaihtuah thlen a thain ka hria.

Vawiinah hian he Bill ina tum kan sawitlang ta a, sawitlang law law ila thain ka hria: Uniform floor rate kan hman theihna tur lam hawia he Dan kan pass chuan kha rate pawh kha kan hmang ve thei ang tih beiseina a awm, zep chi pawh a ni lo, a chiang reng, kan ti to ang tihna ni chuang lo a kan Ministerin a ti tih kha to vek tura ngaihna te pawh a awm a.

Pu Speaker, khang hunlaia Motor Spirit 8% kha vawiin thlengakan hman hian engnge thil man sang chhoah pawisa value a lo hniama, mihring hlawh pawh a to tawh a, kan ngaihtuahna hi ngun deuhin hmang ila tih ka duh chu chiang deuha lang chu mirethei hmuhsitna lam hawi ten kan sawi a, uniform floor rate duang tute hi India rama expert kan neih ten an duang a ni. An duang thiam khawp a, mirethei te hmuhsitna, rah behna lam a hawi lo, miretheite hlawkna turin an duang tlat.

Pu Speaker, mi lian leh mi hausa te hianin Motor te an nei thei a, Motor Spirit man to chu mi lian tan asin. Mizoram hmun tina intin mirethei kawtkai thlengpha mirethei te intin a lo lang, Gas Cylinder man hi a hniam dawn uniform floor rate kan hman chuan, a sang lo alawm, a hniam dawn alawm. In Sorkar laiah pawh kha in la ve tho a, kha kha hriat tur alawm, chuvang chuan Pu Speaker, Gas Cylinder man hi uniform floor rate kan hman chuan Cylinder pakhat zelah Rs. 4,27p in a tlawm zel dawn, chu chu miretheite tan hlawkna a ni lawm ni. Aizawl khawpui intin hian a hlawkna an tel dawn, Gas bur pakhat an lei apiangin Rs.4.27p in an hlawk zel dawn. Pu Speaker, kan thusawiah reng reng hian ram neitu kan nihna anga, Sorkar neitu kan nihna anga thil hi kan ngaihtuah a thain ka hria, tih tak takah chuan Pu Speaker, ka sawi duh chu a zahthlak tih lamah kha dah tha hram ila, tih India Hmarchhak Stateah hian uniform floor rate aia sang tein Motor Spirit ah hian an la tawh, a aia hman an awm reng reng lo, India Hmarchhak ah hian. Arunachalah 20% an la daih tawh. Tripura ah 20% an la daih tawh. Manipur-ah 20% an la daih tawh. Nagaland ah chuan 24% an la tawh. Meghalaya 20% bakah, surcharge 2% an la daih tawh. Chuvang chuan Pu Speaker, an chian lohzia an hriat loh vang a nia, an hriat lohzia hi hria seng ti hian min hnial lovang.

Chuvang chuan, kan thusawi reng rengah hian ngaihtuahna fim hmang ila, tin, thil man a sang zel a, in man pawh a pung ta zel a, lehkhabu man pawh a sang ta zel a, Thil pakhat chiah Pu Speaker, he dan hi Amendment dungzia uniform floor rate hman anih chuan Aizawl khawpuiin tin hian Gas bur an lei apiangin bur khatah Rs.4.27 in an hlawk zel dawn, chu chu miretheite hamthatna a ni.

Saiha ah pawh a ni vek, chuvang chuan, he dan thatzia pawh hi an ngaihtuah ve a ngaiin ka hria tih kha kan sawi ve duh a. Atawpnaah chuan figure tel lova hetiang anga a thuah dan kan dah hian a him zawk a ni. Pu Speaker, ka lawm e.

PU R. LALZIRLIANA

; Pu Speaker, vawiinniah petrol leh a kaihawihte Amendment chungchang kan han ngaihtuah naah hian sawi tur a tam mai a, kan MLA zahawm takte kan Minister thenkhatte pawh khanin thil tenau ho mai maiah khan an chhuah deuh a, hei hi kei a ho ka ti lo khawp a, mipui pawisa kum khatah nuai 200 kan chhuhsak dawn a ni a, nuai 200 ngawt mei mipui pawisa han chhuhsak kha vawiinniah hian nep kan ti thei tawh anih hi chuan kan in enchian a ngaiin ka hria. Zokhua ah kan mite retheih zia te kan hriat a pawimawh a. Tin, hotu hmasate an fakawm hle a, 1973 ah he Dan hi siam a ni a, chu chu vawin hi a vawin nga na tur siamthatna a ni dawn a ni. Khalai ami kha kan ring ngar ngar a ni lo tih kha ka hma amite khan hria selangin a thain ka ring a.

Tin, hei State dangte nen hian kan khaihin fo a ngai a, uniform floor rate kan hman dawn hian State dangah leh keini State ah hian Industry engnge kan neih enge dehchhuah kan neih tih kha kan ngaihtuah a ngai a ni. Keini engmah dehchhuah nei si lo hian Central chawmhlawm hian an ni anga pe thei kan ni em? tih kha kan hotute khan an ngaihtuah a ngai. Chutiang ang ngaihtuah tel si lova, mite tih ang tive ringawt hi a dik lo.

Tin, ram hruaitu tha kan nih dawn chuan hmalam pan chu a dik e, amaherawhchu hmalam kan panna turah hian Pu Speaker, kan mipui ten enge an dinmun tur an chhawr dawn nge an retheih pui dawn kha zawk kha kan ngaihtuah tur a ni. Politician ten chutiang nilova, Central a hotute kan zuk dawr a, kan insawi thei ve ringawt ang hi a dik lo, ka lo hriat dan phei chuan 1999 November thla a Delhi a hemi uniform floor rate ngaihtuah tura meetingah khan vawiinniah hian kan Chief Minister hi a tlanbo a, pawika ti viau mai, hei hi a tel ngei a, sawiho chi a ni. Hnam hnuk tak tak anih avangin ko lut nghe nghe la Pu Speaker, a thain ka ring. Ka hriat dan a dik chuan Delhi tlangah khan hemi sawihona turah pawh hian a tel ngam tawh lo a ni. Minister dang pakhat kal turin a ti a, chu pawh chu attend tha mang lo leh nghal niawm tak a ni.

Chutiang ang chu kan ram hruaitu anih chuan keini hoin a, kan tuar nasat tur zia chu sawi tam ngai lovin Pu Speaker, a chhut theih main ka hria. Tichuanin, hei Petrol ah hian Assam ah chuan 1litre Rs. 22/- Meghalaya Rs. 28.39, Nagaland ah Rs. 28.29, Manipur-ah chuti-ang chian Tripura ah hian Rs. 28.43, Arunachal ah 28.29, Mizoram ah chuan Rs. 28 leh vawina Taxation Department a miten an chhut chhuah dan chu Rs. 28.27 niin a lang a, hei hi engpawh nise, kan la hniam ber fo alawm inti mai thei a, amaherawhchu, hei aia pawimawh zawk hi Diesel hi a ni.

Diesel ah hian a sang ber dawttu kan ni vawiinniah hian hetiang ang hi kan pass dawn chuan Diesel leh buhfai chu a inthlung tlat mai a, kan ei phurhna a ni a, kan chaw lamna ber a ni a, hetiang ang anih dawn chuan kan hma amiten an sawi ang khan nasa takin bungraw phurh man a lo to ang a, vawiinnia kan lei theih pangngai hi tam takin a sang dawn a, petrol hmang zawng zawngten vawiinniah hian hmanna Bus chuan man in han pun ngawtte kha hami hre sa hian em ni in lo pun tih ka ngaihtuah a. Tiang chuanin vawiinniah hian tuma thal ve theih loh tuikhur kan hualte kha zawhnaah pawh khan ka rawn zawt a. A tuihna te kha a la tha em ka ti a. A tha ta vak lo nge ni keimahni ah resources mobilise kan tum a, kan theih loh thleng thlengin. Hetiang tih kan tum ringawt hi dik ka ti lova. Delhi Drip ring lova nun kan tum dan hi vawiinniah hian a hahthlak ka ti lutuk a ni. Hetiang lo deuh hian a nun theih lawm ni ? Tax tam tak, kan hotute'n a lak theih zawng zawng chu Sorkarin a pun tawh a, awle, a tul a ni ang. He Bill rawn introduced tu Minister zahawm tak pawh kha a dik tak chuan a rilru pawh a nuam bik lo a ni. A thiltih pawh hi chakawm a ti lo niin ka ring a, a rawn sawi danah khan.

Chuvangin, vawiinnia kan kal dan lo ang deuh hian Pu Speaker, kan kal dan hi kan ngaihtuah a hun hlein ka hria a. Tichuanin kan Chief Minister tein helama Opposition a an awm lai khan pawisa indaihlohna kan neih chuan kan inremnaah khan a inziak vek alawm. Keini chuan kan tihdan tur chu ba bu hi kan zu keu ang a, hei in bat a ni kan zu ti ang an ti a. Vawiinniah chu chu tih a hun tawh a ni. Kan thih vek hunah chauh hian chu chu an ti dawn em ni ? Chutiang ang tur chuanin Pu Speaker, kan hotute hi kan nawr tlan a ngai zawkin ka hria a. Chuvangin, he Bill hi khawngaih takin la let leh mai selangin thildangah chuan ramin kan tuar lova, kan vin leh tlem a nep deuh tura kan ngaihte hi chu a tawngtaw a rawn oppose ringawt hi kan ni ngai lova, vawiinniah erawh hi chuan kan hnamin a tuar dawn a ni tih kan hriat avangin he bill hi chu hnukkir leh hram se, tih hi kan ngenna a ni. Pu Speaker, ka lawm e.

PU L.N.TLUANGA

: Pu Speaker, kan Minister zahawm takin hei Bill a rawn pulut ta a, a thu a hla han en hian amah pawh hi a inthlahrung deidawi

viauin ka hre mai a. Phek khatna pathumnaah te hianin a hman hun tur te pawh Sorkarin a la siam ang chu an ti a. Min pass pui ta se chuan min hman remtir visu chu ka ring. Tin, a rate thu han hman tur taka te pawh Sorkarin a la siam ang a ti a, a tawp han chhiar thlen chuan a sang thei ang ber uniform floor rate an tih hi min hmanpui hmel hle a, a sawilang lo mai mai niin ka ngai.

Tin, Member zahawm tak tak te sawi tawh ang khan heng thil hi State Chief Minister ten an rel lain hnialtu awm miah lo a lo kaltlang chho a ni a. Chung chuan a nghawng chho a ni. Kei ka sawi duh lai tak chu a Political impact zawk hi a ni a. Engvanga special

Category ni nge kan nih ? British min awp lai te India in dangin a min han awp zuite kan nih avanga special a enkawl kan nih kan hria. Chu chu hum tur leh veng nung zel tur pawh kan ni ve. Tuna uniform floor rate kan tih te loh theih lona heng Sales Tax kan han la ve ta mai te, heng zawng zawng hian lehlam thlir lovin, State puitling zawk te tihdan kan zirtirin, tute presure avangin emaw ti lo thei loah kanin ngai a, hei hi kan Finance Minister tawh phawt chuan an sawi zel a, State Finance Minister kalkhawm ila, State tenau nih chu a zahthlakin a hrehawm khawp mai tih chu an sawi vek a ni. State lian zawk leh hausa zawk leh puitling zawkte chuan chhiah pek ang leh an khawn ang ang khawn ve tura an nawrna pawh a rei tawh a. An tan zawh avang chuan Sales Tax khawn a ni ngai lova. Tuna uniform floor rate te phei chu kan tan hian han zuan ve chi a ni lo reng reng a. State leh State kan inthlau lutuk a, patling leh patling kan inthlau ang bawh hi a ni.

Chuvangin hetiang anga chhiah lak thu ah te mi State te tih ang ti ve tura kan in ngai a, kan ti ve dawn anih chuan special category State kan nih hi engtikah nge kan tih tawp ang ? Kan in peih hmam, rual kan ban ve hmam min tihtawp sak leh ang a, a mangang ber tur leh mualpho ber tur kan ni tho ang. Ril taka zuk ngaihtuahin hetiang anga min nawr te hi tanna chang kan hriat a, kan Leader te hi namen lova meikawha an tan a ngai asin. Dik tak chuan tuna kan Ministry hrui tute phei chu kan beisei tak te an ni asin mawle ! A hma zawng zawng pawh a kan Finance Minister te kan Chief Minister te an lo tan zawhna, tang zo lo anga an in ngai a hi engati bik nge ? Kan dinhmun in a la zir lo a ni tih chu a hrechiang bera te an ni tho. Kan retheihzia hmuchiang tute an ni ve tho. Political status ah chuan State min pe ve e, a lawmawm khawp mai. State kan nih avang hian mi state tih ang apiang kan ti thei lo tih hi i hria ang u. Chuvangin, mi chhiah lak ang angte ti ve thei kan nilo tih hi pawm ila. A bik a enkawl ngai kan nih hi i mangnghilh suh ang u. Pu Speaker, ka lawm e.

FU LALRINCHHANA  
MINISTER

: Pu Speaker, tawite han sawi ve ka duh a. Hei kan Dan Amendment buatsaih a hi Session hmasa lama Dan thar kan rawn buatsaih ah khan hetiang ki deuh hlek hian kan lo kal tawh a. Hun kalta ah khan Revenue law ah khan chhiah bithliah zat tur pawh ziah a ni. Amaherawhchu, hmundangah pawh dan hrang hrang han thlir hian hetiang chhiah Revenue emaw Tax emaw a fee pawh a ni ang, chi hrang hrang kha a nihdanphung dan siamah hian law chuan Legislature chuan Sorkarin hemi kawngah hian chhiah a lak a phalsak a, a hun zia ang zelin a lei a thliah pawh a phalsak zel a ni. Chu chu dan leh mi pawhin an kalpui dan a ni a. Chu chu practice ah pawh a lo rem ber zawk a lo ni a. Chuvang chuan helai ah pawh hian a dan chhungah khan a chhiah lak tur bi a ziak kha, hun awmdan leh pawisa hlutna tlakhniam emaw a lo san emaw ram economy danglam zia ang zelin hetiang thil hi tih danglam fo a ngai a. Chu chu Legislate ziah hi thil tihphung a lo



ni hauh lova. Chuvang chuan he House hian Executive kan siam a. Kan Executive siamte chuam mipui hnena chhiahbi an chhiah hi kan rin ngam tur kan phal tur a ni, mi tihphungah pawh chu chu a ni. Chuvangin helaiah hian kan House in Sorkar kan siam tin a chhiahbi zat tur an bithliahna hi ring ngam lo House kan nih chuan a dik miah lovang. Chuvang chuan Sorkar a kal chhung zawngin House hi a ding dawn Majority House in an din Sorkar a ding zel dawn. Chu chuan hunbi in a mamawhzia angin chhiahbi hi an siam theihna turin dan hi kan siam hnana mai tur a lo ni. Chutiang chuan Revenue Law kan siamah khan kan dah tawh a, helaiah pawh hian a hmaa lo awm hmasa tawhah a chhiah lak dan tur bi Law a an lo tel kha, e, hei chu a bi tak chu Sorkarin an lo telh a kha, E, hei chu a bik tak chu Sorkarin a tulzia anga, a siam turin dah ni rawh se, tiin Amend ang u, a rawn ti a ni a. Hei hi chu kan zawm ngei tur chi a ni. A principle thil a ni. Chu chu anih avangin, vawiinnia, he dan amendment a rawn buatsaih hi kei chuan awm ka ti a, kan House pawh hian he House hi kan in ring ngam anih chuan kan aiawh a kan rorel tur a kan dah te'na chhiah bi an rawn thliahna tur a provision an rawn siam hi kan ring ngam tur a ni. Chuvang chuan kan Sorkar tan hian awlsamna kan siam tur a ni. Hun bi rawn in thlak thut thut atanga mipui te hnena chhiah an lak dan turah hian Sorkar kan ring ngam tur a ni. Chu chu kan nihphung tur anih avangin hei hi a taka kan chantir ngei niin ka hria a.

Tin, principle bakah chhiah chawi dan tur chungchangah hian mipui hian Sorkar hi thil ti thei tura kan beisei dawn chuan an hnena hian tam zawk kan pe tur a ni. Tam zawk kan pek a ngai tlat. Nitinin mipui kumtinin kan pung zel a, kan economy leh sum leh pai dinhmun a danglam chho zel. Hemi mil a mi ram an enkawl tak tak dawn chuan hmasawna tur a mi an hruai dawn chuan mipui hian kan kep ve a ngai a ni. Hmasawntir kan tum chuan keini pawhin hmasawna tur a kan va pek ve a ngai a ni. Chuvang chuan he dan an lo siam tawhna ah mipuiin kan economic, income leh vawiin dinhmun hi thlir ta ila, a inthlau em em tawh a ni. Chuti anih avangin vawiinniah hian heng Petroleum leh a kaih-hnawih a chhiah tam zawk chawi turin Sorkar pawhin rawn rua-hman dawn sela, a awm a ni, a lo a luakchhuakin an ti tam hauh lovang. Heta hma kan sawn dan leh kan economy leh kan income pun dan thlir chungin, chumi base chuan mipuite Sorkar kan din avangin, chu chu a rawn kalpui tho tho dawn, chuvang chuan heng kawngah hi chuan Sorkar ah hmasawna tha zawk leh tam zawk kan beisei dawn chuan Sorkar ah hian tam zawk mitinin kan pek hi kan bat leh kan tih tur a ni. Chutiang bawkin India ramah hian Sorkar puitling nih ve hi phu in kan in hria a, State puitling ah kan ding ve ang. Chuvang chuan engemaw bik leh engemaw thil a India ram pumpui State in tih tlan tura an tih tawh hi chu keimahni ang bawka a State la indaih lo leh tlang mi State pawh tam tak an la awm ve tho. Chumite pawhin an tih theih, ti thei lo bik tura ingaih thei hi kan ngaihtuahna tur a ni miah lova. State a kan ding ve ngam anih chuan India ram State dang zawng zawng in an tih theih chu kan ti ve thei ang chu. Heng Arunachal te, Manipur te, Nagaland te pawh kan aia an san chuanna anni ina an tih theih chu angah nge tithei lova kan awm reng ang. Chumi rilru an chuan kan ram mipui kan kaihruai chuanin reiloteah mi hnungah kan awm ngei ngei dawn.

Chuvang chuanin India ram hming kan put ve a, India ram State in tihtheih tura India ram pumpui huapa an ngaihtuah bik-ah na na na hi chuan tlanche bik tur kan nilo. Chu chu kan hriat a pawimawh em em a ni Chuvang chuanin heng kawngah hian hmasawna kan neih zolna turah tam zawk kan pe anga tam zawk a rawn lut dawn a ni. Central ina pawisa tive tura min tihna chiah hi thlir ila, "hei hi lo tive ru le, a hma aia tam zawk kan rawn pe ang che u ang a, In State hi intodelh zawk kan siam ang" an ti zel a ni. Chu chu tunah pawh mi an phutna a ni zel a ni. Chu chu anih avangin heng kawngah hian zawi zawia hma kan sawn ve hret hretna tur hi chu kan ngaihtuah a ngai. Kan pek tam poh leh kan dawng hnem dawn. Chu chu a awm dan a ni.

Tunah Central Sorkarin development thilah pawh hian 50% kan tum theih dawn chuan tun aia tam daih hi mi an pe phal. Kan tum theih lohna avang zawk kan ti tam thei lo zawk a ni. Chutiang ang chu a ni. Kan pek chhuah tam chuan kan dawng tam dawn. Chu chu kan nihphung hi anih avangin, chhiah zawi zawia han tihpun ve hret hret z el te hi chu kan nih tur phung a ni ve reng reng a ni. Puitling zawka awm kan tum chuan tih hi kan hriat a pawimawhin ka hria a, chuvang chuanin kan Sorkarin hemi kan pass hnuah hian, hengah hian chhiah tlem a zawng a ti puitling (tipung) dawn anga a lan pawhin hei hi kan pawm ngam tur a ni a. Kan pawm tur pawh a ni. Chutichuan helaish dan nihphung atan hei hi fel zawk tur a an rawn duan chhuah hi chu, vawiinniah lawm taka kan pawm tlan mai hi thain ka hria a. Chu chu ka'n sawi ve a ni e. Ka lawm e.

S P E A K E R : Tunah chuan Opposition Leader ko ila, chumi zawhah wind-up ta se, tawk kan ti tawh khat em? In sawifiah thawkhat tawh khawp mai a. Chuvang chuanin Opposition Leader hian sawi a tum chuan sawi sela, chumi zawhah chuanin wind up tir ila, I tum tawh mai ang u.

PU LALHMINGTHANGA : Pu Speaker, kan sawi em em ang a. I khawngaihna azarah amah-erawhchu, keini kalhmangah hian in hmanni Business Advisory Committee ah te pawh khan ka ngaihdan deuh kha ka sawi a. Kan Member tlemna te pawh hi kan tana remchang a ni a, ngaihdan kan sawi thliah thliah theih hi a pawimawh a ni tikhan I hnehnah khan ka sawi a. Chutiang chuan entirnan, hei kan Home Minister zahawm takte, kan Industry Minister zahawm tak te, tin, Hnahthial bialtu zahawm tak leh Khawhai bialtu zahawm tak te pawh hian an ban kha an la rawn phar si a, khatihlaja a rek bungtu ang deuha han chan kha a nuam vak lova, Pu Speaker, chance pe ve leh la anni 4 kha chu. Tichuan, minute 8 i tih chhungah khan kei pawh khan khung ka tum ang. Chutiang chuan khawngaih takin min kalpui la.

S P E A K E R : Ngawi rawh kan programme anga han kalpui che u ka duh deuh a, chu chu ka rawn rawt chhan chu a ni a.

A sawi chu in duh tawn tawn vek maiin ka hria a. Mahse, hei kan House ah hian a percentage-a lak pheih chuan India ramah chuan a sawi hnem ber kan ni hialin ka ring a. Kan vai hian kan sawi deuh ziah mai a. Chuvang chuan a hun ang chhung te hi han vawng ve deuh ila, tihna rilru a nia. Tiang chuanin, i ti ang aw, engnge mawle, in tlai peih phawt te chuan. Mahse, nichina kan Member zahawm tak Pu LN. Tluanga tawngkam ang chiah kha chu, tuman sawi tawh lo ula thain ka hria a. Tawmkailo State kan ni lova, special category hi, sum leh paia into-delh lo, mahni State revenue-in a daih ve si loh te hi special category state kan ni mai a. Chutiang ang te chu a bika ngaihtuah India sorkarin a duh vang mai a ni. Kan thangthar te rilruah pawh tawmkailo ang, kan indah kha a tha lo anga. Khalai thil pawh nawhreh turin ka ti, record atan tha ka ti lo. Khatiang khan tuman rawn sawi tawh lo ula a tha awm e.

A nih leh, Pu F.Lalthanzuala aw...

PU F.LALTHANZUALA : Pu Speaker, sawi tur tam ka neih pawh ka hre lova, minute 8,6 vel kha ka zo kher lovanga. Amaherawhchu, he bill hi passed anih chuan thil lo thleng ngei ngei tur chu thil man a to dawn a, tih kha a chiang sa em em a. Chu thil man to chu a tuar ber tur chu mipui ho, thingtlang ami rethei ve tak tak leh, harsa ve tak tak te kha an, ni ngei ngei dawn a ni. Chu chu naktukah ni a chhuak ang tih anga chiang a ni a. Kan Member thenkhatte khanin sorkar hnathawk hlawh te pawh a tam a, tih te kha an han sawi deuh zuau zuau a. He bill kan pass tur hi sorkar hnathawk hlawh tam tawh atang khan en tur a ni lova. Zaa 80 sorkar hna pawh thawk ve lo, sorkar atang pawha thil hnuh tak tak nei lo, sorkar hna pawh thawk lo sela, amahni sum leh paian han hai chhuah vena tur thil te sorkarin a ngaihtuah sak theih loh mipuite hi he thil kan ngaihtuah hian kan enzawn tur a ni zawk.

Tin, Meghalaya te chu kan Petrol man in ang deuh mahsela, kan thil, thlai man hi a in ang lo lutuk a. Chuvangin Mizoram chuan khaikhin theih pakhatmah hi kan nei lo. Chuvang chuan special kan nihna ang taka kan awm hi a tul a ni. Central India a kan hotute chuan, nangni hian "Hetiingin in ti lova" min ti anih pawh in, kan tang tlat anga, "Kan mipuiten an tlin rih lo" kan ti tlat mai tur a ni.

Tumah hian ka rilrua awmdan tak chu kan hotute hi, Central sorkar an dawr lai khan an tawng huai lo deuh a ni, ka ti a ni. Hetiang anih chuan, heng Plan assistance leh assistance dang dangah te pawh "Kan pelovang che u"tiin vau deuh mahsela, "Chutiangin min ti mah ula, kan thei chuang lo" kan ti mai anga. India ram kan nih hi a bo dawn chuang lova, India mite kan ni a, khata kan tan chuan kawng a awm ang, kan 'yes' hma lutuk a ni.

Hemi ka ngaihtuah hian, ram buai laia nula pakhat chanchin an sawi thin kha ka hrechhuak deuh a. Intizei ve tak, saptawng tlem thiam ve deuh nula pa khat hi a awm a, sipai lo chhuah chum chum lai khan officer hovin an bia a, hre ziktluak vek lo khan a lo 'yes' thin a, an hruai an hruai ta a, pindan ah an hruai lut ta mai a. Tahkhan a awmzia a hre ta chauh mai a, a tawng dawn a, a tawng leh thei ta silova, an tih ang kha kan ang deuh dawn in ka hre tlat mai a. 'Yes' hun hi a awm anga, 'No' hun hi a awm tur a ni a. Chutianga kan tih hi a tul em em in ka hria.

Tin, he bill pass tura kan han putluh hian, ka ngaihtuah vang vang a, mipui vangtlang a hmangaih em awm?.. ka ti a ni. Kan thlirna dinhmun kha engnge ni State kan ni ve a, Central-a meeting-a kal a pianga chutiang khatiing tih hlawh fo kha, a hreawm a, tih te, mi state te chuan an ti tawh a, tih te kha nilovin, kan mipuite hian an tlin em ? tih kha kan ngaihtuah tur a ni. Hnahthial thleng Bus chuan man Rs.90/- ni thin kha Rs.120/- a lo ni daih ta mai a, MLA kan ni a, a tuartu tur chu kan ni theuh mai. "Aizawlah thil ti turin ka lo kal a, hawna tur ka nei tawh lo, min pe teh" tih dawngtu theuh kan nih ka ring, khatiing kha a ni. Zokhua atanga tih tur neia Aizawl an lo kal ringawt mai pawh, kar 2/1 an chamin an da der zel anih si chuan hawna tur MLA te hnena an dil a ngai fo mai. Chutiang dinhmuna awm kan nih avang hian chhiah lak sak vek hi a theih rih lo a ni. Chhiah tih pun deuh thin hi chu pawh a nilo, amaherawhchu, uniform floor rate hi chu kan tlin lova, keimahni tlin ang bek beka tihsan te hi ni zawk se tha tak tur a ni.

Vawiinah hian hemi opposition lamah hian chu chu kan kalh pawh ka ring lo. Amaherawhchu, khulam amite tihdan anga state dang, a hun leh ni ah pawh hmasa lutuk tawh ate nena rualkhata tlan tura kan inggaih chuan, kan ti sual ang. Nichina Member zahawm tak pakhat ina a sawi ang khan, ni uk lo kha kan ni kal anga, kan tan a tha lo zawk ang. Tlin uk lo kha tlin angin kan kal ve anga, kan ti leh thei tak tak silo ang. Chuvangchuan, Tax reng reng hi lak dawn chuanin, mipuite pek theih dan dinhmuna kha en a ngai a.

Tin, mipuite kha pe theia kan siam a, chumi mila pe theia kan siam a, an economic dinhmunte kan raise a, kan tihsan sak a, chumi hnuah hetiang hian kan ti hret hret tur a ni. Tun hi chu kan ti teh phut lutuk a, hei hi a ni harsatna min siam sak tu chu ni. Chuvang chuan, he bill hi a tha rih lo a ni. Pu Speaker, a technical lam neuh neuh kha chu kawng dang nisela. He bill hi kan pass chuan Motor chuan man leh thil dang man zawng zawng a to vek dawn a, kan mipui vantlang te hnena khatiang a thil toa, leia khawsa thei tur khan kan sorkar hian eng dinhmunah nge an dintir tawh ? Tuna a lan dan ah hi chuan kan la thleng tawi hle ti hmel hi kan pu, kumthum chu a ral a ni ta. Chutiang anih avang chuan kan thlen tawi thu ah chuan kan sorkar hi ka mawhchhiat lo, kan ram a harsa em a ni, kan rilru put dan te hi.

Amaherawhchu, kan thlen tawh leh mipuite theihna mila chhiahte laka, tihsan hi a tul zawk a ni. Chuti nilova kan zuan thut chuan kan ram tan hian a tha miah lo anga. Anni chuan complain an siam thiam vak lo ang, mawl tak an ni rih a. Amaherawhchu, an harsatna chu engtik hunah emaw an la lantir ve mai ang. Kha kha a tha lo a ni. Chuvangin, Pu Speaker, he Dan hi, hemi bill a hi a tha lo viauvin ka hria. Tha lo ka tihna chhan chu, a hun azirin, hei kumthum kan ni ta, kan inchawikang chho ta a, kumli a ni ta, tunah chuan kan thei tawh deuh dawn lawm ni tia, khatiang a chawpa, chawp te te a tih kha nisela a tha ang tih hi ka ring a ni.

Ka lawm e.

ER.K.THANGZUALLA  
MINISTER

: Pu Speaker, vawiina kan bill hi a in ziak ang hi chuanin amendment lai te a hi, kan sawi lai tur niin a lang a.

Amaherawhchu, leh lama thu Member zahawm tak tak ten no a pai a ni tia an rawn sawi ang khan. A note piang tura kha a pian hma khan kan sawi tam mah mah in a lang a. A main agenda kha kan chian a ngaiin ka hria a. Tuna kan act amend tura lo kal hi kan hriat tawh ang khan 1973 a siam a ni a. Tichuan, amendment hnuhnung ber chu 1996 kha a ni a. Tichuanin tuna amendment siam an tul takna chu, khatih hun laia he act lo hmuangtute khan nakinah India ramah hian sorkar te pawh a lo la in thlak zel anga, Congress kher lo te pawh an lo la sorkar anga, Financial policy te emaw fiscal reform committee te pawh an la rawn dinin commission te pawh an la rawn dinin kan Financial kalphung hi an la rawn tidanglam duh ang tih kha an hisap pha bikin ka ring lova. Amaherawhchu, Central-ah sorkar chu a lo piang a, Financial policy chungchang thu te, budget system te leh fiscal reform commission te hial dinin, kan ram sum leh pai kalphung tur leh state lo tan vena tur te pawh ngun taka ngaihtuahin thil an rawn duang chhuak a. Chumi rah

kal zel hi tunah hian kan face mek lai a ni a. Hei, Uniform floor rate han tih te pawh hi kan state tih chhuah a ni lova, a implementation pawh hi kan state tih theih a ni lova, Central sorkar sum min petu kan nu leh paten hetiang hian lo ti ve rawh u an tih avanga ti ve tur kan ni mai a. Chu chu state dang zawng zawngin an ti tawh a. Keini hi a ti lo la awm chhun kan ni a. Chuvangin min rawn request mai ni lovin vau hial min rawn vau tawh a. Tah chuan min vau danah chuanin a tirah chuan in tih ve loh chuan 25% plan fund kan cut ang an ti a. A hnu leh chuanin Plan assistances in tih ve loh chuanin kan cut vek ang, an ti a.

Tin, Plan assistances hi ka hriat dan chuanin lo cut tak tak sela, thla khatah crore 26 vel cut tur a ni a. Kum khatah pheih chuanin crores 312 vel a tling chho hial a ni. Hei hi lo zawm ve lovin lo chan dawn tak tak ta ila, kan ram mipuiten an han tuar dan tur leh sorkar hnathawkte pawhin an han tuar dan tur hi kan hisap thiamin ka ring a. Chuvang chuanin heti laiah hianin kan bukna lai tura pawh hi hriat chian a ngai viau a ni. Central-ah ti ve tura min tih kan tih hian nge hlawk zawk anga, pawisa min cut sak hian kan hlawk zawk ang tih pawh hi ngun taka ngaihtuah chuan kan hek dan tur hi nasa tak mai a ni. Chutiang ang chuanin Central hian action rawn la tak tak sela, lo zawm ve duh lovin a tuartu tur chu mipui kan ni zawk tlat a ni. Chuvang chuanin he amendment-ina a tum tak, a step lehina a rawn zui tur pawh hi kan thlir chuanin mipui tana hamthatna tur leh hlawk zawk tur sorkarina sum tam zawk a hai luh theihna tur, chu chu tu hnenah mah a kal chuang dawn lova, kan ram leh hnam development thilah leh thil danga kan hman tur a ni tho tho mai a. Chuvang chuanin hetiang zawng hian mipui pawh hi kan inzirtir zawk tur a ni dawn lawm ni ? tih hi ka ngaihdan a ni e.

Tin, a state rethei ber leh a hnufual ber emaw thil ti thei lo lutuka kan indah fo pawh hi kei hunin ka hre tawh lova, Mizo hnam hi hnam puitling, hnam thil ti thei, India ramah chuan tunah hian lehka thiam tam ber dawttu kan ni a. N.E. ah pheih chuan a sang ber kan ni a. Tin, kan khawtlang nun phung reng reng state dang te nena kan compare chuan Mizoram thuka development kalrual leh mipui hawiher pawhina an tlangnelna hi state sawi tur an vang viauvin ka ring. Chuvang chuanin hnam thil ti thei hnam changkang nihte pawh hi kan inzirtir a hun tawh lawm ni. Hetiang ang Fund pawh hi kan pe ve tur a ni. Engah nge kan pek loh ang. Tu hnenah mah kal tur a ni lova, tun hunah hian kan infuih a hun tawh zawk niin ka hria a. Chuvang chuanin hetiang hawi zawnga kan sawi tam hi a hun tawh lawm ni ka ti a. Tin, nakinah kan amendment hi ka pass hunah a taka a dawt leh ina a rawn zui leh a nih pawhin LPG ah pheih chuanin 10% atanga 8% ah a tla thla dawn a, Lubricant ah hi chuan a

ngain a kal dawn a, Diesel leh Motor spirit hi a sanna tur a ni mai a. "Ta ila" an ti a, han sawi ve ta ila, tahchuanin Mizoramah hianin hetiang ang han pe tur a hi 20% an tling ang em aw- kan population ah hian . A mirethei leh harsa zawkte hi chuanin Motor neilo a tam zawk an ni a, anni ho hi chi direct takin a zuk effect dawn lo niin a lang a. Chuvang chuanin mipui zawng zawng tawrh tur ang leh mipui harsatna thlentu tur anga han sawi chiam pawh hi a fuh em awm ka ti deuh a.

Tin, hei kan C.M hi Delhi ah vawikhat ka zui ve a, Prime Minister atanga Finance Minister, Planning Vice Chairman te a hmuhna ah ka kal ve a. Kan Chief Minister hi a zam lo khawp mai thin a. Delhi miliante hmaah khuan a duh dan hi huai takin a sawi pawp pawp mai thin a, a ngaih pawh an ngaithla ngun em em thin a ni. Chuvang chuan he Tax chungchang ngaihtuaha Chief Minister ho intawhkhawmna ah pawh hianin a duai lovin ka ring a. Kan ram harsatna leh dinhmun hriain a tang hle pawhin ka ring a.

Tin, chu lovah sorkar level atang pawhin theih tawpin Central in Mizoram hi chu min la ngaithiam thei deuh lawm ni, lenient deuhin min la treat thei em ? tih te pawh an ziak chamchi in ka hria a. Chutiang velah chuanin India ram pumpuiah uniform floor rate hi hman tura an tih avangin kan tang thei tawh lo a ni mai a,, vauna hial te pawhin minrawn umzui a ni a. Chuvangin he Bill hi kei chuan vawiin ah hian pass ngei ila ka ti a, thil hlauhawm awmin ka ring lova, a hnua awm zui zel tur ang te pawh lo kal ni ta sela, mipui hamthat na tur zawk leh mipui lama rawngbawlna tura sum tam zawk lo luh theihna tur zel niin ka hre zawk a.

Tin, state puitling, hnam puitling angin thil hi kan face ve ngam pawh hi a hun tawhin ka hria a. Chutiang zawng chuan kan ngaihtuahna vawiin ah hian kal in mipuite pawh hi zirtir zawk thin ila a tha awm mange aw ! tih te ka han sawi duh a ni e.

Ka lawm e.

PU SANGHMINGTHANGA  
H.PAUTU

: Pu speaker, ka lawm e. Hei ka hmaa sawi ang khan helaia a awmzia chu kan chiang tlang vek tawh mai a. Objective tih ah te pawh khan a sum a lang vek a. Sawi ang khan immidiate anih leh nih lo chu thudang a ni mai a. Nise, nilo se, tih kha a ni deuh satliah mai in ka hria a. Amaherawhchu, factual position, he House zahawm tak hian a han hriat ve hrim hrim duh ka nei a. Sum leh pai kan harsatna chungchangah hianin a finance khawih ni velo mahila, planning lam kan

nih avangin chumi laia kan thil tawn hi Member te pawhin an hriat ka duh a. Sorkar hmasaina an pawisa hman excess kha April thla khan Rs.44.44 crores vawi khatah min cut thawt mai a. A hmain Central sorkarah hei chu vawi khat ah min cut lo ula, kum 5 chhungin kumtin crore 9 in min cut hram teh u kan ti a. Amaherawhchu, an pawm thei lova. State dang pawh chutiang chuan an cut vek a ni a, kha khan harsatna namen lo min thlen a. Thla khatah hian Rs.57 crores vel kan mamawh a ni a. Chutah chuan khilai kan han harsatna lai khan hemi fiscal reforms kan tih ve loh avang hian Rs.48 crores chuang zet 15% gap grant kha min withheld sak leh bawk a.

Tichuan, Rs.92.44 crores kha April ah khan mi an tih tawp sak tawp a ni. Rs.48 crores kan hmuh tur pawh kha, a vau mai nilovin, a takin an rawn ti tawp thawt mai a ni a. Chuvangin khalaiah Khan harsatna namen lo kan tawk a ni. Chu chu Rs.44 crores kha chu Congress hun laia an hman excess liau liau kha a ni. Chu chu record-in a awm vek a, in duh chuan Finance-ah va en rawh u, chutiang dinhmun atang chuan leh tuna ka hmaa kan Industry Minister zahawm takin a sawi ang khan state tin in an ti tawh a hemi Uniform Floor Rate hi. Nagaland pheih chuan a pawisa pawh an hmu let leh tawh nge nge a ni a. Chutiang karah kan din theih ngang si loh ah chuan hemi India ramih harsatna kan tawk a, kan hre lo der emaw ni ka ti deuh a. Hmana kan Atomic Bomb kan tih puah atanga America ina Economic sanction an siam hman ni lawka an hlip, khami hmaa harsatna namenlo kan tawk te, keini Mizoram ngei pawhin sorkar hmasa tena tha taka an tih, saw ta Tuirial Hydel Project ah te pawh sawn Japan in overseas fund-a an tih tur te min tih tawp sak vek a ni a. Khatiingin kan harsa em em a ni.

Chutih laiah Kargil war kan nei a, chumi avang chuan Central pawh namenlovin an buai a, chutah chuan min nghawng vek a ni. Kan dinhmun hi tun hma ang a nih tawh loh avangin. Tin, economic policy hi earmarked system-in a rawn kal vek a, tun hma ang a ni tawh lo hrim hrim a ni. Chumi avang chuan tih ngaihna a awm lovah hi chuanin khang kha chu kan tih turah kan ngai mai a ni. Tin, chu lovah chuan, harsatnain a rawn den ah chuan sawi tawh ang bawk khan kan repeat duh chu puitlinna rilru nei lova, thil a free-a dawn tumna ringawt mai anga kan rilru a kal ta hi moral corruption a ni a. Mizo tawngin rilru hlemhletna lian tak a ni, chuvangin 'Neitu' rilru pu turin mipuite hi kan zirtir tur a ni. Sale Tax, chhiah pek te hi kan pek tam poh a leh neitu nihna min pe a ni.

Politician-in a eiru emaw, sorkar hnathawkin a eiru emaw, engah nge ka chhiah pek i ei ruk tia min kawng ngamtu tur chu mipuite an ni. Chuvang in hei hi chu kan tih tur a ni hrim hrim a ni. Puitlin kan pan anga, heng hi chu kan ti ve tur a ni, a loh theih



lohna ine min nang anih chuan kan ti tur a ni. State pumpui ina an tih vek keini chauh kan tan theih si loh chuan tih ngaihna a awm lo a ni tih hi House pawhin hre reng chungka kan hre lo der anga kan lang tlat hi chu van-duai thlak ka ti a. Mipuite tan pawha engemaw chen chu chhiah lak han tih ngawtah chuan a lehlam zawnga sawi chuan nghawng tha lo tak awm tur ang pawhin inzirtir theih te pawh a ni anga. Mahse, chhiah kan pek reng reng hian thil tha a nghawng ve tlat a ni. Mipuih neitu nihna thinlung pua min thil an tihna reng rengah an ti dik lo anih chuan an point out ngam a. S.Korea ramte pawh, an President-in a lo eiru a, ka nunna hi chu min zuah ula, "Ka in leh lo te pawh hi sorkarin la let rawh u", tiin sipai hmunah a tlan lut anih kha. Hetiangte pawh hi kan tih chhoh a ngai a ni tiin kan sawi duh a ni e. Ka lawm e, Pu Speaker.

PU K.L.LIANCHIA : Pu Speaker, nichin khan i ti tawp mai dawn emaw ka ti a. Min phal takah chuan tlem a zawng sawi ve ka duh a.

Kan sawi hlawm a, a dikna laiah chuan a dik vek hlawm mai a, changkanna/puitlinna rilru tih te pawh a dikna lai a awm anga. Mahse, puitling mang si love in-tih puitlin hi thil hlauhawm ber niin ka hria a. Nichinah kan Revenue Minister zahawm tak pawh khan in engah nge state dangin an tih theih chu kan tih theih kan tih theih loh ang, heng hi kan ti thei tur a ni a ni ta. Khatiang zawng kha kan kal dan tur em ni ang ka ti a. Kan ram tana tha kan tih theih ve tur zawk a chu kan tih theih tur ah, state dangte kan chona tur aia a mipuite hrek zawnga mi tih theih ti thei tura mi retheite ipte zen chhuak tur zawnga rualpawl tum kha a fuh ka ring lo hrim hrim. Hnam rethei leh tlangmi kan nih avangin income tax pawh min la awl a Central sorkar hian. Income tax pawh state dangin an ti thei a, ti ve rawh u tise, kan ti ve ang tih leh rik ngawt tur em ni ang ?

Tuna sumdawna dan kan zawh mek te pawh India Danpui a kalh an ti a, a thenin a kalh lo e kan ti bawk a, kan inhnial lai mek a ni a. E, India Danpui a kalh aliamah, kan ti ve mai ang tia mi tih ang tingawt thei kan ni lo tih hi kan rilru put dan tur niin ka ngai tlat a. Hnam bik, hnam hnufual kan la ni. India sorkar pawhin min tih hi kan vawnhim a ngaiin ka hria a. Kan cho lohna tur zawng, a chawi tam tur zawnga cho dawn chuan Punjab state tih ang ang chawi ve thei tura infuih hi a fuh ka ring lo reng reng Pu Speaker. Kan ngaihtuahna hi a letling hian ka hre tlat a ni. Tunah pawh hianin chhiah lak chungchangah ngaihdan hrang lutuk kan nei a ni la a. Heng thila kan ngaihdan hrang ta em em chu a dik tak chuan kan sorkar hi a tlawm hma lutuk a. 1999 April ah MOU kan hriat loh in an lo su signed a, 16th November 1999 ah state

Finance Minister Conference ah khan consensus in state  
zawng zawngin Uniform floor sale tax lak ni rawh se a tih  
a consensus an lo zuk ti tlu leh tlat a, a zu in commit  
tlat a, Kan mipuite rethei tak takte pawisa hian Delhi  
lamah kan in tlan tlat alawm mawle. Kan linglet kha a ni  
kan duh loh chu, kan phu tawk leh mipuite theih tawk chhiah  
an chawi hi chu kan hnial ka hre ngai lo. Tunah pawh kan  
hnial chuang lo, kan mipuite en reng reng lova mi state  
tih theih chu kan ti thei ang ti zawnga mipui ipte zen  
zawnga tan kha chu tan dan huaisen dik lo anih ka ring tlat  
a. Kan mipuite dimdawi takin mi tih theih kan ti ve thei tih  
a chu kawngpui tha te sial ila, Hydel Project te chak takin  
nawr ila, chhiah kan lak luhna tur kawng hian kalpui zawk  
ila, mi state tih theih chu kan ti thei ve a ni tihna tur  
zawk a chu kan mipuite hamthatna tur atana kan tanlakna lam  
a zawk chu state dangte kan chona tur ni zawkin ka ring. A  
chawi tam zawnga midang cho chu a dik ka ring lo.

Tin, kan Bill tih meka pawh hi  
sawi tur a tam a, kan Minister of State zahawm tak Khawbung  
bialtu khan, Session te hi koh zen zen theih a ni lova, thla  
6 a ral zet a ngai an ti tlat te kha a linglet chiang hian  
kan hre khawp a. Ruling in tul an tih phawt chuan koh zen  
zen theih a ni a. Kar khat tla lekah pawh a koh leh theih a  
ni. Mahse, thla 6 erawh chu session karah a ral lo tur chauh  
zawk a ni si a. Kan tihdan hi a linglet em em a ni. Han liam  
mai atan chuan khangte kha ka ui deuh hlek a ni. Chuvangin,  
Bill a Rate nena siam thlep chungchangah te pawh khan Bill,  
entirnanah Bill chungchangah te pawh Rate siam thlip thlep  
a te pawh kha a ni lem lo an ti a. Siam thlip thlep love.  
Tuna sales tax kan lakah te pawh Notification sorkarin a  
siam a, duh tawk tawk mipui ipte kan zen a, kan hria alawm.  
Mahse, a lo siam hmasatute engati nge Rate nen thlapa an tih  
kan tih chuan a bik taka pawimawh a ni a. Mipuite ber nen  
min effect vek a ni, petroleum product hi chu. Chuvang  
chuan a ni Rate nen thlapa an lo tih ni. Kan Minister khan  
Rate te chu sang taka midang tih dan lova tih duh te chu an  
awm pawh kan ring dawn em ni a ti a, midang tihdan lova ti  
duh te chu kan awm tan anih hi mawle. A Rate nen thlapa tih  
te kha a that em em na chu a awm tawkah chuan a pung lo tur  
ka tihna pawh a ni lo, a awm tawkah chuan a Rate nen lo bi-  
thliah vek chu khani a pun ni khan mipui min khawih nghal a,  
kan pass anga, Governor-in a assentnuah chuan engkim a to ang  
a, mipui kha min effect nghal dawn a, heng dailuah te chu a  
duh lo chuan kan ei lo mai alawm. Tel pawh leina neilo chuan  
kan ei lo thei vek a ni.

Mahse, Petroleum product ah chuan  
thil kal man a to chuan kan lei lo thei silo, Motor chuan man  
a to chuan kan chuang lo thei silo. Kan duh emaw duh lo emaw  
min effect bik a ni. Chuvangin essential commodities dang  
pawh awm lo avang hian fimkhur takin awm ula mite hian hetiang  
rate nen lam hian an fix thlap niin a zuk lang a. Vawiinah  
pawh kan Minister zahawm tak kha a ti hle hian ka hria a, kha  
mi objective lam pawh en chang tawh lo khan hman mai tunna

pawh a ni chuang lo a tih pheh kha chu ka zuk dem phal lo e a, a ti a ni tih a hriat reng a, a chunga loh theih loha a tlak avang khan a tih kha chhia leh tha hriatna nei tan chuan a zuk hriat theihin ka hria a. Dik tak chuan kan kal-phung hi in ennawn chu ngaiin ka hria, state dangin an tih hi tih loh theih kan zir tur a ni, state dang zawng zawngin an tih kan tih loh theih hian kan changkang ang. Loh theih loha an sawi anga an tih ah chuan kan tih chu a dik ang. Tunah chuan loh theih loh anih leh nih loh pawh kan hre lo, commitment an siam hmasa zel a, chu chu helaiah kan buaipui mai mai alawm mawle. Helaia kan zavai pawhin Inner Line Regulation an ti tawp dawn tih anga Zoram mipui ten lungrualna ang kha chuan han kar ni ila kan Minister zahawm tak te pawh in karfungah min neih ve sela, mipui pawh hian Aw kan nei ve a, min ring der ve selang chuan an hnungah hian tangkai tak pawhin kan ding thei ang tih kan beisei a ni. Tlawm sa in an zuk kal thin a, chu tlawmsa chu keimahni ah a lo kal leh a, chulai chu kan dawngsawng thiam lo a nih hi.

Inrawn tlanna pawh awm lova, khulamah kan mirethei te ipthe ah a awm alawm ti a zuk in commit leh ringawt thin a, MOU an sign thul, chumi chulmam tum chuan vawinah tawngkam an thiam a, engtin emaw chuan an chul mamleh pawh a nianga. Mahse Pu Speaker, a mam dawn lo. Mirethei ten an tawrh chuan a mam kan ti lo hria hrim a ni. Kan Minister zahawm tak hian tih leh hunah uluk zawkin rawn ennawn leh sela, vawinah chuan min pass pui lo hram mai lawm ni tih ka ngen ni sela.

Ka lawm e. (Speech not corrected.)

DR. LALZAMA

: Pu Speaker, ka lawm e. Ka thil sawi duh tam tak an sawi tawh a, han sawi leh vek a ngaiin ka ring lo a. Kan hriat angin kan ngaihtuah mek hi Mizoram sales on petroleum and petroleum products, amendment bill hi thil pawimawh tak niin ka hria a. Vawing a amend-na tur a ni tawh a, nichin khan kan ngaihtla tawh a, hun lo kal zelah hian Pu Speaker, thil man to tur hi kan dang reng lo tih hi kan hriat phawt a thain ka hria a. Ka hmaa sawitu leh opposition atanga sawitutena an sawi kan han ngaihtlak hian kuthnathawktute pawh hian an thlai thar chhuah man te hi an ti to chho zel a, a man lo sang chho zel avangin an lo vau duh awm mänge tih ka ngaihtuah rum rum a. 1973 a dan an lo siam tawh hi a rei tawh a, nichina kan ngaihtlak ang khanin, khang hun laia thil kha tunah a fit tawh lova, a awm tawh lova, churang chuan amend chhohazel a ni a. Khanglai kha chuan High School zirtirtu leh UDC te pawhin Rs.400 vel an hlawh a ni a, inanglo tak tak a ni a, sawi pawh ngai lova kan hriatna vek a ni. Churang chuan hun lo kal chho zel ah tuna kan Minister zahawm takin a rawn introduce ang hian amendment a rawtna ah hian, a principle act ah hian rate awm tawh lova sorkarin notification siama hetiang a tihdang-

...67/-

lam zel theihna tur kha a ni a. Tunah pawh hian LGP chung-  
changh hian a rate a hniam dawn tihna a ni a, hei hi kan  
pass leh phei chuan tih hniam ngawt theih a ni lova. Ni-  
chinah pawh kan ngaihthlak kha, hemi gas cylinder pawh hi  
Rs.4.27 zelin tunah pawh a hniam phah theih dawn a, chung  
te pawh chu kan sawi lang duh lem tawh lova, a thil dang tha  
lo hlir hi kan sawiin ka hria.

Tunah pawh gas hmang tam tak  
kan awm a, khawpui leh thingtlangah pawh tam takin an hmang,  
heng tan hian kawng a kaw zel dawn a, a man pawh a tlawm  
phah dawn tih te pawh hi sawi tel ila a tha in kan hria a,  
thil hi kan sawi tluantling tha duh lovin ka hria. Engpawh-  
nisela, Pu Speaker, thil man to reng reng a, hi kan hriat  
a tha in ka hria, chu chu kan Zoram mipui pawh hian kan  
hriat theuh a ni. Anhnah tel, antam tel man to kha lo dan  
theih chi a ni lo, a sang chho hret hret zel, Kamis man  
pawh a sang, buhfai man pawh a sang, labour man pawh a sang  
a, sorkar hnathawk hlawn pawh a sang a, khati zel kha a ni  
a. Chuvang chuan Pu Speaker, helaliah hian petrol man pawh  
a lo sang anga, Mizoramah diesel man hi a hniam ber kan ni  
a, North East States ah hian.

India ram state pumpui mai  
tena anzawh theih tawh Uniform Floor rate pawh hi Arunachal  
tak ngial te pawh han ti ilangin kan hmuhsitna nilovin, an-  
ni pawhin an zawh theih tawh India ram state zawng zawng  
zinga Mizoram state chauh ina la zawh famkim thei lo nihte  
hi dik tak chuan a tlawngaih thlak in ka hria a ni. Tunah  
hengte hi a tha love tia rawn sawitute pawh kha a mimal  
anga han titi naah chuanin an duh, a tha an ti vek tho ania  
Pu Speaker, an rilru tak tak an sawi pawhin ka hre hran lova,  
a mawiah an han sawi ve in an han hnial ve ringawtah ka ngai  
a ni. Mimal anga kan han titi tlenna ah hi chuanin, "Ni e,  
a awm tawh a ni. India ram State zawng zawnga a thei lo awm  
chhun nih hi thil zahthlak tak pawh a ni", an ti ve tho ania.  
Chuvang chuanin, kan zavai hian helalia amendment kan Minister  
zahawm takin a rawn rawt pawh hi kan duh tlang vek a ni.

Heng pawh hian a rate san tur  
leh tur loh pawh a kaww chuang lova, state sorkarina a ruat  
a rate a kha a ruat ang ang kha a ni dawn a, tih san emaw,  
tih hniam emaw kha a ni mai dawn a. Hetia legislate pui pui  
House-a sawi ngai tur ang chi kha a buaithlak a nia, chu-  
vang chuan heng hi in hriat a tha in ka hria a, Pu Speaker.  
Chuvangin Hmarchhak State zawng zawngin an tih theih hi chu  
ti ve thei turah han in ngai ilangin a tha in ka hria a.  
Chuvangin, thil hlauhawm pui a ni lem love, petrol man te  
pawh a lo sangin thil phurh man pawh a lo to tur anih hi  
chuanin tlem chuan a sang mai thei bawk e, kang kan han  
ngaihthlak pawh kha a awm thova. Amaherawhchu, hun lo kal  
zelah hian heng hi kan la zuihzat tur thil tak a ni nghe  
nghe a, sale tax lak chungchang thleng te in kan sawi a, a  
lehlahmah chuan kum 2050 chho ah te phei hi chuan vawiinni  
a he House zahawm taka kan discussion thil a hi record-in

a la awm dawn si a, thangtharte hian min nuihzat duh awm mange an nui an nui anga tih ke kha ka rilruah a awm thin.

Kum 1950 vela Kohhran Committee minute leh engemaw hi vawiin nia nuihzatthlak tak tak a awm tlat a ni. Chutiang deuh hlek chuan vawiin nia, sale tax lak leh lak loh chungchangte hi la nuihzatthlak tur a ni. Dik tak chuan a item hi tleme Mizoramah kan la chauh nghe nghe a ni a, India ram state dangte anga a kim vek pawh a la ni lova, a bul kan tan dawn ek ek chauhva, 2000 vel ah chuan safe tax lak leh lak loh pawh hi House ah discuss alawm mawle, tiin thangthar hi chu an la nui an la nui ve dawn a ni.

Engpawhnisela, hemi kan dan siam ah hian kan hriat angin 1974 April, 1 atang tawh a kan lo hman tan anih tawh avangin revenue source tha tak pawh a la ni reng mai a. Chuvang chuan Mizoram tana tha a lo ni e, vawiin ni ah hianin Pu Speaker, han hnial han hnial chi pawh a ni lova, amendment Minister zahawm takin a introduce hi lungruah taka kan pass hi a awa ka ti khawp mai. Chuvang chuan pass mai kha ka rawn rawt a ni e. Ka lawm e.

PU LALHMINGTHANGA

: Pu Speaker, nichin khan ngenna kan han siam a, kha kha min pawm sak leh kan Member hrang hrang ten an ngaih dan an sawi

leh thliah thliah kha a lawmawm khawp mai a. Hemi kan Bill vawiina Taxation Minister zahawm takina a rawn put luh hi uluk taka en a tulin ka hria a, point tha tak tak opposition bench lam amite hian a rawn sawi a, chu chu lakkhawmin "Mipui kan harsa lutuk tawh e, hetiang Petrol leh Diesel ah te chhiah sang tak kan lak chuan kan tlin lo ang," tih an rawn sawi a. Khumi rualin Ruling lam pawhin "Engpawhnisela, kan theih ang chhiah kan pek hi chu a tul a ni," tih an rawn sawi a. Tin, state dangte tih ang chu kan ti ve thei tur alawm", tih pawh an sawi a. Hemi ruala point pahnih/thum chauh kan sawi duh chu "Opposition lam hian chhiah (tax) pek hi kan duh lo a ni lova, kan pe tur a ni, kan Bible leh kan thurinnain min zirtir pawh chhiah petu nih hi," a ni a.

Amaherawhchu, tuna kan ruling party tena an tih dan anga, mipui rethei tawh lutuk si, kawng tin renga hetiang ringawta dimna nei lova an hrek vak mai ta hi rem kan ti ve lova. Indirect Tax hi chu a chawitu chu mipui zel kan nih lawibawk si a, a pung sang zawnng hlira dan an han siam hi chu kan ram tan hian a tha lo hrim hrim in kan hria a. Chuvang chuan Ruling party hian an rilru (spirit) ken lai hi tlemin hnuk hniam deuh se tih hi kan ngen phawt a ni. Tin, he Bill bikah hi chuan thlir zau loh deuh hlekna kan sorkar hian a nei emaw ni chu aw a zuk tih theih a. 1973 ah engti nge a bika petroleum products ah hian Mizoramah Act siam a lo nih tih kha kan zuk en chuan India mipui context-ah hi

chuan Railway Ticket man te, petrol man te leh petroleum products atanga tax lak hi mipui nunna chhiat leh that kengtu bulpui anih avang hian tuna kan ngaihtuah mek bill in a rawn proposed anga, an duh hun apiangah Department-in tax rate hi chu notification lo siam mai se tih a, zalen-na pek a hi a tir te atanga India parliament-in a kalpui dan a ni lo hrim hrim a ni.

Nichinah khan kan Revenue Minister zahawm takin "Revenue Department ah te pawh tiang hian kan ti tawh a, a rate House-ah tuk tawh lovin Notification hian tih mai nise kan ti tawh a ni," tiin precedent awm tawh ang khan a han sawi a. Kha kha dan tam takah chuan a nihna leh tihdan phung pawh a ni reng a ni. Amaherawhchu, India Budget hi kan thlir chuan mipuiin an thlir leh an bukna lian ber chu "Petrol ah tax thar lak a ni dawn em, Petroleum products ah te Railway ticket ah te hian tax thar lak a ni dawn em," Parliament leh Legislative Assembly ah ngei hian hetiang khawpa mipui nun khawih chhia a, khawih tha theitu leh mipui phurrit leh rit lo siam theitu an nih avangin a rates tur te hi sawi a ni thin a. A tir te atanga kal chhoh pui a ni a, chu practice atang chuan tuna kan bill hian tihdan thar rawn siam a, thil a rawn danglam ta hi a that ka ring lova. Tun hnu, hun kal zel atan pawh khami All India practice atanga kan kal peng a, precedent tha lo kan siam a rem lo a ni. Chuvangin, kan sorkar hian tlawngaih thila la hauh lovin hei hi chu House ah zel hian an rates hi sawi thin turin kal pui zel zawk nisela, tha in ka hria a.

Member zahawm tak ten an sawi lang tawh a, pakhatna ah chuan Uniform floor rate hman tur a ni. Motor spirit ah hian 20% lak a ni anga, Liquefied Petroleum Gas ah 8% a ni anga, Diesel oil ah 12% a ni anga, Lubricant ah 8% an ti a. Tuna kan lak lai mek ah hian Motor spirit petrol kan tih te, civil aviation oil ah te hi chuan in 8% atanga 20% a a pung chho hi chu za zelah za sawnga pung ang a ni ta a, a sang em em a ni hei hi.

Diesel ah hian 5 atanga 12-a an pung chho pawh hi 100 zela 120 vela pung chho tur ang a ni a, hemi in Zoram mipui min nghawng chhoh dan tur hi chu na tak a ni dawn a, he thil hi ruling party tih anih avanga kan object hrim hrim ni lovin, Zoram mipui ten kanla tlin loh leh min khawih nghal mai tur anih si avangin kan sorkar dinglai hian he bill hi bantam zawk nih **chhuanga** min pass luih pui lo turin ka ngen a ni. Nichin lama Member thenkhat ten an sawi lan tawh ang khan kan sorkar chuan fing taka lo tlan khalh nan Bus chuan man te chu an han san hmasa ta a, mahse, Bus chuan man san lawk mai hian a ti dam dawn hauh lova, tuna kan Chief Minister helai ka thutna ngeia a thut laia "Mizoram mipui rethei tak sawrfu tlak tawh loh fu leh zuala sawr na tur a ni e" a lo tih tawh ang khan, he bill hi mipui phurrit siam tu tur a ni a. Chuvangin, khawngaih takin kan Minister hian hnuh let leh selang, mumal zawk deuh a inrawn tlangin bill thar buatsaih that leh a tha lawm nitih hi Zoram mipui aiawha kan ngenna a ni.

Ban pam chhuanga min phar liam mai dawn anih chuan kan thinlung pawh a na viau ang. He bill chungchangah good spirit (rilru tha) kan nei tak tak a, kan ram tan hetiang ang thut hi chuan la tih rih loh a la tul niin kan hria a. Ban tam chhuanga min phar liam dawn chuan Pu Speaker, inggaih pawimawhna a ni lova, insawi liam mai chu kan duh loh zia entir nan kan phar pui lo anga. Ruling lamin an vote tawh hnuah keini chuan walk out (vote laa kal chhuak) in kan thinlung leh tih tak zetin ram that na tur nia kan hriat avang zawkin kan ngaihndan chu kan ti lang dawn a ni. Kan tih tur "walk-out" kan stage tur hi Zoram mipuite kan hmangaihna entirna a ni ang. Ka lawm e, Pu Speaker.

S P E A K E R : Awle, dar 4 chiah a ni a, dar 4-a zawh kan tum deuh kha a ni a. Mahse, Member te duh danin kal ila, zawh law law tum ila. Tunah bill neitu Pu Lalchamliana, Minister-in han Wind-up sela, pass pawh dil nghal rawh se.

PU LALCHAMLIANA : Pu Speaker, ka lawm e. Hei MINISTER vawinah ka bill The Mizoram Sales of Petroleum and Petroleum Products including Motor spirits and Lubricant Taxation (5th Amendment) Bill, 2001 House-in uluk taka an ngaihtuah avangin lawmthu kan sawi haasa duh a. Member 22 lain an sawi a, a lawnawm hie in ka hria.

Amaherawhchu, thil hriat fuh loh thenkhat Member thenkhatten an nei niin ka hria a. Kan hre lo tak tak pawh a ni lo mai thei a. Thenkhat han sawi kual deuh tur ngai pawh awmin ka hria a, khawngaihmin lo dawh hram hram sela tiin kan ngen haasa duh a ni.

A hmasa bera ka sawi duh chu kan opposition group hruaitu leh a thawhpui Member zahawm tak tak ten he House ah hian dawt sawia statement dik lo sawi anga min sawina kha ka pawm lo hul hual a. A chhan chu kan sawi nawn leh anga, he bill kan pass hrim hrim avang hian petrol emaw diesel emaw a man a san phahin Member thenkhat nichina mite sawi a kha LGP man kha a tlem phah dawn nghal a ni lo a. He bill in a tum tak zawk chu kan opposition leader zahawm takin a sawi kha a ni chiah a ni. Member tam tak pawhin an rawn sawi bawk a. A act ah hian thil rate hi a awm chuan Assembly hian sawi ziah a tul thin a, mahse, hun a lo inthlak zelah hian thil rate, chhiah rate emaw te pawh hi tihsan emaw tih hniam emaw a lo ngai thin a. Chuvang chuan, khami kha Assembly-a tih zel ngai tawh lovin Notification in Gazette ah sorkar in he thil rate hi bituk tawh rawh se tih mai a kha a ni.

Chu chu a ni, Pu Speaker, he tah hian transparency a awm theih nan he bill ngau ngau in a tum chu kha kha a ni a. Chutah chuan Bill ah hian statement of objects and reasons tih te, financial memorandum te a awm thin a ni, chutah chuan he statement of objects and reasons ah hian 1.1.2000 atangin Uniform floor rate hman ve tumna thutlukna a lo awm ta a. Chungah chuan heng chi hi a rate a ni tih an rawn tar thla ta a. Amaherawhchu, engemaw avangin tih a ni ta a ni. Tunah hian Uniform floor rate hrim hrim hi i hmang ang u tiin sorkar in rawn rawt nghal sela, he a principle, nichina kan sawi a Act ah hian a rate awm tawh lovin tih nise, chu a rate a hi hetah hian i ti danglam ang u tiin rawn siam mai tur a ni. Amaherawhchu, kan sawi chiah zawk a chu kan opposition leader kha a rawn man fuh a. A principle thil ah Assembly in a tih zel nge sorkarin a tih zel tih laiah kha chu chu Uniform floor rate te pawh 1.1.2000 atangin hman tan tur an ti a, amaherawhchu, hei hi a hman ngawt theih love, Assembly ah tih a ngai a, in rawn sawi ta a.

Tin, hetah a piah ah hian chu tiang chuan lo hmang ta ila Uniform floor rate te pawh hi tihna a ni. A tawi thei ang berin siam duh ta ila chuan Financial Memorandum ah pawh hian a sentence pakhatna ah pawh hian a tawp thei a ni. There will be no additional financial implication in the form of expenditure ti hian a tawp mai thei a ni. Amaherawhchu, he sorkar ah hian Dan thar in tih te pawh a ngai ve bawk a, kan ti thin a, kan sawi ve thin a ni. Chuvangin, thuruk a awm lohva he bill tih danglam a lo nih hnua hian hetiang ... hi a awm thei anga tih kha Member zahawm tak te leh kan ram mipuite pawn an ngaihtuah na an lo hman ve te pawh a tha ka ti a ni. Chuvang chuan, hei hi 1989 kha a ni. Chu chu state tam berah erawh chuan a hranga nei lovin pakhatna heng zawng zawng hi a awm a, chutah chuan kan thenawm state te pawh kan han zawh hian Assembly-a tih danglam zel ngai lovin a rate hi chu Gazette ah Notification in an lo ti a ni.



Tin, chu lo lehah chuan Central Excise Act 1956 hei hi Mizoramah hian hman a ni bawk a, hun rei tak atangin hei pawh hi lo hman tawh a ni. Chutiang chi thumah chuan Sales Tax dan hi lekkawh a niin Sales Tax hi lak a lo ni ta a. Tichuan, he Petroleum chung chang a kan dan 1973 hi a tirah chuan hetiang hian percent in chhiah la ang an lo ti chiah lova, an lak dan chu litre 1 ah pawisa chuti zat ni rawh se an ti a ni. Tin, progressive system of taxation an ti bawk a, chumi ang chuan a litre zel ni lovin a man atang khan a percentage tukin la ang an ti ta a. Chu 1995 Amendment ah hian hetiang hian a percentage ah khan an lo dah ta a, chu chu wawihnah hian hetiang a Act a awm zel si chuan a buaithlak a, chuvang chuan sorkarin a tihdanglam theih turin hei hi chu i siam tawh zawk ang, remchanna a awm zawk ange, kan ti a ni.

Tin, a dik tak chuan, 16th November, 1999 ah, nichina Member ten an sawi ang Khan Uniform floor rate hi hman tan tura rel a ni a, tichuan, 1.1, 2000 atangin hei hi hmang tan ang an ti a ni. Khami hman tan anih khan a state hmang tan khan an legislate lem lo a ni. Notification in kha thurel ang khan an bawhzui a ni tih kan sawi kai tel duh a ni. Tin, kha 16.11.1999 a Finance Minister Conference a, kan Chief Minister zahawm tak zuk tel tum ah khan a tang tawh lo a ni, tih te Member thenkhatin an sawi a. A zuk in surrender a ni lawm ni ? tihte in an sawi a ni. Amaherawhchu, khami tuma kan Chief Minister zahawm tak thusawi kha, Pu Speaker, ziakin a awm a, Taxation Department pawh hian a kawh tha a ni. A principle ah chuan Sales Tax lak te pawh hi awm kan ti a, a hmam September, 30 1999 ah Council of Minister in thurel lo nei tawhin 1st Nov, 1999 atangin selected Item ah la ve ang tih te pawh kan lo rel, amaherawhchu, tax culture te pawh kan la nei lova, chuvang chuan Uniform floor rate hi kan la thei lo a ni, hei hi chu min telh ve suh u, tiin a ngen lawm lawm a ni.

Amaherawhchu, mi tam zawkin an tih avangin kha kha a hnial thei ta bik lo a ni tih kan sawi duh a. Tin, Member thenkhat ten wawihnah pawh hian kan C.M. zahawm tek hi tlanbo ta anga an sawina te pawh kha a pawh ka ti a, a tul lo deuh mange ka ti a. Kan hre theuhin ka ring a, sorkar hmasa atanga bul lo tan tawh, Selesih ah Vety College siam a ni a, chu chu Union Agriculture Minister in a hawng dawn a, wawih kher hi remchang a rawn in siam ni a ni a. Chutah chuan kan sorkar aiawhin a tel a. Chuvang in, hei hi a-ma duhthua tel lo lui a ni lova, Pu Speaker.

PU ZAKHU HLYCHHO

:

Pu Speaker, i remtihnain, tun tumah hian Bill pahnih dang kan la nei a, naktuka ngaih-tuah tur a ni a. Bill ah reng

reng hian Financial Involvement a awm loh chuan No Extra Financial Involvement, Extra Financial Involvement may be treated as nil tihte in hei a awm ve ve a ni. Hei hi naktuka kan sawi tur a ni a, tuna mi a bill ah hian hetiang anih dawn chuan tuna an sawi ang khan Financial Memorandum ah khan hei hi an ziaak tur a ni a, amaherawhchu, additional revenue a hmuh turah crore 2 a rawn ziah tel avang khan a dang ta tlat mai a ni. Hei hi kan bill nen naktuk a kan sawi tur chu a ni, kha kha ka zuk sawi chhuah chhan a ni a, khalei kha khawngaih takin min han clarify teh se.

PU LALCHAMLIANA  
MINISTER

: Pu Speaker, naktuk bill ham hi ka la en ve hman lo deuh hlek a, kha lam kha chu kan Chief Minister zahawm tak hi khatiang thila pawimawha kal bo a ni tih kha he House zahawm tak hian an hriat pawh ka ring a, chu chu kan sawilang tel duh a.

Tin, kan kalphungah Mizoram Sales Tax Act, 1989 sec 4-na clause 3-na ah pawh khan Sales tax rate tih hniam leh tihsan chungchang thuah hian Assembly thlen ngai lovin sorkarin Gazette notification a ti thei a, chutiang ang dan chu 1989, Mizoram Sales tax Act ah hian kan nei a ni. Chuvangin wawin niah hian he House zahawm tak hian sorkar kuta a rate tih hniam leh tihsan a pek chungchang thuah hian principle kalhna leh engmah tih a awm chuangin a lang lo a ni. Tin, Member thenkhat ten, Pu Speaker, special category state kan ni a, special category state te hian sales tax an pe loya ni tih hi an sawi a, hei hi a pawh ka ti, special category state chu nangmah ngei pawhin a clarification i sian ang khan revenue a indaih lo, state an sum hman tur aia an pawisa lakluh tlem lutuk state ho a kha a ni.

India ramah hian hetiang hi 11th Finance Commission khan state 15 min dah a, amaherawhchu, tun hnaiah Arunachal state a lo nih ve takah hian hetiang state hi 16 kan lo awm ta a ni. chung zingah chuan North East state 8 sikkim tel hian kan ni vek a ni. Hengte hi han en ta ila, special category state in sales tax an pe lo anga sawi hi Pu Speaker, thudik lo a ni tih kha a lang Chiang hle in ka ring a, tichuan nichinah pawh khami i vei lama Member te pawh khan an sawi a, Meghalaya ah chuan a rate chu chuti a ni tih petrol rate chuti a ni, Diesel rate chuti a ni tih te pawh kha an rawn sawi a ni. Khang kha special category state vek an ni tih kha, Pu Speaker, wawin niah hian kan hriat sa vek mah nisela, han sawi nawn leh tulin ka hria a ni. Tin, kan Member zahawm tak Saitual bialtu kha a chhut fuh lo deuh niin ka ring a. Uniform Floor rate hi la ve ta ila, Diesel ah hian Hmarchhakah Mizoram hi a sang ber dawtu kan ni ang, a tih kha Pu Speaker, a dik tak zawk chu Indian oil corporation Ltd. Assam oil Division in

a chhut dan chuan tuna diesel-a 5% lak hi 8% ah Mizoram hian la ve ta sela, Rs.15.90 dieselman a ni. Chu chu India ram Hmarchhak ah hian diesel man tlawmna ber tur a ni. A chhan chu Assamah chuan 12% an lak bakah.....

PU LALRINZUALA : Pu Speaker, kan Minister in a sawi kha, ka hriat soal loh chuan special categories 16, hei state rawn piang tharte nen tih kha 11th Finance Commission in a rawn sawi kha ni awmin a rawn sawi a. Hei hi 11th Finance Commission lehkhabu kha a ni a, heta a landan hi chuan a awmsa hi 11 a ni a. Tuna state thar 3 nen kha chuan 14 ni awm takin a lang a, 11th Finance Commission ah khan state 13 an ni a, amaherawh-chu, Gap Grant a pek dan kha a in ang lo a ni, thenkhat chu kum khat atan a pe a, thenkhat kum thum atan a pe a, thenkhat chu kum nga atan a pe a. A tam ber kha kum 5 atan a pek te kan ni.

PU LALCHAMLIANA : Pu Speaker, tikhan diesel rate MINISTEK chungchangah kha khuan keini hi Rs.15.90 ni tura ngaih kan ni a. Chuti anih chuan a hniam ber kan la ni dawn a ni. State thenkhatah chuan tih tak tak ah chuan petrol mai bakah hian Diesel ah hian Assam te chuan 10% surcharge an la a, Meghalya khuan 2% surcharge an la tawh a, kha kha a dinhmun chu a ni.

Pu Speaker, vawiin niah hian mak ka tih viau thin chu leh party politics a thil harsa deuh mai chu i veilama thu Member zahawm tak tak te pawh kha sales tax lak hi Mizoroma mipui tam ber te ngaihndan nei niin ka hria a. Tuah hian puitlin lam pana kan kalna turin sales tax te pawh hi kan lak ve a, hetiang hi kan tih tur a ni tih kha mimal taka han titi nikhua chuan an ngaihndan ni ve thin in ka hria a. Mahse, party in khati zawng chuan sawi lovang an ti nge ka hre lova, khatiang zawng kha an sawi lo thin a. An chhia leh tha hriatna kalh hian an sawi ka emaw ni chu aw te hi ka ti thin a.

Engpawhnisela, mak ka tih thin chu, sale tax hi Mizoram sorkar ta tur liau liau a ni a, mipuite tan-a hman leh tur a ni. Thenkhatin an sawi angin, thil siam chhuah hian excise chhiah kan pe thin a ni. Excise chhiah chu Mizoram sorkar ah a lut lova, Central ah a vain a lut vek a ni. Chu aia hnaivai a tehkhin tur awm chu Telecom Department hi a ni, an duh hun hunah Telephone man hi an tipung mai a ni, chutiayang chung chuan kan phunnawi ngai reng reng lova. Engati nge kan sorkar tana tlemte te kan lak hian kan phun leh tlat thin le, kan inngaihtuah chian a ngai a ni.

...75/-

Kan sawi fo thin ang leh hriat theuh angin chhiah reng reng hi a lar thei lo khawp mai, amaherawhchu, chhiah tel lovin sorkar a kal thei lova, sorkar chu Kohhran ang a ni kan tih thin kha. Kohhran chu mipuite thawhlawm tel lovin a kal thei reng reng lo a ni. Kohhran chak, Biak In tha nei a, Missionary tir chhuak tam tur chuan a mipui ten thawhlawm kan thawh tam a ngai a ni. Chutiang chiah chuan, ram chhunga state hrang hrangte pawh chhiah an pek tam loh chuan sorkar chak a ni thei lo, a mipuite pawh mi thawhchhuah ngawt ringa kan in nghah chuan, chu chu hnam changkang lo zia a ni. Chuvangin puitlin lam pana kan kal ve hi a hun tawh a ni e.

Tichuan, nichinah kan Member zahawm tak khan a sawi tawh a, neitu nihna thinlung nei tur chuan, Kohhran ah pawh thawh tam chu an challeng deuh a ni. Chutiang bawkin sorkar ah pawh, miin chhiah a pek tam chuan neitu thinlung a lo pu a, chutatang chuan sorkar leh ram siam that duhna te a lo awm thin a ni.

Tin, keima mimal tak taka ka ngaihtuah pawhin, engati nge Mizote hian, corruption kan tih, dik lo taka pawisa hmanna hi kan ngaih mawh vak lo hle, a chhan chu, House-ah hi chuan Member te hian ngaimawh awm takin kan sawi thin, a miinir hian kan ngai pawimawh vak lo, ka thenawm pa chuan a hlawh ang hlawh ang hlawhin Motor te a nei a, a hlawh ang bakin In leh lo a nei a, a fate lehkha hmun danga a zirtir thei tih kan hriat pawhin, sorkar hna-thawk khan pawisa a hmang dik em tih kha kan la ngaihtuah lo a ni. Engati nge kan tih chuan, sorkar ah khan kan la thawh tlem em alawm. Mi state ah chuan sales tax avang ringawt hian an budget 60% te an tlin a ni. Keini ah chuan Taxation Department hian chhiah hi chi ngaah kan la ve a, chung zawn zawn belkhawm chu, kan budget atanga chhutin 0.92% vel a ni, 1% pawh hi Taxation atang hian kan la in ti lo a ni.

Chuvang chuan, Pu Speaker, kan intih ve a hun tawh a, heng kawngah hian kan inzirtir a ngai. Tin, kan Member thenkhatten Plan Assistance cut-a min vau mai mai kha in hlau em ni, min cut tak tak chuang lovang an ti a, a dik mai thei a, a dik lo mai thei. A dik lo theia ka rinna chu Central sorkar tuna dinglai khu, tun hmaa Congress sorkar ding ang mai mai a ni lo. An kalphung khu a danglam tlat. A chhan chu, Rural Development-ah hian entirna han sawi ila, miretheite dawmkanna tur programme an siam a, mimal dawn theih chi individual beneficiaries an awm theihna ang chi kha, kum sawmli chuang an lo hmang tawh a, hei hi a sawtpui lom Mirethei an pung tawh tawh an ti a. Funhna K.D-avote zawn nana remchang tak IRDP, MWF tih te, Trysem tih ang chi chiruk kha an ti bo tawp mai a ni. Chumai chu a ni lova, subsidy pawh hi ram changkangah a awm lo. Hei pawh hi tihbo a tul a ni an ti a, tibo turin hma an la a, buhfai mante a lo tova, khawnvartui man te a lo to phah, a, thenkhat pheii chuan MWF sorkarin an ti to te an ti ngawt a. Pu Speaker, hei hi chu kan uar deuh thin, Central-

in subsidy a tih tlem avanga lo awm ta a ni.

Kan sawi duh tak zawk a chu, Plan assistance kha kan hlah chuang lo ang an tih lai a kha non-plan lamah hian special category state an nihna ang ngei khan keimahni Mizoram sorkar emaw state dang special category state ve reng rengin formyla an hman ang, heti zat hi kan la lut anga, heti zat hi kan hmang chhuak ang an tih ang formula nilovin, 11th Finance Commission ina anmahni formula siam ang ngei khan revenue state grant min siam ta a ni. Chu chu Eleventh Finance Commission khan nikum khan cheng vaibelchhe zathum leh sawmnhih leh pahnih hi Mizoram chan tur liau liau in a dah a ni. Tunhma zawng zawng chuan state sorkar in state grant hi a hmu mai thin a ni. Mahsela, additional term of reference an han siam ta a. Chutah chuan he anmahni kea ding tura an in zir ve loh chuan engtikah mah an ding chhuak lovang. Chuvangin an hmuh tur 15% hi chu incentive fund ah i dah sak ang an ti a, 322 atang khan a amount ah chuan vaibelchhe 48.41 kha min dah that sak ta a ni.

Chu chu Finance Commission ah pawh an lungruah chiah lova, Member pakhat Baghchi chuan hei hi constitution kalh a ni a ti a. Mahse, majority khan a kalh love an ti a, an kal tlangpui ta a ni. Tichuan, a takin nikum Financial year chung khan hun dang zawng zawng kan pawisa hmuh ngei ngei thin anga kha vaibelchhe 48.41 kan lo chan ta rih a. Chutiang chuan kumin ah pawh kha kha hman leh tur an ti a, tan lak ve te pawh hi a ngai deuh alawm mawle. Chuvangin an ti lovang tih ringawt hi chu Pu Speaker, inghahna tlak ah a lang lova, a takin non-plan lamah hian an ti tawh tlat a ni. Chuvangin kan tih a, revenue kan hmuh belh tur, chum bakah chuan min hren sak kan lak chhuah theihna tur han tih te hi chu tupawh han sorkar sela an tih tur hlah hlah hi niin ka ring a. Chuvang chuan Pu Speaker heng a hi kan ngaihtuahna ah te pawh kan hman chian a tul hle in ka hria a. Chung chu a tlangpuiin ka han sawi duh a.

Tin, ka han sawi nawn leh duh a chu he bill kan pass hrim hrim avang hian Petrol emaw Diesel emaw a to chuang lovang. Amaherawhchu, sorkarin Uniform floor rate hi i hmang ve ang tia thutlukna a siam ve a, notification Gazette-a a siam anih chuan a to anga. Kan sawi tawh ang khan LPG 10% i la ang an lo tih thin a pawh kha 8% ah i la ang tih thutlukna a siam hunah chauh kha kha effective in a awm thei dawn a ni. Chuvang chuan Pu Speaker, he amendment bill hi khawngaih taka min pass sak turin ka han ngen a ni e. Ka lawm e.

S P E A K E R : Minister in-charge-in pass a  
rawn dil ta a, pass remti  
apiangin 'remti' ti rawh u.

Pass remti lo apiangin 'remti lo' ti rawh ule. "The Mizoram Sales of Petroleum and Petroleum products including Motor Spirit and Lubricants Taxation Act, 1973 (5th Amendment) Bill, 2001 chu he House hian lungual takin pass a ni. (Pu Lalchamliana : Pu Speaker, ka lawm e).

Vawiin atan chuan kan business kan zo ta a, kan chawl hrih anga, naktuk ni 18 thla 10, 2001 Ningani dar 10:30 ah kan thu khawm leh dawn nia.

Meeting Adjourned. 4:20 P.M.